



Gwasanaeth
Mabwysiadu
Cenedlaethol

National
Adoption
Service



AFA CYMRU
association for fostering and adoption
cymdeithas ar gyfer maethu a mabwysiadu

FFRAMWAITH YMARFER

Sefydlogrwydd Cynnar Cymru



Cynnwys

1. Cyflwyniad	3	7. Paratoi, Asesu a Chymeradwyo Gofalwyr SCC	33
Trosolwg i Ymarferwyr	5	Canllaw i lenwi Adroddiad Atodol Cymru Gyfan SCC	35
Y Fframwaith Cyfreithiol	6	ar gyfer y Panel Maethu	
2. Cynllunio Gofal SCC ar gyfer y Plentyn	8	8. Gwybodaeth i rieni, a gwaith gyda rhieni	37
Cynllunio gofal ac opsiynau atgyfeirio posibl	10	Y cam cynllunio llwybr deuol	38
Ystyriaethau penodol ar gyfer lleoliadau lle mae'r	11	Cyfarfod cynllunio llwybr / Proses cyn-achos yr	38
plentyn yn cael ei ildio		Amlinelliad Cyfraith Gyhoeddus	
Neilltuo rolau ar gyfer SCC	12	Achos gofal	38
3. Atgyfeirio Plentyn SCC	14	Ailuno neu leoli gyda'r teulu ehangach	39
4. Paru ar gyfer SCC	16	Achos Gorchymyn Lleoli	39
5. Lleoli o dan SCC	19	Paru i Fabwysiadu	39
Cyllid SCC	20	Gwybodaeth i gynrychiolwyr cyfreithiol rhieni	40
Ymweliadau ac adolygiadau gan weithiwr	20	9. Pan fydd plentyn yn dychwelyd at ei rieni	42
cymdeithasol y plentyn		10. Ar ôl penderfyniad Gorchymyn Lleoli	43
Cyswllt	21	Cydnabyddiaethau	45
6. Recriwtio, Paratoi, Asesu a Chymeradwyo	22	Cyfeiriadau	45
Darpar Fabwysiadwyr			
Gwybodaeth ar gyfer gwefannau a deunyddiau	23		
Gwybodaeth ar gyfer digwyddiadau gwybodaeth a	23		
hyfforddiant paratoi at fabwysiadu			
Gwybodaeth ar gyfer darpar rieni mabwysiadol	24		
Canllaw i Weithwyr Cymdeithasol Mabwysiadu:	28		
Adroddiad Darpar Fabwysiadwr			
Gwybodaeth i ganolwyr	31		
Gofalwyr SCC a chyllid	32		



Crëwyd y fframwaith ymarfer hwn gan AFA Cymru ar ran y Gwasanaeth Mabwysiadu Cenedlaethol. Comisiynwyd ac ariannwyd y fframwaith ymarfer hwn gan Wasanaeth Mabwysiadu Cenedlaethol Cymru.

Cedwir pob hawl. Anogir ymarferwyr i ddefnyddio'r deunyddiau ffynhonnell i gefnogi eu hymarfer. Mae llawer ohonynt ar gael ar ffurf y gellir ei lawrlwytho. Ni ellir atgynhyrchu'r ddogfen hon heb ganiatâd Gwasanaeth Mabwysiadu Cenedlaethol Cymru.

Darlun clawr: Jess Coldrick

SEFYDLOGRWYDD CYNNAR CYMRU: FFRAMWAITH YMARFER

Cydnabuwyd, ers meitin, bwysigrwydd perthnasoedd agos, cariadus y gellir eu rhagfynegi er mwyn i blant allu datblygu mewn ffordd iach. Rydym yn gwybod bod y cyfnod cyn genedigaeth plentyn, a phrofiadau cynnar, yn dylanwadu ar ddatblygiad ymennydd plant a'u patrymau ymlyniad, y ogystal â'r hyn y maent yn ei gredu amdanynt eu hunain, pobl eraill o'u cwrpas a'r byd y maent yn byw ynddo.

Os yw'r profiadau hyn yn rhai positif, yna mae'r plentyn yn dysgu ymddiried y bydd y sawl sy'n gofalu amdanynt yn eu cadw'n ddiogel ac yn ymateb pan fydd arnynt eu hangen, ac yn ei dro mae hyn yn creu proffil datblygiad niwronodweddiadol. Mae'r plentyn yn dechrau dysgu sut i reoleiddio rhyngweithio cymdeithasol a chael pleser ohono; gall ddechrau archwilio'r byd gan wybod ei fod yn ddiogel ac yn cael gofal.

Mae straen yn y cyfnod cyn genedigaeth plentyn, a phrofiadau cynnar gwael, yn golygu y gallai'r plentyn ddatblygu profiad hollol wahanol o'r byd a phatrwm dysgu gwahanol, gan fod trawma yn ymyrryd â datblygiad yr ymennydd ac yn effeithio arno. Yn anochel, mae symud dro ar ôl tro at ofalwyr newydd yn gwneud y trawma hwn yn waeth, ac yn golygu bod y plentyn angen dysgu technegau goroesi newydd, a chymhathu'r golled mae'n ei phrofi gyda phob symudiad.

Beth yw Sefydlogrwydd Cynnar?

Mae Sefydlogrwydd Cynnar yn rhoi sylfaen ddiogel i blentyn mor gynnar â phosibl, ar yr adeg pan fo wythnosau a misoedd wir yn gwneud gwahaniaeth; mae'n galluogi'r ymennydd i ddatblygu mewn ffordd iach ac mae'n galluogi ymlyniad iach trwy berthnasoedd diogel y gellir eu rhagfynegi, gydag oedolion sensitif. Mae hefyd yn lleihau'r symud sy'n achosi gofid a thrawma pellach.

Dyma'r term ambarél ar gyfer yr arfer o leoli plant, fel arfer ar ddechrau achos gofal, pan fydd gorchymyn gofal interim, neu pan fydd plentyn yn cael ei ildio, gyda gofalwyr maeth sydd hefyd wedi cael eu cymeradwyo fel darpar rieni mabwysiadol. Mae'r gofalwyr sefydlogrwydd cynnar yn gweithio gyda'r cynllun gofal fel unrhyw ofalwr maeth prif ffrwd, gan ymgymryd â'r holl dasgau maethu, gan gynnwys hwyluso cyswllt. Dim ond pan fydd y cynllun gofal yn dod yn gynllun mabwysiadu, ac mae yna awdurdod i leoli fel lleoliad mabwysiadu, y bydd y gofalwr maeth yn dod yn ddarpar riant mabwysiadol i'r plentyn.

Nid yw'r ffaith fod y gofalwyr yn gallu dod yn rhieni mabwysiadol i'r plentyn, yn effeithio ar statws y lleoliad maethu na'r blaenoriaethau ar gyfer y lleoliad maethu; nid yw chwaith yn effeithio ar gwrs yr achos gofal a phenderfyniad y llys am gynllun gofal y plentyn ar ddiwedd yr achos gofal. Dylid tawelu meddwl rhieni fod eu plentyn yn cael gofal da, bod y cyswllt yn cael ei drefnu'n dda ac y bydd yr ailuno neu'r lleoli gyda'r teulu ehangach yn cael ei hwyluso mewn ffordd broffesiynol, sy'n canolbwyntio ar y plentyn, os mai dyna fydd penderfyniad y llys.

Er nad oes gan rieni'r hawl i wrthwynebu lleoliad Sefydlogrwydd Cynnar Cymru, gan ei fod yn lleoliad maethu sydd wedi'i reoleiddio'n iawn, gwneir pob ymdrech i oleuo rhieni, eu cyngorwyr cyfreithiol, Cafcass Cymru a'r llys, os oes angen, am fanteision y lleoliad i'r plentyn, a hefyd i'r rhieni.

Yn anad dim, mae gofalwyr sefydlogrwydd cynnar yn ddarpar rieni mabwysiadol. Eu hysfa yw dod yn rhieni mabwysiadol. Ond, rydym yn gwybod o'r arfer yn Lloegr, fod nifer gynyddol o ddarpar fabwysiadwyr yn barod i ddod yn ofalwyr maeth i blentyn ac felly mae'n golygu bod y plentyn hwnnw'n gallu cael cyn lleied â phosibl o newid i'w lleoliad, waeth beth yw'r cynllun gofal. Mesurir llwyddiant y lleoliad yn ôl yr hyn sy'n iawn i'r plentyn.

"Synnais gymaint yr oedd hyn yn cadw'r plentyn wrth galon popeth. Dyma oedd y peth iawn i'w wneud. Mae'n bwysig i bobl glywed bod yna bobl sy'n gallu ymdopi â'r ansicrwydd ac yn gallu ymdopi'n gyffredinol."

Gofalwr Sefydlogrwydd Cynnar (Lloegr)

(Ail-unwyd y plentyn cyntaf a leolwyd trwy Sefydlogrwydd Cynnar gyda'r teulu biolegol, ac yna aeth ymlaen i fabwysiadu plentyn trwy Sefydlogrwydd Cynnar)

Cofiwch: Dylai fod rhybudd mabwysiadu ynghlwm wrth bob un o ddogfennau SCC

Hanes

Mae sefydlogrwydd cynnar wedi bod ar gynydd yn Lloegr ers diwedd y 1990au. Yn gyntaf, fel swyddogaeth gydredol, hynny yw cymeradwyo gofawyr fel gofawyr maeth a darpar fabwysiadwyr ar yr un pryd, lle mae'r plentyn fel arfer yn faban neu'n blentyn ifanc iawn. Yn ail (ac yn fwy cyffredin erbyn hyn) trwy faethu er mwyn mabwysiadu, lle mae'r awdurdod lleol sy'n lleoli, trwy'r sawl sy'n gwneud penderfyniadau, yn cymeradwyo'r darpar fabwysiadwyr fel gofawyr maeth dros dro ar gyfer y plentyn penodol hwnnw.

Nid yw'r llwybr maethu i fabwysiadu a welir yn Lloegr ar gael yng Nghymru. Nid yw'r ddarpariaeth 'maethu i fabwysiadu' a gyflwynir yn a81 Deddf Gwasanaethau Cymdeithasol a Llesiant (Cymru) 2014 yn caniatáu lleoli ar ddechrau achos gofal oherwydd mae'n gofyn am benderfyniad 'dylid lleoli'r plentyn i'w fabwysiadu' a phenderfyniad paru cyn y gellir lleoli'r plentyn gyda gofawyr maeth sydd hefyd wedi eu cymeradwyo fel darpar fabwysiadwyr.

Yr unig fecanwaith ar gyfer sefydlogrwydd cynnar yng Nghymru, felly, yw'r swyddogaeth gydredol (cymeradwyaeth ddeuol).

Ar hyn o bryd, cyfyngedig yw'r ymchwil sydd ar gael. Yn 2011, gwnaeth Cymru astudiaeth hydredol ar 57 o blant a leolwyd mewn lleoliadau cydredol, a chanfuwyd nad oedd unrhyw darfu ar y sampl a gymerwyd. Fodd bynnag, er gwaethaf y lleoliad cynnar iawn, roedd ar draean o'r plant angen cymorth sylweddol o hyd wrth iddynt dyfu i fyny. (Ponomarenko et al 2018).

Yn eu hastudiaeth estyn yn 2017/18 gyda 12 o deuluoedd, amlygwyd negeseuon polisi allweddol sy'n berthnasol i ni yng Nghymru wrth i ni ddechrau datblygu ein harfer SCC. Gwerthfawrogwyd y cyfleoedd i ddatblygu ymlyniadau gyda'u plant mor gynnar â phosibl yn ogystal â chyfleoedd i gyfarfod a dod i adnabod rhieni biolegol y plentyn, yn fawr iawn. Yn yr astudiaeth amlygwyd adroddiadau positif gan blant a rhieni er gwaethaf rhai heriau sylweddol a'r angen am wasanaethau cymorth mabwysiadu parhaus.

Nid yw lleoli'n gynnar yn mynd i ddatrys pob problem, ond mae'n cynnig y cyfle i feithrin ymlyniadau cadarn o'r cam cynharaf. Mae hyn wedi creu lleoliadau sefydlog er gwaethaf yr anawsterau a gyflwynwyd. Mae angen cynllunio gwasanaethau, a darparu adnoddau ar eu cyfer, ar y sail y bydd mwyafrif y plant angen cymorth, gan gynnwys cymorth i mewn i'r glasoed a thrwy'r glasoed (Ponomarenko et al 2018)

Fframwaith 'SCC'

Cynlluniwyd ein fframwaith, sy'n benodol i Gymru, i ddefnyddio'r model cydredol hwn mewn ffordd sy'n diwallu anghenion ystod ehangach o blant gan gynnwys:

- 1) Babanod a phlant bach lle gallai fod rhywfaint o siawns o ailuno, neu siawns fach iawn; mae'r gofawyr yn derbyn bod yna ymrwymiad o hyd i ailuno neu leoli gyda'r teulu ehangach os yw'r cynllun gofal yn gofyn am hynny;
- 2) Plant hŷn, pan fo'r cynllun gofal yn newid yn annisgwyl a bellach yn debygol o fod yn gynllun ar gyfer mabwysiadu (er enghraifft, pan fydd lleoliadau person cysylltiedig / perthynas yn methu neu pan fydd cynllun ailuno'n methu). Mewn sefyllfaoedd fel hyn, bydd defnyddio SCC yn amhrisiadwy, yn enwedig lle byddai'n rhaid i'r plentyn symud i leoliad maethu byrdymor newydd cyn cael ei baru gyda darpar fabwysiadwyr.

Nodweddion penodol eraill y fframwaith, a ymgorfforwyd yn ganlyniad i ymchwil a gwersi a ddysgwyd yng Nghymru, yw:

- Datblygiad fframwaith cyson ledled Cymru, gan alluogi nifer allweddol o ofalwyr SCC i gael hyfforddiant o bell, gyda'i gilydd, ac i ddatblygu rhwydwaith cymorth
- Dealltwriaeth glir iawn gan y gofalwr SCC, o'r risgiau ynghlwm â dod yn ofalwr SCC
- Dealltwriaeth glir mewn perthynas â'r gefnogaeth y mae'r gofalwr SCC ei angen gan yr asiantaeth – pwy, beth, pryd ayb
- Cefnogaeth i rieni yn ystod y lleoliad maethu ac i mewn i'r lleoliad ailuno neu'r lleoliad mabwysiadol
- Ffocws ar ddatblygu cysylltiad rhwng y gofalwr SCC a'r rhiant, trwy gyfarfodydd a thrwy drosglwyddo adeg sesiynau cyswllt.


Datblygwyd a chyflwynwyd y fframwaith i Gymru gyfan mewn adrannau clir, gan adlewyrchu'r goblygiadau dilyniannol i arfer ar gyfer asiantaethau ac ymarferwyr. Mae pob adran yn rhoi trosolwg o'r cam hwnnw, gyda'r hyn sydd angen digwydd a'r dogfennau perthnasol a ddatblygwyd ar gyfer fframwaith SCC.

Bydd y fframwaith yn cael ei adolygu, ei ddatblygu ymhellach yn ôl yr angen, a'i ddiwygio fel sy'n briodol wrth i SCC symud ymlaen ledled Cymru, gan gynnwys y gwersi a ddysgwyd. Felly, dylai ymarferwyr gyrchu dogfennau a thempledi o wefan y Gwasanaeth Mabwysiadu Cenedlaethol a thrwy ap y Gwasanaeth Mabwysiadu Cenedlaethol er mwyn sicrhau eu bod yn gyfredol.

Er mwyn hwyluso'r gallu i gyfeirio, trwy gydol y fframwaith:

- Cyfeirir at y gweithiwr cymdeithasol mabwysiadu fel GCMabwysiadu; at ddiben atgyfeirio plentyn, paru a lleoli o dan SCC, y gweithiwr cymdeithasol hwn fydd y gweithiwr cymdeithasol mabwysiadu Canfod Teulu yn y rhanbarth.
- Cyfeirir at y gweithiwr cymdeithasol maethu fel y GCMaethu.
- Cyfeirir at weithiwr cymdeithasol y plentyn fel GCP.

SIART LLIF 1: TROSOLWG I YMARFERWYR



Y FFRAMWAITH CYFREITHIOL

Mae SCC yn ffordd benodol o sicrhau bod plentyn yn cael ei symud i gyn lleied o leoliadau â phosibl cyn gwireddu ei gynllun gofal ar gyfer sefydlogrwydd.

Egluro fframwaith SCC

Nid yw SCC yr un peth â lleoliad 'maethu i fabwysiadu' yn Lloegr, lle mae'r sawl sy'n penderfynu yn asiantaeth fabwysiadu yr awdurdod lleol yn gallu rhoi cymeradwyaeth dros dro i'r darpar fabwysiadwr i fod yn ofalwr maeth dros dro ar gyfer plentyn penodol.

Nid yw SCC yr un peth â'r ddarpariaeth 'maethu i fabwysiadu' yng Nghymru, dan a81 (10) ac (11) Deddf Gwasanaethau Cymdeithasol a Llesiant (Cymru) 2014, lle mae angen gwneud penderfyniad 'dylid lleoli'r plentyn i'w fabwysiadu' a phenderfyniad paru cyn y gellir lleoli'r plentyn.

Beth yw SCC?

Ar gyfer SCC, mae angen cymeradwyaeth ddeuol fel darpar riant mabwysiadol a gofalwr maeth:

1) Cymeradwyaeth fel rhiant mabwysiadol

Yn gyntaf, mae'r darpar ofalwr SCC yn cael eu cymeradwyo fel darpar riant mabwysiadol dan reoliadau Asiantaethau Mabwysiadu (Cymru) 2005, fel y'u diwygiwyd. Er y bydd yr Adroddiad Darpar Fabwysiadwr yn gwneud nifer o gyfeiriadau at y posibilrwydd y gallai'r darpar fabwysiadwr hwn ddod yn ofalwr SCC, mae'r gymeradwyaeth yr un peth ag unrhyw gymeradwyaeth arall i fabwysiadwr – h.y., eu bod yn 'addas i fabwysiadu plentyn' – rheoliad 30A(1) (argymhelliad y panel) a 30B (penderfyniad y sawl sy'n gwneud penderfyniadau yn yr Asiantaeth). Gellid cyfeirio at addasrwydd y darpar fabwysiadwr i ddod yn ofalwr SCC dan reoliad 30A(4), lle gallai'r panel mabwysiadu roi cyngor ar nifer o faterion.

Y cyngor fyddai y dylid ystyried yr ymgeisydd/ymgeiswyr fel gofalwr/gofalwyr SCC (Darparwr y Gwasanaeth Maethu fydd yn gwneud yr argymhelliad a'r penderfyniad hwn – gweler isod) yn yr un ffordd â rhoddir cyngor ar, er enghraifft, oed, lleoli brodyr a chwiorydd ayb. sydd yna'n destun ystyriaethau cysylltu a pharu. Byddai'r cyngor hwn yn cael ei nodi ar y dogfennau y mae cadeirydd y panel yn eu llenwi a bydd y sawl sy'n gwneud penderfyniadau yn yr Asiantaeth yn eu cadarnhau yn yr un ffordd ag unrhyw achos arall.

2) Cymeradwyaeth fel gofalwr maeth

Nawr mae angen cymeradwyo'r darpar fabwysiadwr a gymeradwywyd fel gofalwr maeth. Ymhob cydweithrediad mabwysiadu rhanbarthol, mae'r awdurdodau lleol wedi enwebu un neu ddau i fod yn gyfrifol am yr asesiad maethu, cymeradwyaeth a chymorth, ar eu rhan, mewn cydweithrediad â'r GCMabwysiadu (Ceir eglurhad o rolau a chyfrifoldebau'r GCMabwysiadu, GCMaethu a GCP yn y ddogfen Neilltuo Rolau (gweler tudalen 12). Fel enghraifft, felly, bydd darpar fabwysiadwr Gwasanaeth Mabwysiadu De-ddwyrain Cymru yn mynd ymlaen at wasanaeth maethu Blaenau-Gwent (Y Darparwr Gwasanaethau Maethu enwebedig ar gyfer Gwasanaethu Mabwysiadu De-ddwyrain Cymru) i gael cymeradwyaeth a chymorth, er efallai eu bod yn byw yn Nhorfaen a bod plentyn o Gasnewydd wedi ei leoli gyda nhw. Yn y senario hwn, byddai Casnewydd yn ad-dalu Blaenau-Gwent am y lleoliad (cymeradwyaeth a chymorth ar gyfer y gofalwr SCC).

Mae'r gymeradwyaeth maethu yn gymeradwyaeth syml dan reoliadau 5 (argymhelliad gan banel) ac 8 (cymeradwyaeth y sawl sy'n gwneud penderfyniadau) Rheoliadau Paneli Maethu (Sefydlu a Swyddogaethau) (Cymru) 2018. Mae'r panel yn argymhell, a'r sawl sy'n gwneud penderfyniadau yn penderfynu a yw'r ymgeisydd yn addas i fod yn rhiant maeth.

Caiff y darpar ofalwr SCC ei argymhell i'w gymeradwyo fel gofalwr maeth ar gyfer lleoliadau byrdymor (lleoliadau SCC yn benodol) a bydd telerau'r gymeradwyaeth yn adlewyrchu cyngor y Panel Mabwysiadu o ran niferoedd ac oed plant (rheoliad 5(1)(b)).

Pryd y mae'n bosibl defnyddio lleoliad SCC?

Gwneir mwyafrif y lleoliadau SCC yn ystod achosion gofal, er, gallant gael eu defnyddio weithiau ar ôl gwneud gorchymyn gofal a phan fydd tarfu ar leoliad lle mae yna gynllun wrth gefn i fabwysiadu.

Efallai y bydd rhai sefyllfaoedd lle mae plentyn a gaiff ei ildio yn addas ar gyfer lleoliad SCC; yn yr achos hwn mae'n bwysig iawn dilyn y [Canllawiau Arfer Da ar gyfer Asiantaethau Mabwysiadu a Cafacass Cymru: Children Relinquished for Adoption](#). Datblygwyd dogfen ychwanegol (ystyriaethau penodol SCC ar gyfer plant a ildwyd) yn rhan o ddeunyddiau fframwaith SCC a dylid ei darllen ar y cyd â'r uchod (gweler tudalen 11).

Wrth leoli mewn lleoliad maethu

Pan fydd plentyn yn cael ei leoli mewn lleoliad SCC, lleoliad maethu yn unig ydyw. Nid yw'r ffaith fod y gofalwr hefyd wedi ei gymeradwyo yn ddarpar fabwysiadwr yn cyfrannu o gwbl at y lleoliad ac mae'r gofalwr yn ymgymryd â'r holl dasgau maethu yn yr un ffordd ag unrhyw ofalwr maeth prif ffrwd.

Bydd y lleoliad maethu'n parhau hyd nes:

- 1) y bydd y plentyn yn cael ei ailuno gyda rhieni neu ei leoli gydag aelodau o'r teulu ehangach. Bydd y gofalwr maeth SCC yn helpu hwyluso'r symudiad, neu
- 2) y bydd y llys yn gwneud gorchymyn lleoliad, ac yna, i ddilyn, argymhelliad paru a phenderfyniad gan y panel cydweithrediad mabwysiadu rhanbarthol perthnasol a'r sawl sy'n gwneud penderfyniadau o fewn yr asiantaeth

Os bydd y plentyn yn cael ei ailuno neu leoli gydag aelod o'r teulu, ac mae'r gofalwr SCC yn penderfynu bwrw ymlaen gyda lleoliad SCC arall, yna byddant yn parhau i fod yn ofalwyr maeth. Os ydynt yn penderfynu dewis lleoliad mabwysiadu prif ffrwd, byddant yn ymddiswyddo fel gofalwyr maeth trwy anfon llythyr at y darparwr gwasanaethau maethu perthnasol.

Wrth leoli mewn lleoliad mabwysiadu

Unwaith y bydd penderfyniad wedi ei wneud ynghylch paru, mae'r lleoliad maethu yn newid i fod yn lleoliad mabwysiadu, mae'r gofalwr SCC yn peidio â bod yn ofalwr maeth i'r plentyn ac yn dod yn ddarpar riant mabwysiadol. Yna, mae'r darpar fabwysiadwr yn ymddiswyddo trwy anfon llythyr at y darparwr gwasanaethau maethu perthnasol.

Nid yw'r newid statws hwn yn atal unrhyw gamau gweithredu angenrheidiol rhag cael eu cymryd, gan gynnwys cyswllt Ffarwelio, unrhyw newidiadau i drefniadau cymorth a chyswllt, fel sy'n briodol, a gwaith uniongyrchol gyda'r plentyn.

Cais i fabwysiadu

Er mwyn ymgeisio am orchymyn mabwysiadu, rhaid bod y plentyn wedi byw gyda'r ymgeisydd/ymgeiswyr am o leiaf 10 wythnos cyn y cais (a.42(2) Deddf Mabwysiadu a Phlant 2002).

Ar gyfer gofalwyr SCC, pennir yr amserlen hon o ddyddiad cychwyn y lleoliad SCC ac felly mae ymgeisydd/ymgeiswyr yn gallu ymgeisio am orchymyn mabwysiadu unwaith y daw'r lleoliad yn lleoliad mabwysiadu ffurfiol, ar yr amod fod yr amserlen o 10 wythnos wedi cael ei bodloni.

Mewn rhai achosion, efallai y bydd yr ymgeisydd/ymgeiswyr yn dewis cyflwyno'u cais cyn yr adolygiad mabwysiadu cyntaf (heb fod yn fwy na phedair wythnos ar ôl dyddiad y lleoliad mabwysiadu, heb fod yn fwy na thri mis, ac wedi hynny dim mwy na chwe mis (rheoliad 37(4) Rheoliadau Asiantaethau Mabwysiadu (Cymru)2005), ond byddai trafodaeth a chytundeb ar hyn ar y pwynt hwn fel arfer.

Unwaith eto, ni fyddai hyn yn atal unrhyw gamau angenrheidiol rhag cael eu cymryd fel sy'n briodol.

Ymweliadau ac adolygiadau gan weithwyr cymdeithasol

Mae yna reoliadau penodol sy'n berthnasol i ymweliadau gweithwyr cymdeithasol a'r drefn adolygiadau ar gyfer lleoliad SCC; mae angen dilyn egwyddorion arfer da, a bydd yn dibynnu ar anghenion y plentyn a'r teulu. Caiff y rhain eu cyflwyno yn yr adrannau "Lleoli o dan SCC: Mae angen i'r canlynol ddigwydd" ac "Ar ôl penderfyniad Gorchymyn Lleoli: Mae angen i'r canlynol ddigwydd" fel sy'n briodol.



Gofalwyr SCC a chyllid

Mae gofalwyr sydd wedi cael cymeradwyaeth ddeuol fel darpar rieni mabwysiadol a gofalwyr maeth yn gymwys i gael absenoldeb a thâl mabwysiadu statudol o'r dyddiad y lleolwyd y plentyn gyda nhw fel gofalwyr maeth. Sylwer: nid yw gofalwyr hunangyflogedig yn gymwys i gael tâl statudol.

Mae Rheoliadau Deddf Gwasanaethau Cymdeithasol a Llesiant (Cymru) 2014 (Diwygiadau Canlyniadol) 2016, rheoliadau 53-54 ac 143-148, yn alinio Cymru gyda'r darpariaethau sydd ar gael yn Lloegr.

Roedd Deddf Gwasanaethau Cymdeithasol a Llesiant (Cymru) 2014 (Diwygiadau Canlyniadol) 2016 ("Rheoliadau 2016") wedi diwygio Deddf Nawdd Cymdeithasol 1989 a Deddf Cyfraniadau a Budd-daliadau Nawdd Cymdeithasol 1992 a Deddf Hawliau Cyflogaeth 1996.

Gwnaeth Rheoliadau 2016 y diwygiadau canlynol:

Deddf Nawdd Cymdeithasol

Atodlen 5, paragraff 5A – darpariaethau absenoldeb tadolaeth annheg

Atodlen 5, paragraff 5B – darpariaethau absenoldeb mabwysiadu annheg

Atodlen 5, paragraff 5C – darpariaethau rhannu absenoldeb rhiant annheg

Deddf Cyfraniadau a Budd-daliadau Nawdd Cymdeithasol

Adran 171ZB – Tâl Tadolaeth Statudol -Hawl: mabwysiadu

Adran 171ZE – Tâl Tadolaeth Statudol – Hawl: mabwysiadu

Adran 171ZL – Hawl i Dâl Mabwysiadu Statudol

Adran 171ZN – Tâl Rhiant Statudol a Rennir – Cyfradd a chyfnod y tâl

Adran 171ZV – Tâl Rhiant Statudol a Rennir – Hawl: mabwysiadu

Deddf Hawliau Cyflogaeth

Adran 57ZS – Lleoli plant sy'n derbyn gofal gyda darpar fabwysiadwyr

Adran 75A – Absenoldeb mabwysiadu cyffredin

Adran 75G – Hawl i absenoldeb rhiant a rennir: mabwysiadu

Adran 80G – Dyletswyddau'r cyflogwr mewn perthynas â chais o dan adran 80F

Am ragor o fanylion, gweler y ddogfen am **ofalwyr SCC a chyllid** yn Adran 6: Recriwtio, Paratoi, Asesu a Chymeradwyo, ar dudalen 32.

Cynllunio Gofal SCC ar gyfer y Plentyn

2

MAE ANGEN I'R CANLYNOL DDIGWYDD

Dylid sefydlu egwyddorion ac arfer SCC yn y gwaith cynllunio gofal a'r broses benderfynu o gam cynnar, a dylid eu hystyried fel mater o drefn ochr yn ochr ag opsiynau eraill ar gyfer sefydlogrwydd.

Holl ddiben SCC yw tarfu cyn lleied â phosibl trwy symud plentyn cyn lleied â phosibl o weithiau ac osgoi'r trawma a'r effaith ddatblygiadol hirdymor ar y plentyn gymaint ag sy'n bosibl, tra bod y llys yn dod i benderfyniadau am ei ddyfodol. Mae'r rhain yn blant sy'n debygol o fod wedi dioddef straen sylweddol, a hynny yn y groth ac ar ôl cael eu geni. Mae SCC yn cynnig profiad gofal cyson a sefydlog i'r plant bregus hyn, o'r eiliad gynharaf bosibl, gyda'r cyfle i ddatblygu ymlyniad diogel efallai na fydd angen ei dorri. Yn anochel, mae hyn yn sicrhau canlyniadau datblygiad cadarnhaol ar gyfer y plant, waeth a ydynt yn dychwelyd at eu teulu neu'n mynd ymlaen i gael eu mabwysiadu gan eu gofalwyr SCC.

Rhaid cofio, ar bob adeg, nad oes unrhyw beth yn fframwaith SCC i liniaru'r penderfyniad i adael i rieni ailafael yng ngofal eu plentyn, i aelod o'r teulu gymryd gofal dros y plentyn neu, os mai mabwysiadu yw'r cynllun gofal dewisol, i gynnal trefniadau i gadw mewn cysylltiad os yw'n bodloni anghenion y plentyn.

Yr hyn sy'n hanfodol wrth ddod i benderfyniadau, yw bod yna dystiolaeth sy'n sefydlu buddion SCC ar gyfer y plentyn neu'r plant dan sylw, yn glir, a bod y dystiolaeth hon yn cael ei chasglu, ei dadansoddi'n glir a'i phrofi'n gywir a bod cytundeb yn ei chylch. Dylai'r dystiolaeth hon nodi'n glir ddadansoddiad realistig o'r risg o ailuno gyda rhieni neu gydag aelodau o'r teulu estynedig a sicrhau bod modd ymdopi â hyn.

Mae [Siart llif 2](#) yn nodi opsiynau posibl lle gallai'r penderfyniad i leoli plentyn/plant mewn lleoliad SCC fod yn briodol, ac yn nodi'r ystyriaethau wrth atgyfeirio a chynllunio gofal ar gyfer yr opsiynau posibl gen'i, yn ystod yr achos ac ar ôl yr achos. Dylai gweithiwr cymdeithasol y plentyn ddiweddar rhieni'r plentyn yn llwyr am yr hyn sy'n digwydd ar bob cam; mae'r siart llif yn nodi pwyntiau allweddol lle mae gofyn rhoi gwybodaeth benodol am SCC i rieni a'u cyfreithwyr, a hysbysu CAF/CASS yn y ffordd briodol.

Plant a gaiff eu hildio. Dylid ystyried SCC hefyd pan fydd rhieni wedi dweud y dylid lleoli eu plentyn/plant mewn lleoliad mabwysiadu, a lle mae'r rhiant/rhieni wedi mynegi eu cydsyniad i'r trefniant hwnnw yn gyson, a lle mae'n glir bod ganddynt y galluedd i wneud hynny.

Gweler y ddogfen ystyriaethau penodol **SCC ar gyfer plant a gaiff eu hildio** (gweler tudalen 11) lle mae plentyn yn cael ei ildio a chydsyniad ffurfiol i fabwysiadu yn cael ei roi dan adrannau 19 a 20 Deddf Mabwysiadu a Phlant 2002. Dylid darllen y ddogfen hon ar y cyd â'r [Canllawiau Arfer Da ar gyfer Asiantaethau Mabwysiadu a Cafacass Cymru: Children Relinquished for Adoption](#), a chadw ati.

Wrth gynllunio SCC ar gyfer plant, rhaid i hynny ddigwydd yng nghyd-destun cynllunio gofal rhagweithiol ac achosion llys lle mae rhieni biolegol yn cael eu cynrychioli'n llawn.

Mae'r egwyddorion canlynol yn tanategu fframwaith SCC:

- Gonestrwydd a thryloywder llwyr gyda phawb sy'n gysylltiedig ynghylch statws lleoliad SCC. Datblygwyd gwybodaeth bellach ac adnoddau ar gyfer hyn ac maent i'w cael mewn adrannau dilynol yn y fframwaith, fel sy'n briodol.
- Ymyrraeth gynnar (er enghraifft Cyfarfodydd Grŵp Teulu) er mwyn canfod pa gymorth y gallai rhieni ei gael gan y teulu ehangach a phwy allai ofalu am y plentyn yn y tymor hir os nad yw'r rhieni'n gallu gofalu amdano
- Asesiad cyn-achos llawn (gan gynnwys gwybodaeth y bydd angen ei rhannu gyda gofalwyr SCC wrth ystyried paru fel gofalwyr maeth a'r posibilrwydd y bydd y lleoliad yn dod yn lleoliad mabwysiadol). Gweler **Atgyfeirio Plentyn** (Adran 3, tud14) a **Paru ar gyfer SCC** (Adran 4, tud16)
- Trafodaeth gynnar gyda rhieni biolegol a darparu gwybodaeth am SCC. Gweler **Gwybodaeth ar gyfer rhieni a gwaith gyda rhieni** (Adran 8, tud37)
- Rhannu gwybodaeth gyda chynrychiolwyr cyfreithiol rhieni ar gam cynnar. Gweler **Gwybodaeth ar gyfer rhieni a gwaith gyda rhieni** (Adran 8, tud37)
- Rhannu gwybodaeth gyda Cafcass a Swyddogion Adolygu Annibynnol ar gam cynnar – rhagor o fanylion isod
- Cadw at y canllawiau os oes canllawiau ar gyfer plant a gaiff eu hildio, fel uchod. Gweler hefyd **Atgyfeirio Plentyn** (Adran 3, tud14) am ragor o wybodaeth.
- Ffocws ar ddatblygiad perthynas, os yn bosibl, rhwng rhiant a gofalwr SCC, trwy gyswllt. Gweler **Lleoli o dan SCC** (Adran 5, tud19).

Modiwlau wedi'u recordio ar gyfer ymarferwyr a'r panel

- Ar gyfer SCC datblygwyd **modiwl wedi'i recordio ar gyfer ymarferwyr**; cyngorir pob ymarferydd gofal plant, mabwysiadu a maethu i gyrchu'r adnodd hwn. Mae hefyd yn addas i Cafcass a Swyddogion Adolygu Annibynnol a dylai fod ar gael iddynt.
- Ar gyfer SCC datblygwyd **modiwl wedi'i recordio ar gyfer aelodau paneli / y rheiny sy'n gwneud penderfyniadau mewn asiantaethau / a'r rheiny sy'n gwneud penderfyniadau** hefyd, a dylent gyrchu'r adnodd hwn ar y cyfle cynharaf posibl (ochr yn ochr â gwybodaeth arall fel y nodir yn yr adran berthnasol isod) a chyn bod unrhyw achosion SCC yn cael eu hystyried mewn paneli mabwysiadu ac yna yn y panel maethu enwebedig.

Gweler Adran 6: **Recriwtio, Paratoi, Asesu a Chymeradwyo Darpar Fabwysiadwyr**, ac Adran 7: **Paratoi, Asesu a Chymeradwyo Gofalwyr SCC** am ragor o wybodaeth.

Canllawiau i CAFCASS a Swyddogion Adolygu Annibynnol

Mae angen i Cafcass Cymru a'r Swyddog Adolygu Annibynnol gynefino'u hunain yn llwyr â SCC, y fframwaith cyfreithiol, rhannu gwybodaeth ar gamau cynnar gyda rhieni a darpar ymgeiswyr SCC yn ogystal â'r elfennau ychwanegol i'w cynnwys a'u hystyried wrth baratoi ac asesu darpar ofalwyr SCC.

Felly, dylid rhoi'r canlynol iddynt:

1. Cyflwyniad i SCC a [siart llif 1 SCC](#), sy'n rhoi trosolwg o'r broses i ymarferwyr (gweler tudalennau 3 – 5)
2. Fframwaith cyfreithiol SCC (gweler tudalen 6)
3. Gwybodaeth ysgrifenedig a roddir i rieni [taflen 1](#), [taflen 2](#) a [taflen 3](#)
4. Gwybodaeth ysgrifenedig a roddir i [gynrychiolwyr cyfreithiol rhieni](#).
5. Gwybodaeth i [gyflwyno SCC](#) ar wefannau ac mewn hyfforddiant paratoi (gweler tudalen 23), a [Phecyn Gwybodaeth SCC ar gyfer darpar ymgeiswyr](#)
6. Canllawiau SCC i Weithwyr Cymdeithasol Mabwysiadu: Adroddiad Darpar Fabwysiadwr (gweler tudalen 28).
7. Canllawiau SCC i weithwyr cymdeithasol: llenwi [Adroddiad Atodol Cymru Gyfan SCC ar gyfer y Panel Maethu](#)

Sefydlogrwydd Cynnar Cymru

E-fodiwl i Ymarferwyr



Sefydlogrwydd Cynnar Cymru

E-fodiwl i Rieni sy'n Mabwysiadu ac yn Maethu



Mae'r modiwlau wedi eu recordio ar gael i'w lawrlwytho oddi ar wefan y Gwasanaeth Mabwysiadu Cenedlaethol o fis Medi 2022 adoptcymru.com/sefydlogrwydd-cynnar-cymru



SIART LLIF 2: Gofal SCC Cynllunio Gofal ac Atgyfeirio gydag opsiynau posibl o'r enedigaeth, yn ystod achos ac ar ôl achos

Sefydlogrwydd Cynnar Cymru



Gwasanaeth Mabwysiadu Cenedlaethol
National Adoption Service




AFA CYMRU
association for fostering and adoption
association pour l'éducation et l'adoption

SIART LLIF 2: Gofal SCC Cynllunio Gofal ac Atgyfeirio gydag opsiynau posibl o'r enedigaeth, yn ystod achos ac ar ôl achos

■ lle gallai penderfyniad i leoli plentyn mewn lleoliad SCC fod yn briodol

■ pwyntiau lle dylid rhoi gwybodaeth i rieni a'u cyfreithwyr am SCC. Dweud wrth Cafacass Cymru fel sy'n briodol

■ yn berthnasol ar draws pob opsiwn posibl ar gyfer lleoliad SCC



adoptcymru.com/sefydlogrwydd-cynnar-cymru

Cofiwch: Dylai fod rhybudd mabwysiadu ynghlwm wrth bob un o ddogfennau SCC

YSTYRIAETHAU PENODOL AR GYFER LLEOLIADAU LLE MAE'R PLENTYN YN CAEL EI ILDIO

Dylid ystyried y cyngor hwn pan fo lleoliad SCC yn cael ei ystyried lle mae plentyn yn cael ei ildio a chydysniad ffurfiol i fabwysiadu wedi cael ei roi o dan adrannau 19 a 20 o Ddeddf Mabwysiadu a Phlant 2002.

Dylid cadw at y [Canllawiau Arfer Da i Asiantaethau Mabwysiadu a Cafcass Cymru: Children Relinquished for Adoption](#).

Yn ogystal, mae angen ystyried y canlynol:

- Fel gyda phob lleoliad SCC, dylid atgyfeirio'n gynnar at y cydweithrediad mabwysiadu perthnasol
- Dylid dweud wrth rieni ar y cam cynharaf posibl, os ydynt yn penderfynu ildio'u plentyn i'w fabwysiadu, y bydd yr awdurdod lleol/asiantaeth fabwysiadu yn ystyried lleoli'r plentyn mewn lleoliad SCC. Dylid rhoi gwybodaeth am natur SCC i rieni, ynghyd â chynghor clir nad yw natur y lleoliad hwn yn effeithio ar unrhyw un o'u hawliau i ofyn am eu plentyn yn ôl, naill ai o dan a31 Deddf Mabwysiadu a Phlant 2002 cyn iddynt gydsynio neu pan fydd y plentyn yn iau na 6 wythnos oed, neu o dan a32 ar ôl iddynt roi cydsyniad ffurfiol (gweler [Taflen 3: Gwybodaeth i rieni sy'n ystyried ildio'u plentyn i'w fabwysiadu](#)).

- Dylid sicrhau ei bod yn hollol glir i ddarpar ofalwyr SCC beth yw eu sefyllfa gyfreithiol a'u cyfrifoldebau fel gofalwyr maeth ac nad ydynt yn cael cyfrifoldeb riant hyd nes y cydsynnir yn ffurfiol o dan a19. Os yw'r cynllun yn dod yn gynllun ailuno gyda rhieni yna, fel gyda lleoliadau SCC eraill, bydd gofyn i ofalwyr hwyluso'r cynllun hwnnw. Efallai y bydd ansicrwydd hefyd ynghylch tadolaeth y plentyn ac efallai y bydd yna ddyletswydd i geisio gwybodaeth am y tad ac aelodau o'r teulu ehangach o ran eu parodrwydd i gymryd y plentyn, ac o ganlyniad gallai'r plentyn gael ei leoli yn y teulu.
- Dylid hefyd egluro wrth ofalwyr SCC, hyd yn oed pan fydd awdurdod ffurfiol wedi ei roi i osod y plentyn gyda darpar rieni mabwysiadol gan fod y teulu wedi cydsynio o dan a19, mae yna bosibilrwydd y bydd rhieni'n tynnu eu cydsyniad yn ôl ac yn ceisio cael y plentyn yn ôl gan yr asiantaeth fabwysiadu. Os nad yw'r awdurdod lleol/asiantaeth fabwysiadu yn cytuno â dychwelyd y plentyn at ei riant/rieni, yna byddai'n rhaid i'r awdurdod lleol/asiantaeth fabwysiadu geisio gorchymyn lleoli, petaent yn teimlo y gallent brofi bod y meini prawf trothwy yn cael eu bodloni, er mwyn i'r plentyn allu aros yn y lleoliad mabwysiadol. Dylai gofalwyr SCC fod yn glir iawn ynghylch y risgiau cynhenid gyda lleoliad o'r fath pan fydd plentyn yn cael ei ildio, hyd yn oed pan fydd cydsyniad, a dylent fod yn gallu hwyluso dychweliad adref (weithiau o fewn amserlen fer iawn (7 niwrnod)) i'r plentyn, os mai dyna fydd y cynllun gofal.



NEILLTUO ROLAU AR GYFER SEFYDLOGRWYDD CYNNAR CYMRU

Rhanbarth (Mabwysiadu)	ALL Enwebedig (Maethu)	ALL y Plentyn
Gwefan ranbarthol a hyfforddiant Paratoi at Fabwysiadu yn cyflwyno SCC. Rhoddir pecyn gwybodaeth i'r rheiny sydd â diddordeb.		
Hanner diwrnod o hyfforddiant "Ydy SCC yn iawn i chi?" Cyflwynir ar draws Cymru chwe gwaith y flwyddyn. (Am y 12 mis cyntaf, bydd AFA Cymru yn cyflwyno'r hyfforddiant hwn yn ganolog)		
Cwrs maethu undydd SCC Cyflwynir ar draws Cymru bum gwaith y flwyddyn (Am y 12 mis cyntaf, bydd AFA Cymru yn cyflwyno'r hyfforddiant hwn yn ganolog)		
Ymweliad ar y cyd gyda'r GCMAethu yn ystod yr asesiad	Ymweliad ar y cyd gyda'r GCMabwysiadu yn ystod yr asesiad er mwyn trafod y rôl faethu a'r disgwyliadau	
GCMabwysiadu yn llenwi adroddiad Atodol SCC ar gyfer y panel maethu mewn ymgynghoriad â'r GCMAethu	GCMAethu yn cynorthwyo'r GCMabwysiadu er mwyn sicrhau bod y rheoliadau maethu a'r cymwyseddau'n cael eu bodloni. Cwblhau'r Rhestr wirio	
GCMabwysiadu yn mynd â'r PAR at y Panel Mabwysiadu a'r sawl sy'n gwneud penderfyniadau yn yr asiantaeth GCMabwysiadu i lenwi offeryn Monitro SCC ar gyfer Cymeradwyo a Chefnogi Gofalwyr mewn ymgynghoriad â'r GCMAethu – i'w ddiweddarw wrth i'r achos fynd yn ei flaen	GCMabwysiadu i lenwi offeryn Monitro SCC ar gyfer Cymeradwyo a Chefnogi Gofalwyr mewn ymgynghoriad â'r GCMAethu	
GCMabwysiadu yn mynd â'r PAR ac Adroddiad Atodol SCC at y panel maethu a'r sawl sy'n gwneud penderfyniadau	GCMaethu yn mynd gyda'r GCMabwysiadu i'r panel maethu Gofalwr SCC yn cael cymeradwyaeth fel Gofalwr Maeth ar gyfer yr Awdurdod Lleol enwebedig	Cynllunio Gofal yn nodi SCC fel opsiwn bosibl ar gyfer plentyn Rhannu gwybodaeth am SCC gyda'r rhieni a'u cynrychiolydd cyfreithiol Rhannu gwybodaeth am SCC gyda Cafcass Cymru a'r Swyddog Adolygu Annibynnol
Cynnal cyfarfod cynllunio atgyfeiriad SCC gyda'r GCMabwysiadu, GCP a'r GCMAethu. Cadeirir gan uwch-aelod o staff o'r Tîm Canfod Teulu Mabwysiadu	Cynnal cyfarfod cynllunio atgyfeiriad SCC gyda'r GCMabwysiadu, GCP a'r GCMAethu. Cadeirir gan uwch-aelod o staff o'r Tîm Canfod Teulu Mabwysiadu	Llenwi ffurflen Atgyfeirio Plentyn SCC a'i hanfon at y rhanbarth mabwysiadu (yr uwch-bwynt cyswllt a nodwyd) Cynnal cyfarfod cynllunio atgyfeiriad SCC gyda'r GCMabwysiadu, GCP a'r GCMAethu. Cadeirir gan uwch-aelod o staff o'r Tîm Canfod Teulu Mabwysiadu Atgyfeiriad at wasanaeth Reflect os cytunir gyda rhieni (mae'r meini prawf ar gyfer atgyfeirio a'r amser yn amrywio ledled Cymru / ar draws gwasanaethau Reflect)
GCMabwysiadu yn cysylltu ac yn paru gyda gofalwr SCC. Cwblhau fframwaith Paru SCC mewn ymgynghoriad â'r GCMAethu a GCP (yn cynnwys mewnbwn y Cynghorydd Meddygol) Cyfarfod paru SCC / trafodaeth gyda'r GCMabwysiadu, GCMAethu a GCP. I'w gadeirio gan uwch-aelod o staff o'r tîm Canfod Teulu Mabwysiadu. GCMabwysiadu i lunio Llinell Amser Anogaeth Trawma (Diwrnod Deall y Plentyn fel sy'n briodol) GCMabwysiadu i hwyluso cyfarfod gyda'r rhiant/ rhieni os fyddai hynny'n briodol ac yn bosibl ar y cam hwn – mewn ymgynghoriad â'r GCMAethu a GCP GCMabwysiadu i ddiweddarw offeryn Monitro SCC ar gyfer Cymeradwyo a Chefnogi Gofalwyr mewn ymgynghoriad â'r GCMAethu a GCP	Cysylltu a pharu gyda gofalwr SCC Cwblhau fframwaith Paru SCC mewn ymgynghoriad â'r GCMAethu a GCP (yn cynnwys mewnbwn y Cynghorydd Meddygol) Cyfarfod paru SCC / trafodaeth gyda'r GCMabwysiadu, GCMAethu a GCP. I'w gadeirio gan uwch-aelod o staff o'r tîm Canfod Teulu Mabwysiadu. GCMAethu yn nodi gofalwr maeth profiadol fel "cyfaill" ar gyfer y gofalwr SCC, yn enwedig ar gyfer plant ifanc iawn sydd â lefel uchel o anghenion	Cysylltu a pharu gyda gofalwr SCC. Cwblhau fframwaith Paru SCC mewn ymgynghoriad â'r GCMAethu a GCP (yn cynnwys mewnbwn y Cynghorydd Meddygol) Cyfarfod paru SCC / trafodaeth gyda'r GCMabwysiadu, GCMAethu a GCP. I'w gadeirio gan uwch-aelod o staff o'r tîm Canfod Teulu Mabwysiadu. Pennaeth y Gwasanaeth/y sawl sy'n gwneud penderfyniadau ar ran Awdurdod Lleol y plentyn, sy'n gyfrifol am gytuno ar y paru rhwng y plentyn a nodwyd a'r gofalwyr SCC arfaethedig. GCP yn gwneud gwaith uniongyrchol gyda'r plentyn Awdurdod Lleol y plentyn yn ad-dalu darparwr gwasanaethau maethu'r awdurdod lleol enwebedig am gymeradwyo a chefnogi'r lleoliad SCC

Rhanbarth (Mabwysiadu)	ALL Enwebedig (Maethu)	ALL y Plentyn
Lleoli'r plentyn gyda gofalwr SCC GCMabwysiadu yn rhoi mwyafrif y cymorth emosïynol i ofalwyr SCC GCMabwysiadu i hwyluso cyfarfod gyda'r rhiant/ rhieni os fyddai hynny'n briodol ac os nad ydyw wedi digwydd ar gam cynharach – mewn ymgynghoriad â'r GCMAethu a GCP Efallai y bydd angen rhoi cymorth penodol ychwanegol i blant ifanc sydd ag anghenion iechyd / datblygiad Telir ffioedd rhyngasiantaeth fel sy'n briodol Gellir rhannu ymweliadau gyda'r GCMAethu Dod i gytundeb ynghylch dyrannu tasgau maethu (cytundeb ynghylch ymweliadau / cadw mewn cysylltiad). Gweler y canllawiau GCMabwysiadu i ddiweddarau offeryn Monitro SCC ar gyfer Cymeradwyo a Chefnogi Gofalwyr mewn ymgynghoriad â'r GCMAethu a GCP Fframwaith Paru SCC i'w ddiweddarau fel sy'n briodol	Lleoli'r plentyn gyda gofalwr SCC GCMAethu yn llenwi cytundeb gofal maeth SCC GCP yn cwblhau Cynllun Lleoli SCC ac yn ei rannu gyda'r gofalwr SCC GCP yn cwblhau Cytundeb Awdurdod Dirprwyedig SCC gyda gofalwyr SCC mewn cydweithrediad â'r GCMAethu a'r GCMabwysiadu GCMAethu yn goruchwyllo'r lleoliad maethu mewn perthynas â thasgau maethu e.e. cofnodi dyddiol, cyswllt ayb. GCMAethu yn monitro'r "cyfeillio" gyda gofalwr maeth profiadol Gofalwr SCC yn cael lwfans maethu Gellir rhannu ymweliadau gyda'r GCMabwysiadu Dod i gytundeb ynghylch tasgau maethu (cytundeb ynghylch ymweliadau / cadw mewn cysylltiad) a rhannu cofnodion. Gweler y canllawiau	Lleoli'r plentyn gyda gofalwr SCC GCP yn cwblhau Cynllun Lleoli SCC ac yn ei rannu gyda'r gofalwr SCC (ochr yn ochr â'r GCMAethu a GCMabwysiadu). Mae hyn yn cynnwys Caniatâd Rhiant ar gyfer Ymyriadau / Triniaeth Feddygol ac Asesiadau Iechyd GCP yn cwblhau Cytundeb Awdurdod Dirprwyedig SCC gyda gofalwyr SCC mewn cydweithrediad â'r GCMAethu a'r GCMabwysiadu Gwaith uniongyrchol gyda'r plentyn Efallai y bydd angen rhoi cymorth penodol ychwanegol i blant ifanc sydd ag anghenion iechyd / datblygiad GCP yn gyfrifol am ymweliadau statudol a threfniadau cyswllt. Gweler y canllawiau
Os yw'r cynllun gofal ar gyfer ailuno / lleoli gydag aelod o'r teulu, mae'r GCMabwysiadu yn rhoi cymorth i ofalwyr SCC; gofalwyr SCC yn cefnogi pontio at y rhieni GCMabwysiadu i drafod cyfraniad gofalwyr SCC at waith Taith Bywyd y plentyn mewn ymgynghoriad â GCP GCMabwysiadu yn cefnogi ac yn cynllunio'u ffordd ymlaen gyda gofalwyr o ran mabwysiadu; Adolygiad ffurfiol SCC (Dogfen adolygu 1) wedi'i gwblhau pan fo hynny'n briodol GCMabwysiadu i ddiweddarau offeryn Monitro SCC ar gyfer Cymeradwyo a Chefnogi Gofalwyr mewn ymgynghoriad â'r GCMAethu a GCP	GCMAethu yn cefnogi'r broses bontio at y lleoliad. Gall gofalwr maeth sy'n "gyfaiil" ddarparu rhywfaint o gymorth fel sy'n briodol. Gofalwr SCC yn ymddiswyddo fel gofalwr maeth onid ydyw'n bwriadu derbyn lleoliad SCC arall	GCP yn goruchwyllo'r cynllun pontio mewn ymgynghoriad â'r GCMabwysiadu a'r GCMAethu Gwaith uniongyrchol gyda'r plentyn gan gynnwys cynnwys gofalwyr SCC yng ngwaith Taith Bywyd y plentyn GCP yn cefnogi'r rhiant/rhieni neu aelodau o'r teulu ehangach
Os oes cynllun i fabwysiadu, rhoi'r Gorchymyn Lleoli. GCMabwysiadu yn cwblhau adolygiad ffurfiol SCC (Dogfen adolygu 2); mae hwn yn mynd law yn llaw gyda'r gwaith papur paru ar gyfer mabwysiadu. Diweddarau Fframwaith Paru SCC fel sy'n briodol ar gyfer y cyfarfod / Panel Paru. Cytuno ar y cynllun / trefniadau ar gyfer cyswllt Ffarwelio, diweddarau'r cynllun cyswllt / cymorth, cytuno ar waith uniongyrchol gyda'r plentyn Panel Paru / Y sawl sy'n gwneud penderfyniadau yn yr asiantaeth yn gwneud y penderfyniad am Baru. Gofalwr SCC yn dod yn ddarpar fabwysiadwr GCMabwysiadu i drafod cyfraniad y darpar fabwysiadwr at waith Taith Bywyd y plentyn mewn ymgynghoriad â GCP GCMabwysiadu i ddiweddarau'r offeryn monitro ar gyfer Cymeradwyo a Chefnogi Gofalwyr mewn ymgynghoriad â'r GCMAethu a GCP	Gofalwr SCC yn ymddiswyddo fel gofalwr maeth trwy anfon llythyr at ddarparwr gwasanaethau maethu'r Awdurdod Lleol	Ymweliadau statudol GCP yn unol â statws y lleoliad. Gweler y canllawiau Gwaith uniongyrchol gyda'r plentyn Gwaith uniongyrchol gyda'r plentyn gan gynnwys cynnwys y darpar fabwysiadwr yn y gwaith Taith Bywyd

MAE ANGEN I'R CANLYNOL DDIGWYDD

Mae gan yr awdurdod lleol sy'n gyfrifol am y plentyn ddyletswydd i'r plentyn ac i ofalwyr SCC, i sicrhau bod gwybodaeth gefndir sy'n ymwneud â'r plentyn yn cael ei datgelu'n llawn.

Mae Rheoliad 10(1)(a)(i) Rheoliadau Cynllunio Gofal, Lleoli ac Adolygu Achosion (Cymru) 2015 yn nodi bod yn rhaid i'r cynllun lleoli nodi sut y bydd y lleoliad yn cyfrannu at fodloni anghenion y plentyn. Er mwyn cyflawni'r ddyletswydd hon, rhaid i'r gofalwyr maeth gael yr holl wybodaeth berthnasol. Mae'r ddyletswydd hon yn ddyledus i bob gofalwr maeth ac felly'n ddyledus i ofalwyr SCC.

Yn ogystal, mae yna bosibilrwydd y gallai'r lleoliad hwn ddod yn lleoliad mabwysiadol ac felly mae yna ddyletswydd i ddarparu gwybodaeth berthnasol yn ymwneud â datblygiad, iechyd a lles y plentyn yn y dyfodol. Gallai hyn gynnwys mynediad at ddogfennau'r llys gyda chaniatâd y llys. Yn anochel, bydd hyn yn cynnwys rhywfaint o wybodaeth yn ymwneud â'r rhieni biolegol ac, weithiau, aelodau o'r teulu ehangach. Mae A135 Deddf Diogelu Data 1998 yn rhoi eithriad i'r gofyniad am gyfrinachedd mewn perthynas â gwybodaeth bersonol os yw'r datgeliad yn:

'angenrheidiol trwy neu o dan unrhyw ddeddf, trwy orchymyn Llys, neu trwy reol gyfreithiol, neu os yw'n angenrheidiol at ddibenion unrhyw achosion cyfreithiol, neu mewn cysylltiad ag unrhyw achosion cyfreithiol, gan gynnwys achosion cyfreithiol arfaethedig'

Gall awdurdodau lleol, felly, ddarparu gwybodaeth, wedi pennu bod y wybodaeth yn angenrheidiol ac yn berthnasol at ddibenion rhoi gwybodaeth fyrdymor i ofalwyr SCC yn ymwneud â'r lleoliad maethu a gwybodaeth fwy hirdymor yn ymwneud â'r lleoliad mabwysiadol posibl.

- Dylid dweud wrth rieni am y wybodaeth fydd yn cael ei rhannu gyda'r gofalwyr SCC a'r rhesymau pam y mae ar y gofalwyr SCC angen y wybodaeth. Nid oes angen caniatâd rhieni.
- Dylid cynghori gofalwyr SCC yn glir fod y wybodaeth sy'n cael ei rhannu yn gyfrinachol. Dylai [Cytundeb Gofal Maeth SCC](#) adlewyrchu eu hymgymeriad i beidio â rhannu unrhyw wybodaeth am y teulu biolegol gydag aelodau o'r teulu ehangach neu ffrindiau.

Trefniadau Cyn-Achos Amlinelliad Cyfraith Gyhoeddus / Plant a Gaiff eu Hildio

- Os penderfynwyd bod SCC yn cael ei ystyried ac y gallai mabwysiadu fod yn rhan o'r cynllun gofal plant, dylai gweithiwr cymdeithasol y plentyn lenwi [Ffurflen Atgyfeirio Plentyn SCC](#) ar y cyfle cyntaf. Y cyngor cadarn yw cyfathrebu â'r tîm mabwysiadu ar gam cynnar i gael cyngor a chefnogaeth.

- Dylid anfon y ffurflen gyflawn at uwch-gyswllt (fel arfer y tîm Canfod Teulu neu fel y cytunwyd) yn y cydweithrediad mabwysiadu rhanbarthol.

Storio a chofnodi gwybodaeth

Mae angen sicrhau bod cytundeb clir ynghylch cofnodi gwybodaeth a'i storio ar system sy'n gallu bod yn hygyrch i'r ymarferwyr perthnasol tra'n amddiffyn diogelwch a chyfrinachedd gofalwyr SCC ar yr un pryd. Dylid nodi ymarferwyr sydd â'r prif gyfrifoldeb dros ddiweddarau cofnodion. Awgrymir bod cofnodion yn cael eu cadw ar y system fabwysiadu gyda mynediad at ymarferwyr perthnasol fel sy'n briodol.

- Cynhelir cyfarfod Cynllunio Atgyfeiriad SCC gyda'r GCMabwysiadu, y GCP a'r GCMaethu; bydd y cyfarfod hwn yn cael ei gadeirio gan uwch-aelod o staff o'r Tîm Canfod Teulu ar gyfer Mabwysiadu.

Mae'n debygol y bydd rhai bylchau yn y wybodaeth sy'n wybyddus ar y cam hwn, o ran datblygiad, ac ansicrwydd cyfreithiol ar gyfer y plentyn. Mae'r cyfarfod hwn yn gyfle i archwilio unrhyw feysydd aneglur mor gadarn â phosibl. Bydd hyn yn sicrhau bod y broses o rannu gwybodaeth gyda darpar ofalwyr SCC, am y plentyn ac egwyddorion SCC, yn gadarn ac yn ddigonol i'w galluogi i wneud penderfyniadau gwybodus.

Amlygodd astudiaeth Coram (Ponomarenko et al 2018) pa mor bwysig ydyw rhoi cyfle i ddarpar ofalwyr drafod gwybodaeth gydag arbenigwyr fel Cynghorwyr Meddygol cyn ymrwymo i dderbyn lleoliad. Felly, dylai'r GCMabwysiadu archwilio'r sefyllfa i weld a yw hyn yn bosibl ar y cam hwn, os yw'r broses yn symud ymlaen at y cam Paru.

- Bydd y gweithiwr cymdeithasol Canfod Teulu rhanbarthol (mabwysiadu) yn sicrhau bod y ffurflen Atgyfeirio'r Plentyn yn ddienw er mwyn creu proffil y gellir ei rannu gyda gofalwyr SCC posibl.
- Dylai fod cyfathrebu effeithiol rhwng timau gofal plant, mabwysiadu a maethu er mwyn sicrhau bod pob ochr yn ymwybodol o unrhyw benderfyniadau i symud ymlaen at y cam Paru ar gyfer SCC. Gweler **Paru ar gyfer SCC** (Adran 4, tud 16) am ragor o wybodaeth am yr hyn sydd angen digwydd ar y cam hwnnw.
- Bydd y gweithiwr cymdeithasol Canfod Teulu yn gyfrifol am rannu copi o ffurflen Atgyfeirio Plentyn SCC gyda phwynt cyswllt y cytunwyd arno yn y Darparwr Gwasanaethau Maethu enwebedig yn y rhanbarth. Y Darparwr Gwasanaethau Maethu enwebedig fydd y gwasanaeth maethu a enwebwyd i ymgymryd â'r gwaith o gymeradwyo a chefnogi gofalwyr SCC ar gyfer y rhanbarth mabwysiadu penodol hwnnw.

- Os yn briodol, bydd y gweithiwr cymdeithasol maethu a neilltuwyd yn adnabod gofalwr maethu profiadol fel cyfaill i'r darpar ofalwr SCC.
- Dylai gweithiwr cymdeithasol mabwysiadu ddiweddar [Offeryn Monitro SCC ar gyfer Cymeradwyo a Chefnogi gofalwyr SCC](#) (gweler yr adran 7: Paratoi, Asesu a Chymeradwyo gofalwyr SCC) mewn ymgynghoriad / cytundeb â gweithiwr cymdeithasol y plentyn a'r gweithiwr cymdeithasol maethu, wrth i'r gwaith symud ymlaen ar bob achos.

Yn Ystod Achos

Pan na fydd plentyn wedi cael ei atgyfeirio ar gyfer lleoliad SCC eto, ac mae lleoliad asesu preswyl gyda'i rieni neu leoliad Rheoliad 26 gyda pherthynas agos yn annhebygol o fod yn llwyddiannus:

- Dylai gweithiwr cymdeithasol y plentyn lenwi ffurflen Atgyfeirio Plentyn SCC ar y cyfle cyntaf, yn y disgwyliad y gallai fod angen lleoliad SCC ac er mwyn atal yr angen am leoliad maeth byrdymor. Y cyngor cadarn yw cyfathrebu â'r tîm mabwysiadu ar gam cynnar i gael cyngor a chefnogaeth.
- Dylid cyflwyno'r ffurflen gyflawn i'r cydweithrediad mabwysiadu rhanbarthol a chymryd y camau a nodir uchod.

Ar Ôl Achos

Pan fydd plentyn yn destun Gorchymyn Gofal ac yn cael ei leoli gyda rhieni neu mewn lleoliad gyda pherthynas, ac mae mabwysiadu yn gynllun wrth gefn, dylid ystyried SCC.

- Dylai gweithiwr cymdeithasol y plentyn lenwi Ffurflen Atgyfeirio SCC ar y cyfle cyntaf pan fydd perygl o darfu ar leoliad presennol y plentyn. Y cyngor cadarn yw cyfathrebu â'r tîm mabwysiadu ar gam cynnar i gael cyngor a chefnogaeth.
- Dylid cyflwyno'r ffurflen gyflawn i'r cydweithrediad mabwysiadu rhanbarthol a chymryd y camau a nodir uchod.

Cymorth ychwanegol i blant, yn enwedig plant ifanc iawn, sydd ag anghenion ychwanegol/penodol.

Gallai fod gan rai plant anghenion penodol sy'n gofyn am gymorth ychwanegol ar eu cyfer nhw a'r gofalwyr SCC sy'n gofalu amdanynt. Er enghraifft, babi a aned yn gynnar; babi y nodwyd ei fod yn dioddef o ddiddychu o alcohol/gyffuriau; neu fabi sydd ag anghenion meddygol nad ydynt wedi cael eu hadnabod (eto). Mae'r plant hyn yn debygol o fod angen cael eu monitro'n rheolaidd a mynd i apwyntiadau iechyd rheolaidd, yn ogystal ag angen dealltwriaeth arbenigol am sut i ofalu amdanynt.

Gall fod yn arbennig o heriol a gofidus i ofalwyr SCC ofalu am y plant hyn, yn enwedig os yw eu profiad o ofalu am fabanod ifanc yn gyfyngedig. Felly, cynghorir eu bod yn cyfeillio gyda gofalwyr maeth profiadol a fydd yn gallu rhoi cymorth anffurfiol iddynt o ddydd i ddydd, ochr yn ochr â chymorth y gweithwyr proffesiynol sy'n gysylltiedig.

Os oes gan y plentyn sy'n cael ei atgyfeirio anghenion ychwanegol/penodol, dylid amlygu hyn yn glir ar y ffurflen Atgyfeirio Plentyn er mwyn i'r gwasanaeth maethu adnabod cyfaill.

Dylai'r gofalwyr SCC a'r gofalwyr maeth gael cyfle i gwrdd, neu o leiaf rhywfaint o gyswllt, cyn lleoli'r plentyn, er mwyn iddynt ddechrau datblygu perthynas ac ymddiriedaeth.

Siarad â Phlant

Waeth beth yw'r cynllun ar gyfer y plentyn, mae'n bwysig iddynt wybod am yr hyn sy'n digwydd, gan ddibynnu ar oed y plentyn a lefel eu dealltwriaeth. Mae hyd yn oed babanod a phlant ifanc iawn sydd heb ddechrau siarad, yn sensitif i newid a cholled ac mae arnynt angen oedolion empathetig o'u cwrpas i'w cefnogi gyda hyn – trwy eu gweithredoedd, siarad â nhw/gyda nhw ac (i blant hŷn) esbonio beth sy'n digwydd mewn ffordd sy'n addas i'w hoed. Mae arnynt angen amser i feithrin ymddiriedaeth gyda'u gofalwyr newydd a dod i weld bod yr oedolion o'u cwrpas yn gweithredu o'u cwrpas nhw.

Mae angen siarad â phlant am SCC mewn ffordd sy'n eu helpu i ddeall y rhan sydd ganddo ar eu taith bywyd, a hynny mor gynnar â phosibl, a dylid cynnwys hyn yn eu deunyddiau gwaith am eu Taith Bywyd.

Gweler [Canllawiau Arferion Da Gwaith Taith Bywyd y Gwasanaeth Mabwysiadu Cenedlaethol](#) a [Chanllaw Arferion Da Pontio a Chymorth Cynnar y Gwasanaeth Mabwysiadu Cenedlaethol](#) am ragor o wybodaeth ac adnoddau.

Plant sy'n byw ar yr aelwyd yn barod

Mae hefyd yn hanfodol cefnogi unrhyw blant sy'n byw ar aelwyd y gofalwyr SCC yn barod, a'u helpu i ddeall beth sy'n digwydd a beth yw rôl y gofalwr SCC, mewn ffordd sy'n addas i'w hoed. Gallai hyn gynnwys cefnogi brodyr a chwiorydd mabwysiadol hŷn y plentyn sy'n cael ei leoli mewn lleoliad SCC.

Mae profiad o ymarfer sefydlogrwydd cynnar yn Lloegr yn dangos bod plant yn cael eu harwain gan oedolion, ac felly mae ar ofalwyr SCC angen cefnogaeth gan ymarferwyr o'u cwrpas er mwyn eu galluogi i siarad yn hyderus â'u plant mewn ffordd sydd ddim yn achosi gormod o bryder neu orbryder.

Bydd yr effaith ar unrhyw blant sy'n byw ar yr aelwyd yn barod yn cael ei hystyried yn ofalus bob tro, wrth ddod i benderfyniadau am leoliadau SCC.

Ffurflen Atgyfeirio Plentyn SCC

Gallwch lawrlwytho fersiwn Word o'r ffurflen hon, oddi ar: adoptcymru.com/sefydlogrwydd-cynnar-cymru



Mae cysylltu a pharu plant gyda darpar fabwysiadwyr, neu gyda darpar fabwysiadwyr sydd wedi eu cymeradwyo fel gofalwyr maeth, yn un o gyfrifoldebau gwasanaeth / proffesiynol mwyaf y rheiny sy'n gweithio yn y sector. Bydd yn pennu llwybr bywyd y plentyn a'r gofalwr maeth/mabwysiadwr yn sylfaenol.

(Simmonds. 2019)

MAE ANGEN I'R CANLYNOL DDIGWYDD

Oherwydd natur SCC, gall amseru a chyflymder posibl rhai o'r lleoliadau SCC olygu eu bod yn digwydd ar adeg pan fydd angen gwneud penderfyniadau'n gyflym, pan allai fod gwybodaeth gyfyngedig ar gael am y plentyn a'u rhieni, a phan allai fod yn anodd rhagweld yn gywir beth fydd anghenion y plentyn yn y dyfodol. Efallai bod cronfa gyfyngedig o ofalwyr SCC ar gael, yn enwedig wrth i'r arfer ddatblygu yng Nghymru i ddechrau, ac efallai bod angen datblygu hyder a phrofiad ymarferwyr.


Fodd bynnag, nid yw SCC yn lleihau arwyddocâd paru da, a pharu sy'n benodol i anghenion ac amgylchiadau unigol pob plentyn ac sy'n dibynnu ar y gallu i gynllunio gofal yn effeithiol, i gasglu a dadansoddi gwybodaeth yn gadarn ac i gydweithio'n actif ar draws disgyblaethau gofal plant, ar gam cynnar.

Mae angen i ni sicrhau cydbwysedd bob tro rhwng pwysigrwydd aruthrol paru, ac osgoi oedi i'r plentyn sydd, fel y gwyddom, yn gallu cael effaith andwyol ddifrifol ar ei ddatblygiad. I bob plentyn, y cyngor yw neilltuo digon o amser i weithiwr cymdeithasol y plentyn a'r gweithwyr cymdeithasol mabwysiadu a maethu perthnasol i ystyried/ddechrau llunio Llinell Amser Anogaeth Trawma'r plentyn ac i ystyried, ochr yn ochr â darpar ofalwyr SCC, sut y gallai profiadau'r plentyn fod wedi effeithio arno. Beth ydyn ni'n ei wybod am hanes, hunaniaeth, datblygiad, anghenion ac amgylchiadau'r plentyn o'r cyfnod cyn-geini i'r presennol? Sut allai hyn ein helpu i ragweld anghenion y plentyn yn y dyfodol a beth sydd angen i ni ei ddarparu er mwyn ei helpu i adfer ac i ffynnu? A oes gan y darpar ofalwr SCC ddisgwyliadau realistig am y plentyn, amdany'n nhw'u hunain ac am y lleoliad yn y dyfodol? Bydd hyn yn hanfodol wrth ystyried paru gyda'r darpar ofalwr SCC ac wrth adnabod y cymorth y bydd ei angen.

Gweler yr [Adnoddau Llinell Amser Anogaeth Trawma/Deall y Plentyn](#) ar wefan y Gwasanaeth Mabwysiadu Cenedlaethol.

Er mwyn cyfeirio'n hwylus:

- Cyfeirir at y gweithiwr cymdeithasol mabwysiadu fel GCMabwysiadu; at ddiben atgyfeirio, paru a lleoli ar gyfer SCC, y gweithiwr cymdeithasol hwn fydd y gweithiwr cymdeithasol mabwysiadu Canfod Teulu yn y rhanbarth
- Cyfeirir at y gweithiwr cymdeithasol maethu fel y GCMaethu
- Cyfeirir at weithiwr cymdeithasol y plentyn fel GCP.



Unwaith y bydd y ffurflen Atgyfeirio Plentyn wedi cael ei llenwi

- Unwaith y bydd ffurflen gyflawn Atgyfeirio Plentyn SCC wedi cael ei derbyn gan y Tîm Mabwysiadu a chyfarfod Cynllunio Atgyfeiriad SCC wedi cael ei gynnal, bydd y gweithiwr cymdeithasol Canfod Teulu a neilltutwyd ar gyfer y plentyn (GCMabwysiadu) yn llunio proffil dienw. Bydd yn dileu unrhyw wybodaeth a allai ddatgelu pwy yw'r plentyn oddi ar ffurflen Atgyfeirio Plentyn SCC.
- Wedi ystyried gofalwyr SCC posibl sydd ar gael, bydd y GCMabwysiadu (mewn ymgynghoriad â'r GCMaethu) yn rhannu adroddiad darpar fabwysiadwyr ac Adroddiad Atodol SCC unrhyw ymgeisydd addas gyda GCP. Dylid blaenoriaethu cydweithio effeithiol a phenderfyniadau i symud ymlaen ar y cam hwn.
- Os yw pob ochr yn cytuno i symud ymlaen at y cam nesaf, bydd y GCMabwysiadu yn rhannu'r ffurflen Atgyfeirio Plentyn ddienw gyda'r darpar ofalwyr SCC.
- Os yn briodol, bydd y GCMabwysiadu yn trefnu cyfarfod rhwng GCP a darpar ofalwyr SCC er mwyn rhannu gwybodaeth bellach am y plentyn a'u profiadau, a'r disgwyliadau ar gyfer y lleoliad. Bydd hyn yn cynnwys y gweithiwr cymdeithasol maethu (GCMaethu) a neilltutwyd ar gyfer y plentyn.
- Yn aml, mae yna wybodaeth gyfyngedig am blant sy'n cael eu hystyried ar gyfer SCC, ac mae angen i weithwyr cymdeithasol a darpar ofalwyr SCC ddod i benderfyniad yn gyflym. Er bod y wybodaeth yn gyfyngedig, mae unrhyw wybodaeth yn bwysig a rôl y gweithwyr cymdeithasol yn y ddau gyfarfod hyn yw cynorthwyo'r darpar ofalwr SCC i feddwl am y wybodaeth hon a beth allai fod yn dweud wrthynt, a beth arall allai fod arnynt angen ei wybod cyn dod i benderfyniad i symud ymlaen.
- Fel y nodwyd yn yr adran Atgyfeirio Plentyn ar gyfer SCC, mae gan yr awdurdod lleol sy'n gyfrifol am y plentyn ddyletswydd tuag at y plentyn a thuag at ofalwyr SCC, i sicrhau bod gwybodaeth gefndir berthnasol yn ymwneud â'r plentyn yn cael ei datgelu'n llawn.
- Dylid dweud wrth rieni am y wybodaeth fydd yn cael ei rhannu gyda'r gofalwyr SCC a'r rhesymau pam y mae ar y gofalwyr SCC angen y wybodaeth. Nid oes angen caniatâd rhieni.
- Mae angen i ofalwyr SCC ddeall y bydd elfennau anhysbys neu ansicr am y plentyn o hyd, ac mae angen iddynt werthfawrogi hynny. Ond, mae angen tawelu eu meddwl hefyd y bydd y broses o gasglu gwybodaeth, a rhannu'r wybodaeth honno mewn ffordd sydd wedi'i goleuo o ran trawma, yn broses barhaus.
- Dylid cynghori gofalwyr SCC yn glir fod yr wybodaeth sy'n cael ei rhannu'n gyfrinachol. Dylai Cytundeb Gofal Maeth SCC (gweler adran 5 **Lleoli o dan SCC**, tud 19) adlewyrchu eu hymgymeriad i beidio â rhannu unrhyw wybodaeth am y teulu biolegol gydag aelodau o'r teulu ehangach neu ffrindiau.
- Cyn gynted ag sy'n ymarferol bosibl, cynghorir bod y GCMabwysiadu yn dechrau llunio [Llinell Amser Anogaeth Trawma ar gyfer y plentyn](#).

- Os yw'n bosibl trefnu Diwrnod Deall y Plentyn hefyd, yna dylid gwneud hynny. Oherwydd yr amserlen gyfyngedig, efallai na fydd yn bosibl gwneud hyn cyn lleoli'r plentyn gyda'r gofalwr SCC; ond, byddai'n dal i fod yn fuddiol gwneud hyn yn nes ymlaen, a byddai'n werthfawr p'un ai y rhoddir Gorchymyn Lleoli ai peidio. Gellir defnyddio'r wybodaeth a'r ddealltwriaeth a gafwyd o'r digwyddiad hwn i adnabod a chynllunio cymorth ar gyfer y gofalwr SCC, ac yna'r rhiant neu'r darpar fabwysiadwr, gan ddibynnu ar ganlyniad y llys.

Os bydd pob ochr yn dymuno symud ymlaen:

- Bydd y GCMabwysiadu, mewn ymgynghoriad â GCP a'r GCMaethu, yn llenwi dogfen [Fframwaith Paru ar gyfer SCC](#).

Dylid gwneud hyn cyn gynted ag sy'n ymarferol bosibl ar ôl y penderfyniad i symud ymlaen; a gellir ychwanegu ati/ei diwygio yng nghyfarfod Paru SCC.

Mae fframwaith Paru SCC yn ystyried y ffaith y bydd yn hwyluso lleoliad maethu byrdymor. Fodd bynnag, mae hefyd yn cydnabod y gallai'r lleoliad ddod yn lleoliad mabwysiadu. Felly, dylai'r fframwaith paru roi cymaint o amser â phosibl i bob ymarferydd sy'n gysylltiedig â'r darpar ofalwyr SCC, i wneud y penderfyniad paru ar gyfer lleoliad SCC.

Rhaid i ymarferwyr ganolbwyntio ar gryfderau, gwendidau, cyfleoedd a risgiau o'u safbwynt nhw ac o ran eu cyfrifoldebau nhw, wrth archwilio a datblygu'r fframwaith Paru.

- GCMabwysiadu i archwilio'r posibilrwydd i'r darpar ofalwyr SCC gwrdd â'r Cynghorydd Meddygol os yn bosibl. Os nad yw hyn yn bosibl ar y cam hwn, GCMabwysiadu i sicrhau bod darpar ofalwyr SCC yn cael y cyfle i drafod unrhyw wybodaeth feddygol gyda gweithwyr meddygol proffesiynol sy'n gysylltiedig â'r plentyn e.e. pediatrydd cymunedol a fydd yn gwneud Asesiad Iechyd Unigol y plentyn.
- Cynhelir cyfarfod / trafodaeth Paru SCC gyda'r GCMabwysiadu, GCMaethu a GCP; bydd uwch-aelod o staff o'r tîm Canfod Teulu Mabwysiadu yn cadeirio'r cyfarfod / drafodaeth.

Oherwydd y tebygolrwydd y bydd yr amserlen yn un fer, dylid cynnal y cyfarfod / drafodaeth cyn gynted ag sy'n ymarferol bosibl a chyn lleoli.
- Yn dilyn y cyfarfod Paru, GCMabwysiadu i rannu dogfen fframwaith Paru SCC ac unrhyw wybodaeth berthnasol arall gyda'r darpar ofalwr/ofalwyr SCC cyn i Bennaeth y Gwasanaeth / y sawl sy'n gwneud penderfyniadau, gytuno i'r paru.
- Caiff fframwaith Paru SCC ei ddiweddau'r rheolaidd a phan fydd y wybodaeth ar gael; mae'r cyfleoedd i wneud hynny wedi eu nodi ar [Siart llif 2](#)
- Bydd y GCMaethu yn adnabod gofalwr maeth profiadol i fod yn gyfaill i'r gofalwyr SCC, os yw hynny'n briodol.
- Dylai'r GCMabwysiadu ddiweddaru [Offeryn Monitro SCC](#) ar gyfer Cymeradwyo a Chefnogi Gofalwyr SCC (Gweler **Paratoi, Asesu a Chymeradwyo Gofalwyr SCC**) mewn ymgynghoriad / cytundeb â GCP a'r GCMaethu wrth i'r gwaith symud ymlaen ymhob achos.

- Pennaeth Gwasanaeth/y sawl sy'n gwneud penderfyniadau ar gyfer Awdurdod Lleol y plentyn sy'n gyfrifol am gytuno i'r paru rhwng y plentyn a'r darpar ofalwyr SCC.

Felly, bydd angen iddynt gael mynediad at y ffurflen Atgyfeirio Plentyn gyflawn a Fframwaith Paru SCC, yn ogystal â chofnodion y panel maethu a mabwysiadu, er mwyn hwyluso'r gwaith. Dylai'r Adroddiad Darpar Fabwysiadwr a'r Adroddiad Atodol fod ar gael ar gais hefyd.

- Oherwydd natur lleoliadau SCC, ac er mwyn osgoi unrhyw oedi neu leoliadau byrdymor diangen, mae angen i'r Pennaeth Gwasanaeth / y sawl sy'n gwneud penderfyniadau, wneud penderfyniad wedi'i gofnodi cyn gynted â phosibl wedi cael y wybodaeth.

- Bydd angen i Reolwr Tîm Canfod Teulu Mabwysiadu'r rhanbarth, neu'r cywerth, a Phennaeth y Gwasanaeth / y sawl sy'n gwneud y penderfyniadau, lenwi a llofnodi'r [Tystysgrif Paru SCC](#).
- Gweler y **Fframwaith Cyfreithiol** (Adran 1, tudalen 6) am ragor o wybodaeth am fynediad at dâl ac absenoldeb mabwysiadu statudol. Lluniwyd dogfen [Gofalwyr SCC a Chyllid](#) ar wahân hefyd, ar gyfer ymgeiswyr.

- Ar y cam hwn, mae angen ystyried cyfarfod rhwng y rhieni a gofawyr SCC a dylid ei ystyried fel arfer normadol ymhob achos, onid oes rhesymau penodol pam na all ddigwydd. Mae hyn yn debygol o achosi gorbryder i bob un sy'n gysylltiedig ac felly dylid ystyried yn ofalus pa gymorth y gallai fod ei angen a sut i gynllunio'r digwyddiad. Dylid cydnabod y gallai fod angen cynnig mwy nag un cyfle i bob un gwrdd ar amser sy'n gyffyrddus iddyn nhw.


Mewn llawer o achosion, gallai gofalwyr SCC a rhieni fod yn dod i adolygiadau statudol ac yn cwrdd mewn sesiynau cyswllt. Felly, gallai fod yn ddefnyddiol trefnu cyfarfod rhwng y ddwy ochr mor gynnar â phosibl yn y broses.

Yn astudiaeth Coram (Ponomarenko et al. 2018) siaradodd rhieni (mabwysiadol) am fanteision cwrdd â theulu biolegol eu plentyn ar ddechrau'r broses, a dod i'w adnabod. Roedd y buddion yn cynnwys eu gallu siarad am rieni biolegol mewn ffordd ystyrlon ac i ateb cwestiynau eu plentyn. Yn yr astudiaeth hon hefyd, amlygwyd y ffaith fod perthnasoedd gyda rhieni biolegol yn aml yn gymhleth iawn, a bod anghysondebau mewn cyswllt parhaus, er gwaethaf y ffaith fod yna fanteision amlwg. Felly, mae cymorth da ar ôl mabwysiadu yn angenrheidiol bob tro, er mwyn galluogi parhad perthnasoedd ystyrlon a sicrhau bod hyn yn digwydd.

- Gweler [Canllaw Arferion Da Cyswllt a Gweithio gyda Rhieni Biolegol y Gwasanaeth Mabwysiadu Cenedlaethol](#).



Gallwch lawrlwytho fersiwn Word o'r ddwy ffurflen oddi ar:
adoptcymru.com/sefydlogrwydd-cynnar-cymru



MAE ANGEN I'R CANLYNOL DDIGWYDD

Trwy gydol fframwaith SCC, mae yna bwyslais cryf ar gyfathrebu a chydweithio da rhwng y gweithwyr cymdeithasol sy'n gysylltiedig, ac mae hyn yn hanfodol er mwyn sicrhau bod lleoliadau SCC yn cael eu cefnogi a'u monitro'n gywir ac yn gadarn.

Datblygwyd dogfennau penodol ar gyfer SCC a fydd yn cael eu defnyddio yn lle (ac nid yn ogystal â) dogfennau arferol Plant sy'n Derbyn Gofal. Bydd hyn yn sicrhau bod y wybodaeth gywir yn cael ei choladu er mwyn atgyfeirio, paru a lleoli plant o dan SCC, ac yn sicrhau dull cyson o weithio ledled Cymru.

Storio a chofnodi gwybodaeth

Mae angen sicrhau bod cytundeb clir ynghylch cofnodi gwybodaeth a'i storio ar system sy'n gallu bod yn hygyrch i'r ymarferwyr perthnasol tra'n amddiffyn diogelwch a chyfrinachedd gofalwyr SCC ar yr un pryd. Dylid nodi ymarferwyr sydd â'r prif gyfrifoldeb dros ddiweddarau cofnodion. Awgrymir bod cofnodion yn cael eu cadw yn y Gwasanaeth Mabwysiadu gyda mynediad i ymarferwyr perthnasol fel sy'n briodol.

Cymorth

- Bydd y GCMabwysiadu yn rhoi mwyafrif y cymorth emosiynol i ofalwyr SCC, trwy gyswllt wyneb yn wyneb, dros y ffôn ac yn ddigidol. Dylid blaenoriaethu cyfathrebu effeithiol gyda'r GCMaethu a GCP.
- Bydd y GCMaethu yn cefnogi'r gofalwyr SCC i ddeall eu rôl faethu ac i ymgymryd â'u rôl faethu, a byddant yn llenwi'r Cytundeb Gofal Maeth SCC gyda'r gofalwyr SCC (mewn ymgynghoriad â'r GCMabwysiadu) adeg lleoli'r plentyn.

1. Cytundeb Gofal Maethu SCC

- Bydd GCP yn llenwi Cynllun Lleoli unigol SCC ar gyfer pob plentyn adeg ei leoli. Bydd y cynllun hwn yn cynnwys gwybodaeth hanfodol y mae ar ofalwyr SCC ei hangen, cytundebau er mwyn lleoli'r plentyn gyda gofalwyr SCC, a Chaniatâd Rhiant ar gyfer Triniaeth Feddygol. Bydd rhywfaint o'r wybodaeth sydd yng Nghynllun Lleoli SCC yn nogfen fframwaith Paru SCC a gellir ei defnyddio fel offeryn cyfeirio.

2. Cynllun Lleoli SCC

- Bydd GCP ar y cyd â'r GCMaethu a'r GCMabwysiadu yn llenwi Cytundeb Awdurdod Dirprwyedig gyda'r gofalwyr SCC adeg lleoli'r plentyn.

3. Cytundeb Awdurdod Dirprwyedig SCC

- Bydd fframwaith Paru SCC yn cael ei ddiweddarau gan y GCMabwysiadu wrth i'r gwaith fynd yn ei flaen ar yr achos.
- Rhoddir copi o 1, 2 a 3 uchod i ofalwyr SCC a chedwir copi ar eu ffeil. Mae angen cadarnhau ble bydd y ffeil yn cael ei chadw, yn ogystal â'r ymarferydd sydd â'r prif gyfrifoldeb dros ei diweddarau. Awgrymir bod y ffeil yn cael ei chadw yn y Gwasanaeth Mabwysiadu gyda chytundeb clir rhwng mabwysiadu a maethu ynghylch rhannu a diweddarau'r wybodaeth.
- Dylid cynghori gofalwyr SCC yn glir fod yr wybodaeth sy'n cael ei rhannu gyda nhw am y plentyn a'u rhiant/rhieni yn gyfrinachol. Dylai'r Cytundeb Gofal Maethu adlewyrchu eu hymgymeriad i beidio â rhannu unrhyw wybodaeth am y teulu gydag aelodau o'r teulu ehangach neu ffrindiau.
- Dylai offeryn Monitro SCC ar gyfer Cymeradwyo a Chefnogi Gofalwyr SCC gael ei ddiweddarau gan y GCMabwysiadu mewn ymgynghoriad/cytundeb â GCP a'r GCMaethu wrth i'r gwaith fynd yn ei flaen ar bob achos.



CYLLID SCC

Lwfans Maethu

- Rhaid i'r Darparwr Gwasanaethau Maethu enwebedig gytuno ar y dyddiad y bydd lwfans maethu'r gofalwr SCC yn dechrau. Gallai ddechrau cyn dyddiad y lleoliad, er enghraifft, pan fydd plentyn yn dal i fod yn yr ysbyty a gofalwyr SCC yn ymweld yn rheolaidd neu pan fydd rhywbeth yn tarfu ar lleoliad preswyl neu faeth a'r gofalwyr SCC yn ymweld er mwyn "dod i 'nabod". Gweler dogfen [Gofalwyr SCC a Chyllid](#).
- Fel gydag unrhyw ofalwr maeth, dylai gofalwyr SCC fod yn gymwys i gael costau sefydlu a chostau teithio. Petai'r plentyn yn dychwelyd at rieni neu aelodau o'r teulu ehangach, byddai unrhyw offer a brynwyd yn symud gyda'r plentyn.

Absenoldeb a Thâl Mabwysiadu

- Bydd Tystysgrif Paru SCC yn sbarduno hyn. Gweler dogfen [Gofalwyr SCC a Chyllid](#).

Ffioedd rhyngasiantaethol

- Bydd angen cytuno ar brotocol Cymru Gyfan er mwyn talu ffioedd rhyngasiantaethol, os yn berthnasol. Awgrymir traean o'r ffi Rhyngasiantaethol y cytunwyd arni yn cael ei thalu adeg lleoli'r plentyn gyda gofalwyr SCC; bydd y ddwy ran o dair sy'n weddill yn daladwy ar ddyddiad y Penderfyniad Paru ar gyfer Mabwysiadu.

YMWELIADAU AC ADOLYGIADAU GAN WEITHIWR CYMDEITHASOL Y PLENTYN

Mae yna ofynion cyfreithiol penodol ar gyfer y drefn ymweld ac adolygu ar gyfer lleoli dan SCC pan fydd y lleoliad yn dod yn lleoliad mabwysiadu, gan ddibynnu ar gam y lleoliad a'i statws. Mae'n hanfodol fod anghenion pob lleoliad yn cael eu hystyried yn ofalus ac arfer da o ran amllder ymweliadau GCP a'r GCMabwysiadu yn cael ei ddilyn.

Fel trosolwg, mae'r rhain fel a ganlyn:

- O ddechrau'r lleoliad naill ai at ddiwedd y lleoliad neu at wneud y gorchymyn lleoli / awdurdod i leoli:** mae Rheoliadau Cynllunio Gofal, Lleoli ac Adolygu Achosion (Cymru) 2015 yn berthnasol:

- Adolygiadau:** fan lleiaf, o fewn 20 diwrnod i'r lleoliad, dim mwy na thri mis, ac wedi hynny ar gyfnodau o ddim mwy na chwe mis (rheoliad 39)
- Ymweliadau:** o fewn wythnos i'r lleoliad ac wedi hynny ar gyfnodau o ddim mwy na chwe wythnos (rheoliad 31).

Fodd bynnag, arfer da o ran amllder lleiaf ymweliadau GCMabwysiadu a GCP yn ystod wythnosau cynnar lleoliad SCC, fyddai bod hyn yn adlewyrchu'r ymweliadau wythnosol ar ôl lleoliad mabwysiadu. Mae hyn yn arbennig o berthnasol i blentyn ag anghenion ychwanegol a lle gallai fod gwybodaeth finimal ar gael cyn lleoli.

- O'r adeg y gwneir y gorchymyn lleoli** neu'r awdurdod i leoli gyda plentyn a gaiff ei ildio, (mae hwn yn lleoliad maethu SCC o hyd gan nad yw'r plentyn eto wedi cael ei 'leoli' i'w fabwysiadu) mae Rheoliadau Asiantaethau Mabwysiadu (Cymru) 2005 nawr yn berthnasol i adolygiadau ond mae Rheoliadau Cynllunio Gofal, Lleoli ac Adolygu Achosion (Cymru) 2015 yn dal i fod yn berthnasol ar gyfer ymweliadau:

- Adolygiadau:** dim mwy na thri mis ar ôl dyddiad yr awdurdod i leoli, ar gyfnodau o ddim mwy na thri mis ac wedi hynny ar gyfnodau o ddim mwy na chwe mis ar wahân (rheoliad 37(3) RhAM(C))
- Ymweliadau:** Mae'r rhain yn parhau o dan Rheoliadau Cynllunio Gofal, Lleoli ac Adolygu Achosion (Cymru) fel uchod – heb fod yn fwy na phob chwe wythnos (rheoliad 31)

- O wneud y lleoliad mabwysiadu** (h.y. o ddyddiad penderfyniad paru'r sawl sy'n gwneud penderfyniadau yn yr asiantaeth), ni fydd Rheoliadau Cynllunio Gofal, Lleoli ac Adolygu Achosion (Cymru) yn berthnasol mwyach ac mae Rheoliadau Asiantaethau Mabwysiadu (Cymru) yn berthnasol i adolygiadau ac ymweliadau:

- Adolygiadau:** heb fod yn fwy na phedair wythnos ar ôl dyddiad y lleoliad mabwysiadu, dim mwy na thri mis ac wedi hynny dim mwy na chwe mis (rheoliad 37(4))
- Ymweliadau:** o fewn wythnos i'r lleoliad mabwysiadu, bob wythnos o leiaf hyd nes yr adolygiad cyntaf ac wedi hynny fel y mae'r asiantaeth yn penderfynu ymhob adolygiad (rheoliad 37(6))

Cymorth ychwanegol i blant ag anghenion lefel uchel/arbenigol

Lle nodwyd bod gan blentyn lefel uchel o anghenion arbenigol, bydd y GCMaethu yn cadarnhau'r trefniadau ar gyfer cyfeillio gyda gofalwr maeth profiadol, yn enwedig yng nghanau cynnar y lleoliad SCC. Dylid adolygu'r trefniant hwn a darparu cymorth ychwanegol yn ôl yr angen.

Cyfarfod rhwng gofalwyr SCC a rhieni

Ar y cam hwn, os nad ydyw hyn wedi digwydd yn barod, mae angen ystyried cyfarfod rhwng y rhieni a gofalwyr SCC a dylid gweld hyn fel arfer normadol ymhob achos onid oes rhesymau penodol i ddweud na all ddigwydd. Mae hyn yn debygol o achosi gorbryder i bob un sy'n gysylltiedig ac felly dylid ystyried yn ofalus pa gymorth y gallai fod ei angen a sut i gynllunio'r digwyddiad. Dylid cydnabod y gallai fod angen cynnig mwy nag un cyfle i'r ddwy ochr gyfarfod ar amser sy'n gyffwrddus iddyn nhw.

Mewn llawer o achosion, gallai gofalwyr SCC a rhieni fod yn dod i adolygiadau statudol ac yn cwrdd mewn sesiynau cyswllt. Felly, gallai fod yn ddefnyddiol trefnu cyfarfod rhwng y ddwy ochr mor gynnar â phosibl yn y broses.

- Gweler [Canllaw Arferion Da Cyswllt a Gweithio gyda Rhieni Biolegol y Gwasanaeth Mabwysiadu Cenedlaethol](#).

CYSWLLT

Mae rheoli cyswllt rhwng y plentyn a'r teulu yn gallu bod yn broses gymhleth, yn ymarferol ac yn emosiynol. Mae cyfarfod â rhieni'n gychwynnol yn gallu bod yn straen ac yn ofid, ond yn aml mae'n adeiladol ac yn ddefnyddiol wrth i berthnasoedd ddatblygu. Os bydd y plentyn yn aros gyda'r gofalwr SCC, ac yn cael ei fabwysiadu, mae'r camau cynnar hyn i ddatblygu perthynas gyda rhieni yn gallu bod yn fuddiol iawn fel cymorth i fabwysiadwyr siarad â'u plentyn am eu hunaniaeth, a gyda threfniadau cyswllt parhaus.

“Yn ôl cyfran sylweddol o rieni, os nad oeddent yn gallu cael eu plentyn yn ôl, roeddent yn hapus eu bod wedi dod i ‘nabod eu mabwysiadwyr trwy gyswllt, a bod ganddynt hyder ynddynt”
(Rhaglen Sefydlogrwydd Cynnar Coram)

- Y barnwr fydd yn penderfynu ar amllder a hyd sesiynau cyswllt; mae ymchwil i gysylltiadau wedi dangos bod ansawdd y cyswllt yn fwy pwysig na'r amllder, a dylid cofio hyn wrth gynllunio a chyflwyno gwybodaeth yn y llys. Mae angen dogfennu manylion yn glir yn nogfen y fframwaith Paru.
- Mae angen rhannu gwybodaeth yn dda, a sicrhau bod disgwyliadau, cynllunio a chymorth clir ar gyfer pob un sy'n gysylltiedig. Bydd y GCMabwysiadu yn gyfrifol am gefnogi gofalwyr SCC; bydd GCP yn cefnogi rhieni ac yn goruchwyllo'r cynllun Cyswllt.
- Os nad yw hyn wedi cael ei wneud yn barod, dylid blaenoriaethu atgyfeiriad i rieni at Reflect
- Mae angen i'r GCMabwysiadu a'r GCMaethu gefnogi gofalwyr SCC i gael dealltwriaeth dda o ddiben y cyswllt h.y. cynnal cwlwm gyda rhieni nes bod y llys yn dod i benderfyniad terfynol. Mae angen cymorth ar ofalwyr SCC hefyd i ddeall eu rôl yn y broses gyswllt – dod â'r plentyn i'r sesiwn; a bod yn rhan o'r trosglwyddiad os yw hynny'n bosibl/diogel; diweddarau rhieni; sicrhau eu bod ar gael dros y ffôn neu'n bersonol yn ystod y sesiwn.

Bydd angen cymorth ar ofalwyr SCC hefyd er mwyn iddynt ddeall y gwahaniaethau yn y math o gyswllt, ac amllder y cyswllt, ar y camau gwahanol h.y. yn ystod achos, petai Gorchymyn Lleoli yn cael ei wneud, ac yna Gorchymyn Mabwysiadu.




Er bod yna dystiolaeth fod cyswllt parhaus yn gymhleth, a bod angen cymorth i sicrhau bod y cyswllt hwn mor ystyrlon â phosibl i bob un ac i alluogi i'r cyswllt ystyrlon hwn ddigwydd, derbynir yn gyffredinol fod cyfleoedd i ofalwyr SCC a rhieni gwrdd a meithrin perthynas yn gosod sylfeini da ar gyfer cyswllt parhaus yn y dyfodol. (Ponomarenko et al. 2018; Neil, Beek a Ward. 2014)

- Mae yna gwestiynau er mwyn dadansoddi risgiau cyswllt yn nogfen fframwaith Paru SCC, a dylid edrych arnynt ochr y ochr ag asesiad risg arferol yr Awdurdod Lleol ar gyfer cyswllt y mae GCP yn ei gwblhau. Mae'n bwysig nodi'n glir yr hyn a allai fod yn risgiau ymddangosiadol o gymharu â risgiau go iawn, ac i beidio â goramcangyfrif y rhain. Mae'n bwysig ystyried bob tro a oes modd rhoi unrhyw gymorth i liniaru'r risgiau hyn neu eu lleihau i lefel dderbyniol.

- Mae angen i'r GCMabwysiadu a'r GCMaethu gefnogi dealltwriaeth gofalwyr SCC hefyd, o berspectif sydd wedi'i oleuo o ran trawma, i'w helpu i ddeall pam nad yw rhai rhieni'n ymgysylltu bob tro, neu pam nad ydynt weithiau'n ymgysylltu o'r cychwyn.
- Mae angen i ofalwyr SCC ddeall y gallai rhai rhieni ddod gyda'i gilydd neu ar wahân, gan ddibynnu ar statws y berthynas, ac y gellid ychwanegu cyswllt gydag aelodau o'r teulu ehangach yn nes ymlaen ac y gallai hyn fod yn rhan o'r broses benderfynu ynghylch y cynllun gofal ar gyfer y plentyn.
- Sylwer: mae'r hyfforddiant y mae gofalwyr SCC yn ei gael yn eu helpu i ddeall sut brofiad allai cyswllt fod iddyn nhw, y rhieni a'r plant ac mae'n cynnig cyngor am yr hyn sy'n gallu helpu a sut i ymdopi â chyswllt.

Cytundeb Awdurdod Dirprwyedig, Cytundeb Gofal Maeth a Chynllun Lleoli SCC

Gallwch lawrlwytho fersiwn Word o'r ffurflenni hyn, oddi ar: adoptcymru.com/sefydlogrwydd-cynnar-cymru



Recriwtio, Paratoi, Asesu a Chymeradwyo Darpar Fabwysiadwyr

6

MAE ANGEN I'R CANLYNOL DDIGWYDD

Recriwtio a Paratoi

Gwybodaeth i gyflwyno SCC

- Dylai fod gwybodaeth ar wefan y Gwasanaeth Mabwysiadu Cenedlaethol ynghyd â gwefannau Asiantaethau Mabwysiadu Gwirfoddol/rhanbarthol, er mwyn cyflwyno SCC. Dylid ei chynnwys mewn unrhyw ddeunydd generig a gynhyrchir (e.e. Pecynnau gwybodaeth) Dylai gweithwyr cymdeithasol sicrhau bob tro fod ymgeiswyr wedi cael mynediad at y wybodaeth hon yn ystod y cam Ymholiad Cychwynnol / Ymweliad Cychwynnol.
- Lluniwyd nifer fechan o sleidiau i'w cynnwys mewn deunyddiau ar gyfer digwyddiadau gwybodaeth, er mwyn cyflwyno SCC. Dylid cynnwys y rhain yn y deunyddiau hyfforddiant Paratoi at Fabwysiadu; yr arweiniad fyddai cyflwyno'r sleidiau SCC wrth siarad am daith y plentyn a'r ymgeiswyr.

Datblygwyd gwybodaeth fanylach, ychwanegol ar gyfer ymgeiswyr sy'n dymuno darganfod mwy am SCC ac ystyried p'un ai ei fod yn iawn iddyn nhw ai peidio. Mae hyn yn cynnwys:

- [Pecyn gwybodaeth SCC i ymgeiswyr.](#)

Dylid ei roi i ymgeiswyr cyn gynted â phosibl os ydynt yn gofyn am ragor o wybodaeth.

- Gweminar hanner-diwrnod "Ydy SCC yn iawn i chi?" Rhagwelir y bydd y gweminar hanner-diwrnod hon yn cael ei chyflwyno gan AFA Cymru i ddechrau, a hynny ar draws Cymru 6 gwaith dros gyfnod o ddeuddeg mis. Gall bob asiantaeth / Asiantaeth Fabwysiadu Wirfoddol gyfeirio unrhyw un sydd â diddordeb at hyn.

Bydd hon yn gweminar fyw a fydd yn cael ei chyflwyno gan AFA ar sail Cymru gyfan, 6 gwaith dros gyfnod o 12 mis o fis Medi 2022. Gall pob asiantaeth/VAA gyfeirio partïon â diddordeb at y gweminarau hyn.

Cynghorir bod mynediad at y gweminar hon ar gael yng nghamau diwethaf Cam 1 (ar ôl yr hyfforddiant Paratoi) neu yng nghamau cynharach Cam 2. Bydd hyn yn sicrhau bod digon o amser i archwilio'r elfennau ychwanegol sy'n angenrheidiol wrth asesu.

- Dylid rhoi copi o'r ddogfen [Gofalwyr SCC a Chyllid](#) i ddarpar ymgeiswyr a thrafod unrhyw drefniadau lleol penodol.

Asesu

- Datblygwyd canllawiau ychwanegol, penodol sy'n cyflwyno'r elfennau y mae angen eu hystyried a'u cynnwys ar gamau amrywiol yn yr Adroddiad Darpar Fabwysiadwr yn ymwneud ag asesu ymgeiswyr sy'n dymuno cael eu chymeradwyo fel gofalwyr SCC.

Canllaw i Weithwyr Cymdeithasol Mabwysiadu: Adroddiad Darpar Fabwysiadwr (gweler tudalen 28).

Ar hyn o bryd, mae templed CoramBAAF PAR (Cymru) 2020, a ddefnyddir yn eang gan asiantaethau ledled Cymru, yn cynnwys cyfeiriadau minimal at yr arfer hwn. Mae Rhan 1 "Dod yn fabwysiadwr – asesiad o allu magu mabwysiadol", sy'n canolbwyntio ar asesu a dadansoddi cymhelliant a gallu, yn holi'n benodol:

A oes unrhyw drafodaeth wedi bod ynglŷn ag a fyddai'r ymgeisydd yn ystyried plentyn sy'n cael ei leoli drwy drefniant cydredol? (Adran 14)

Felly bydd angen i'r wybodaeth yn y PAR fod yn ddigon cynhwysfawr, o ran eglurder ynghylch ystyr SCC yn ogystal â gallu'r ymgeiswyr i gynnig lleoliad SCC i blentyn neu blant. Fel y bydd SCC yn dod yn fwy adnabyddus ac yn cael ei sefydlu ledled Cymru, gyda mwy o wybodaeth a phrofiad trwy wybodaeth ysgrifenedig, gweminarau a hyfforddiant, ar draws y sector proffesiynol a'r farnwriaeth, bydd yr agwedd flaenorol (esbonio beth yw SCC) yn lleihau'n esbonyddol tra bod yr ail agwedd yn parhau.

- Datblygwyd gwybodaeth ar gyfer canolwyr a dylid ei chynnwys gyda'r cais am eirida.

[Gwybodaeth i Ganolwyr SCC](#)

Ydy Sefydlogrwydd
Cynnar Cymru
yn iawn i chi?

Enw'r hwylusydd
Teitl swydd



Gwasanaeth
Mabwysiadu
Cenedlaethol

National
Adoption
Service

AFA CYMRU
Association for Adoption and Fostering in Wales

Cymeradwyaeth

- Mae angen i aelodau'r Panel a'r sawl sy'n gwneud penderfyniadau yn yr asiantaeth, fod yn hollol gyfarwydd â SCC, y fframwaith cyfreithiol, rhannu gwybodaeth ar gamau cynnar gyda darpar ymgeiswyr yn ogystal â'r elfennau ychwanegol sydd wedi eu cynnwys a'u hystyried wrth baratoi ac asesu darpar ofalwyr SCC.

Felly, dylid rhoi'r canlynol iddynt:

- Cyflwyniad i SCC a [siart llif SCC 1](#) sy'n rhoi trosolwg o'r broses
 - Fframwaith cyfreithiol SCC (gweler tudalen 6)
 - [Pecyn gwybodaeth SCC ar gyfer darpar ymgeiswyr](#)
 - Canllawiau i Weithwyr Cymdeithasol Mabwysiadu: Adroddiad Darpar Fabwysiadwr (gweler tudalen 28).
 - [Gwybodaeth i ganolwyr SCC](#)
 - Canllawiau i weithwyr cymdeithasol: Beth sydd angen ei gynnwys yn yr [Adroddiad Atodol](#) i'r Panel Maethu
 - [Rhestr Wirio SCC](#) – cymharu rheoliadau Mabwysiadu a Maethu, a Chymwyseddau Maethu
- Datblygwyd e-fodiwl wedi'i recordio, yn benodol ar gyfer aelodau'r Panel a'r rheiny sy'n gwneud penderfyniadau yn yr asiantaeth, a dylai fod ganddynt fynediad ati.

GWYBODAETH AR GYFER GWEFANNAU A DEUNYDDIAU

Rydyn ni'n gwybod mor bwysig ydyw i blant sydd wedi cael eu symud oddi wrth eu teuluoedd i gael sefydlogrwydd cyn gynted â phosibl, i deimlo'n ddiogel ac i gael bywyd y gellir ei ragfynegi gydag oedolion sensitif sy'n eu helpu i adfer. Yn aml, rhaid i'r plant hyn symud droeon wrth i benderfyniadau gael eu gwneud yn y llys am eu dyfodol, ac mae hyn yn hynod o drawmatig iddynt ac yn ychwanegu at y straen a'r golled y maent eisoes wedi eu profi.

Mae SCC yn helpu plentyn neu blant sydd wedi cael eu symud oddi wrth eu teuluoedd i gael y sefydlogrwydd hwn cyn gynted â phosibl, ac mae'n lleihau'r nifer o weithiau y mae'n rhaid i'r plentyn symud. Mae'n golygu bod plant yn cael eu lleoli gyda gofalfwyr SCC, sydd wedi cael cymeradwyaeth ddeuol fel mabwysiadwr a gofalfwyr maeth o gam mor gynnar â phosibl, a chyn i'r cynllun mabwysiadu gael ei gadarnhau gan y llys. Os yw'r llys yn cytuno i gynllun mabwysiadu ar gyfer y plentyn, fe fydd y broses yn llyfn heb i'r plentyn orfod symud oddi wrth y gofalfwyr y maen nhw wedi ffurfio cwlwm gyda nhw.

Mewn nifer fechan o achosion, bydd y llys yn gwneud y penderfyniad ei bod yn iawn i'r plentyn ddychwelyd at rieni neu aelodau o'r teulu ehangach. Mae hyn yn golygu y bydd yn rhaid i bobl sydd eisiau ystyried SCC ymdopi â rhywfaint o ansicrwydd tra bod y llys yn dod i benderfyniad, ac rydyn ni'n gwybod na fydd hyn yn iawn i bawb.

Ond, os ydych chi'n teimlo y gallech ymdopi â rhywfaint o ansicrwydd, fel nad oes rhaid i'r plant hyn ymdopi â'r ansicrwydd, ac os hoffech chi gael rhagor o wybodaeth am SCC, mae yna lawer mwy o wybodaeth ar gael ac mae yna bobl fyddai wrth eu bodd i siarad â chi.

Ydych chi eisiau rhagor o wybodaeth? Os felly, siaradwch â'ch asiantaeth neu weithiwr cymdeithasol.

GWYBODAETH AR GYFER DIGWYDDIADAU GWYBODAETH A HYFFORDDIANT PARATOI AT FABWYSIADU

Beth yw Sefydlogrwydd Cynnar Cymru?



- Mae ar blant sydd wedi cael eu symud oddi wrth eu teulu, angen sefydlogrwydd, a chartref diogel a pharhaol, cyn gynted â phosibl.
- Gallent gael y sefydlogrwydd hwn yn ôl gyda'u teulu neu gydag aelodau o'r teulu ehangach.
- Gallent gael y sefydlogrwydd hwn gyda mabwysiadwr.
- Mae Sefydlogrwydd Cynnar Cymru yn golygu lleoli plentyn gyda phobl sydd wedi cael cymeradwyaeth ddeuol fel gofalfwyr maeth a mabwysiadwr, cyn gynted â phosibl.
- Os yw'r llys yn penderfynu y dylai'r plentyn gael ei fabwysiadu, ni fydd yn rhaid iddo symud. Mae hyn yn lleihau'r straen a'r trawma'n sylweddol i'r plentyn.



Sut y mae'n wahanol i fabwysiadu traddodiadol?

Mabwysiadu traddodiadol

- Mae mwyafrit y plant sy'n cael eu mabwysiadu'n byw gyda gofalfwyr maeth tra bod y llys yn penderfynu am eu dyfodol
- Os yw'r llys yn penderfynu y dylai'r plentyn gael ei fabwysiadu, mae'r plentyn yn symud o'r gofalfwr maeth at rieni mabwysiadol, ar ôl iddo gael ei baru'n ffurfiol
- Galli plentyn orfod symud sawl gwaith cyn cael gofal maeth ac efallai y bydd wedi symud nifer o weithiau at ofalfwyr maeth gwahanol

Sefydlogrwydd Cynnar Cymru

- Yn anad dim, mae gofalfwyr Sefydlogrwydd Cynnar Cymru yn ddarpar fabwysiadwr ond maent hefyd wedi eu cymeradwyo fel gofalfwyr maeth
- Caiff y plentyn ei leoli gyda gofalfwyr Sefydlogrwydd Cymru cyn gynted â phosibl a chyn i'r llys ddod i benderfyniad am ddyfodol y plentyn
- Os yw'r llys yn penderfynu y dylai'r plentyn symud yn ôl at ei deulu, fe fydd cynllun ailuno
- Os yw'r llys yn penderfynu mai mabwysiadu sy'n iawn i'r plentyn, ni fydd y plentyn yn gorffod symud a bydd yn mynd ymlaen i gael ei baru'n ffurfiol gan y panel mabwysiadu



Beth mae hyn yn ei olygu i'r plentyn?

- Mae'n amddiffyn plant rhag y tarfu a'r trawma sy'n digwydd pan fydd yn rhaid iddynt symud nifer o weithiau, os nad ydynt yn gallu byw gyda'u teulu
- Maen nhw'n cael y cyfle i gael gofal sensitif ac unedig ac i ddatblygu ymlyniadau cadarn ar gam pwysig yn eu bywydau
- Mae'r oedolion sy'n gysylltiedig yn wynebu'r risg a'r ansicrwydd fel na fydd yn rhaid i'r plant eu hwynebu
- Mae'r oedolion yn gallu datblygu perthnasoedd, ac empathi ac mae hyn yn fuddiol iawn i'r plentyn
- Mae yna barhad ym mherthnasoedd y plant ac mae gan hyn ganlyniadau positif pellgyrhaeddol



Beth mae hyn yn ei olygu i fi?

- Byddwch yn gweithio gyda'r Awdurdod Lleol fel aelod o dîm ac yn gofalu am blentyn ar ran y teulu nes bod y llys yn penderfynu beth sydd orau i'r plentyn.
- Mae yna rywfaint o ansicrwydd a bydd yn rhaid i chi ddeall yr ansicrwydd hwn a gallu ymdopi ag ef, felly bydd gofyn i chi fod yn wydn.
- Gofynnwn i chi gael empathi at deulu'r plentyn, a derbyn y gellid penderfynu mai ailuno gyda'r rhieni neu aelodau o'r teulu ehangach yw'r opsiwn gorau i'r plentyn
- Bydd gofyn i chi gael dealltwriaeth dda o'r rôl faethu a sut y mae'n wahanol i fabwysiadu.
- Bydd hyn yn cynnwys gallu cefnogi cyswllt gyda theulu'r plentyn a datblygu perthynas gyda nhw.



Gallwch lawrlwytho'r sleidiau PowerPoint hyn oddi ar adoptcymru.com/sefydlogrwydd-cynnar-cymru

GWYBODAETH AR GYFER DARPAR RIENI MABWYSIADOL

Mae'r wybodaeth a amlinellir ar y tudalennau canlynol (tud 24-27) ar gael fel taflen wybodaeth ar wahân y gellir ei lawrlwytho o www.adoptcymru.com/adoptcymru.com/sefydlogrwydd-cynnar-cymru

Cyflwyniad

Rydych chi wedi ymgeisio i ddod yn rhiant mabwysiadol ac ar fin dechrau Cam 2 yn y broses asesu. Byddwch eisoes wedi clywed am 'SCC'; naill ai yn ystod digwyddiad gwybodaeth, neu wrth ddarllen rhai o'r deunyddiau a ddarparwyd. Mae'r daflen hon yn esbonio beth yw 'SCC' ac mae'n eich gwahodd i ystyried a ydych chi eisiau gwybod mwy amdano ai peidio.

Beth yw SCC?

I'r rhan fwyaf o blant yng Nghymru, pan fyddant yn cael eu symud wrth eu teulu biolegol am y tro cyntaf, naill ai ychydig cyn achos gofal, neu ar ddechrau achos gofal, maent yn cael eu lleoli gydag aelodau o'r teulu neu mewn lleoliad maeth byrdymor gyda gofalwyr maeth sydd wedi'u cymeradwyo. Os mai cynllun yr awdurdod lleol, a gadarnhawyd gan y llys, yw i'r plentyn gael ei ailuno gyda'r rhieni biolegol neu leoli gydag aelod o'r teulu, yna mae'r plentyn yn symud o'r lleoliad maeth ar ddiwedd yr achos. Os yw'r llys yn derbyn y cynllun gofal ar gyfer mabwysiadu, yna mae'r gofalwr maeth yn gofalu am y plentyn yn ystod y broses o symud at y lleoliad mabwysiadu.

Gyda SCC, mae'r gofalwyr maeth sy'n cymryd y plentyn ar ddechrau'r achos, hefyd yn ddarpar rieni mabwysiadol sydd wedi cael eu cymeradwyo. Maent fel unrhyw ofalwyr maeth eraill, yn gofalu am y plentyn, yn hwyluso cyswllt gyda'r teulu biolegol ac yn cymryd rhan yn adolygiadau derbyn gofal y plentyn. Os oes cynllun gofal i ailuno'r plentyn neu ei leoli gydag aelod o'r teulu, yna maent yn helpu'r plentyn i symud at y teulu biolegol. Os yw'r cynllun gofal yn gynllun ar gyfer mabwysiadu, yna mae'r plentyn yn aros gyda'r gofalwr maeth ac mae'r gofalwyr maeth yn dod yn rhieni mabwysiadol iddo.

Beth mae hyn yn ei olygu i'r plentyn?

Y fantais fawr i'r plentyn yw nad oes rhaid iddo fynd trwy'r trawma o symud o'r lleoliad maeth at y lleoliad mabwysiadu os yw'r cynllun gofal yn dod yn gynllun mabwysiadu, ac felly nid yw'n gorfod gadael y bobl y mae wedi ffurfio cwlwm gyda nhw, gan ei fod yno'n barod.

Gyda rhai plant, mae yna risg fechan y byddant yn dychwelyd at y teulu biolegol; gydag eraill mae yna fwy o siawns o ailuno neu leoli'r plentyn gydag aelod o'r teulu ehangach. Er bod nifer y plant sy'n dychwelyd at y teulu biolegol neu'n cael eu lleoli gydag aelod o'r teulu, yn fach, ni ellir gwarantu na fydd y plentyn yn dychwelyd a rhaid bod gofalwyr SCC yn glir eu bod yn barod i gymryd y risg.

Beth mae hyn yn ei olygu i ni?

Felly pam fyddai unrhyw ddarpar fabwysiadwyr eisiau cymryd y risg yna? Mae llawer o ddarpar fabwysiadwyr yn gallu gweld y budd i'r plentyn ac yn barod i gymryd y risg ar ran y plentyn, gyda chefnogaeth. Gyda babanod sy'n cael eu symud oddi wrth eu rhieni biolegol yn fuan wedi'r enedigaeth, mae gan ofalwyr SCC y boddhad o ofalu am faban newydd-anedig (er, fe fyddwch chi'n gwybod o'r hyfforddiant paratoi fod yna risg wrth gymryd babanod bach iawn, lle nad yw'n bosibl gwybod beth fydd eu llwybr datblygiadol); gyda phlant hŷn, mae ganddynt y boddhad o ddarparu gofal o safon uchel iawn ar gyfer y plentyn ar gam cynharach yn eu profiad gofal, beth bynnag fydd y cynllun gofal terfynol.

Profiad lleoliadau sefydlogrwydd cynnar mewn rhai ardaloedd yn Lloegr, lle mae'n arfer cyffredin gosod plant gyda gofalwyr maeth sydd hefyd wedi'u cymeradwyo fel rhieni mabwysiadol, yw bod mabwysiadwyr/gofalwyr yn cofleidio'u rôl fel gofalwyr maeth. Mae'r rhan fwyaf o'r plant yn aros yn y lleoliad hwnnw a'r plentyn yn dod yn blentyn cyfreithiol iddyn nhw unwaith y mae'r llys yn cadarnhau'r cynllun gofal ar gyfer mabwysiadu. Mae'r rheiny sy'n mabwysiadu yn teimlo bod y cyfle i gwrdd â'r rheini biolegol, mewn cyfarfodydd cyswllt ac adolygu, yn help mawr wrth iddyn nhw siarad â'r plentyn am y teulu biolegol yn nes ymlaen. Yn anad dim, maent wedi atal y trawma a'r ymyrraeth â bywyd y plentyn, sy'n digwydd pan fydd y plentyn yn gorfod symud o'r lleoliad maethu i'r lleoliad mabwysiadu.

Y ffordd ymlaen

Nid yw bod yn ofalwr SCC yn addas i bawb. Ond, os hoffech chi gael rhagor o wybodaeth am hyn, fel opsiwn, gallwch gofrestru gyda'ch asiantaeth i gael cwrs hyfforddiant o bell o'r enw "Ydy SCC yn iawn i chi?". Mae'n gwrw hanner-diwrnod a bydd yn edrych yn fanylach ar rôl gofalwr maeth SCC. Ar ddiwedd y cwrs hwnnw, efallai y penderfynwch chi nad yw SCC i chi, ond o leiaf y byddwch chi wedi archwilio'r opsiwn. Ar ôl yr hanner diwrnod hwn, os oes diddordeb gennych o hyd, gallwch gymryd rhan mewn cwrs undydd sy'n eich paratoi chi at fod yn ofalwr maeth. Bydd hyn i gyd yn cael ei esbonio'n fanwl yn ystod y cwrs archwilio hanner-diwrnod.

Os oes diddordeb gennych, siaradwch â'ch gweithiwr cymdeithasol sy'n asesu, a fydd yn gallu trafod hyn yn fanylach gyda chi a threfnu lle ar y cwrs hanner-diwrnod os ydych chi eisiau rhagor o wybodaeth.



Sut y mae Sefydlogrwydd Cynnar Cymru yn wahanol i fabwysiadu traddodiadol?

Mabwysiadu Traddodiadol	Sefydlogrwydd Cynnar Cymru
Byddwch yn clywed am blant y mae'r llys wedi penderfynu ar gynllun mabwysiadu ar eu cyfer, yn unig, ac yn cael eich paru gyda'r plant hyn yn unig. Bydd y llys wedi rhoi "Gorchymyn Lleoli" gan roi pŵer i'r Awdurdod Lleol leoli'r plentyn gyda darpar rieni mabwysiadol sydd wedi cael eu cymeradwyo. Felly, mae gennych fwy o sicrwydd y bydd y plentyn sy'n cael ei leoli gyda chi yn aros gyda chi.	Os nad yw plentyn yn gallu aros gyda rhieni, mae'n symud i mewn gyda gofalwyr SCC ar bwynt cynnar iawn, tra bod y llys yn dod i benderfyniad am ei ddyfodol. Efallai y bydd y llys yn penderfynu y dylai'r plentyn fynd yn ôl at ei rieni, neu at aelod o'r teulu ehangach, ac, os felly, cytunir ar gynllun ailuno a bydd y gofalwyr SCC yn cefnogi'r cynllun hwnnw. Os yw'r llys yn penderfynu ar gynllun mabwysiadu, mae'r plentyn yn aros gyda'u gofalwyr SCC ac mae'r gofalwyr SCC yn symud yn hwylus at fod yn ddarpar fabwysiadwyr (yn dilyn y Panel Paru a phenderfyniad y sawl sy'n gwneud penderfyniadau yn yr asiantaeth). Bydd y plentyn yn gallu aros gyda'i ofalwyr Sylfaen Diogel lle bydd wedi dechrau ffurfio cwlwm.
Mae'r plentyn yn ansicr ac yn gorfod byw gyda'r posibilrwydd y bydd yn symud sawl gwaith mewn gofal maeth tra bod penderfyniadau'n cael eu gwneud. Wrth iddo ddechrau setlo mewn gofal maeth, mae'n gorfod delio hefyd â'r ansicrwydd o orfod symud eto, pan fydd hyn yn digwydd, a'r ansicrwydd ynghylch pa fath o bobl fydd y teulu newydd.	Gofalwyr SCC sydd â'r ansicrwydd ac nid y plentyn. Er mai darpar fabwysiadwyr ydych chi yn anad dim, bydd y plentyn yn cael ei leoli gyda chi fel gofalwyr maeth. Bydd angen i chi ddeall a derbyn y ffaith efallai na fyddwch chi fyth yn fwy na gofalwr maeth i'r plentyn oherwydd gallai ddychwelyd at ei rieni neu aelod o'r teulu ehangach.
Bydd y plentyn wedi treulio amser gyda gofalwyr maeth ac, o bosibl, aelodau o'r teulu ehangach, ac felly bydd gennych lawer o wybodaeth am y plentyn, yr hyn mae'n ei hoffi neu ei gasáu, arferion, pethau sy'n ei sbarduno ac yn ei dawelu, a beth sydd angen arno i'w helpu i barhau i adfer ac i dyfu. Fe fydd cyfleoedd cyn i chi gael eich paru i gwrdd â nifer o bobl sydd wedi bod yn gysylltiedig â'r plentyn, ac i glywed ganddynt, a bydd hyn yn gymorth i chi ddeall effaith profiadau cynnar y plentyn.	Pan fydd y plentyn yn dod yn syth o'i gartref neu o'r ysbyty ar ôl cael ei eni, efallai y bydd gwybodaeth gyfyngedig amdano, ei iechyd a'i ddatblygiad, a'i brofiadau cynnar. Bydd angen i chi fod yn gallu ymdopi â'r ansicrwydd hwn, a'i dderbyn, felly. Byddwch yn cael cymaint o wybodaeth ag sydd gan y gweithwyr cymdeithasol a gweithwyr proffesiynol eraill, bob tro, ac yn cael eich cefnogi i ddeall beth mae hyn yn ei olygu i'ch plentyn, ac i chi.
Mae'n debygol y bydd penderfyniadau wedi cael eu gwneud am gadw cysylltiad gyda theulu biolegol, felly gallwch ystyried a ydy'r trefniadau hyn yn rhai y gallwch chi ymrwymo iddynt. Mae yna gydnabyddiaeth eang i fuddion hirdymor cynnal cysylltiad gyda'r teulu biolegol a bydd gweithiwr cymdeithasol y plentyn a'r gweithiwr cymdeithasol mabwysiadu hefyd yn meddwl am yr anghenion y mae'r plentyn yn debygol o'u cael a sut y bydd y rhain yn newid wrth iddo fynd yn hŷn. Gwelir cyfarfodydd rhwng rhieni biolegol (ac aelodau eraill y teulu biolegol) fel rhan normadol o'r broses fabwysiadu yng Nghymru, onid oes rhesymau amlwg pam nad yw hyn yn gallu digwydd.	Bydd cyswllt gyda rhieni ac, o bosibl, aelodau eraill o'r teulu, yn rhan o broses benderfynu'r llys ac mae'n debygol o fod yn rheolaidd. Os yw'n ddiogel ac yn bosibl, byddwch yn cael eich cynnwys yn y cyswllt rhwng y plentyn a'r teulu, efallai ar ddechrau a diwedd pob sesiwn, neu trwy lyfr trosglwyddo. Byddwch yn cwrdd â rhieni, os nad oes rhesymau clir pam na ddylai hyn ddigwydd, ac yn cael eich annog i ddatblygu perthynas gyda nhw, oherwydd rydym yn gwybod bod hyn yn gosod sylfeini positif ar gyfer unrhyw gyswllt yn y dyfodol, sydd er lles pennaf y plentyn.


CWESTIYNAU CYFFREDIN

Sut fydda' i'n cael fy mharatoi i fod yn ofalwr SCC?

Yn gyntaf, byddwch yn cael cwrs hanner-diwrnod ar-lein (gweminar fyw) o'r enw 'A ydy SCC yn iawn i chi?'. Bydd y cwrs yn rhoi rhagor o fanylion SCC i chi ac yn eich helpu i benderfynu a ydych chi am symud ymlaen ai peidio. Os ydych yn penderfynu symud ymlaen, yna mae yna ddiwrnod o gwrs ar-lein, sy'n eich paratoi chi at fod yn ofalwr maeth. Byddwch hefyd yn cael eich cyfeirio at ddarllen / deunydd ar-lein ychwanegol er mwyn sicrhau eich bod wedi eich paratoi'n dda iawn. Yn ystod Cam 2 yn eich asesiad, bydd eich gweithiwr cymdeithasol yn ymweld o leiaf unwaith gydag aelod o'r tîm maethu, a fydd yn siarad â chi am fod yn ofalwr maeth – mae hwn yn rhan o'ch asesiad maethu, ond mae asesu a pharatoi yn gweithio law yn llaw.

SIART LLIF 3: PARATOI A CHYMERADWYO

Byddwch wedi darllen am SCC ac wedi clywed amdano gan eich asiantaeth ac efallai'ch gweithiwr cymdeithasol



- Asiantaeth fabwysiadu
- Asiantaeth faethu
- ALL y Plentyn

Pryd fydda' i'n cwrdd â rhieni'r plentyn ac a fydd hyn yn ddiogel?

Fel gofawr maeth SCC, bydd disgwyl i chi gwrdd â rhieni'r plentyn a datblygu perthynas gyda nhw wrth i chi drosglwyddo'r plentyn a chasglu'r plentyn ar ddechrau a diwedd sesiynau cyswllt. Mae llawer o ofalwyr yn gwerthfawrogi'r cyfle i ddod i adnabod rhieni yn ystod yr amser hwn, ac os ydynt yn mynd ymlaen i fabwysiadu'r plentyn, maent yn teimlo bod ganddynt lawer mwy o wybodaeth werthfawr a phersonol i'w rhannu gyda'r plentyn.

Rhan o'r broses atgyfeirio wrth ystyried plentyn ar gyfer lleoliad SCC yw asesiad risg mewn perthynas â'r rhieni – a fyddent yn risg i chi fel gofawr? Os yw rhieni'n debygol o fod yn risg, yna efallai na fydd y lleoliad SCC yn addas; byddai unrhyw risgiau posibl yn cael eu trafod yn drylwyr gyda chi a byddech yn cael cymorth os ydych yn penderfynu symud ymlaen gyda'r paru

Beth fydd rhieni'n ei wybod amdana' i?

Er y byddwch yn cwrdd â rhieni'r plentyn ac yn dod i'w 'nabod, bydd ganddynt wybodaeth gyfyngedig amdano chi. Byddant yn gwybod beth yw eich enwau cyntaf, ond nid eich cyfenwau. Ni fyddant yn gwybod eich cyfeiriad nac unrhyw wybodaeth bersonol arall amdano chi. Gwneir pob ymdrech i gadw'ch gwybodaeth yn gyfrinachol; er enghraifft bydd y bag sydd gennych ar gyfer sesiynau cyswllt, gyda dillad, teganau, cewynnau ayb. yn cael ei gadw at y diben hwnnw yn unig fel na fyddwch yn gadael unrhyw beth a allai ddatgelu gwybodaeth amdano chi yn y bag mewn camgymeriad (er enghraifft derbynneb o siop).

A fydda' i'n cael absenoldeb a thâl mabwysiadu, ac os felly, pryd?

Byddwch yn gymwys i gael absenoldeb a thâl mabwysiadu statudol o'r amser y caiff y plentyn ei leoli gyda chi, er nad yw hwn yn lleoliad mabwysiadu. Byddwch hefyd yn cael lwfans maethu yn ystod yr amser yr ydych yn ofalwr maeth. Mae mwyafrif gofawyr yn cynilo'r tâl statudol ar gyfer y cyfnod pan fydd y lleoliad yn symud o fod yn lleoliad maeth i leoliad mabwysiadu.

Beth os oes gen i blant yn barod; naill ai plant biolegol neu blant wedi'u mabwysiadu?


Mae teuluoedd yn dod yn ofalwyr SCC pan fydd ganddynt blant yn barod. Edrychir ar bob teulu'n unigol. Yr hyn rydyn ni'n ei wybod o waith ymchwil, yw bod plant sydd eisoes yn y teulu yn cael eu harwain gan yr oedolion wrth fyw gyda'r ansicrwydd y gallai'r plentyn ddod yn aelod parhaol o'ch teulu, a derbyn, fel teulu, eich bod yn darparu cartref cariadus a diogel yn ystod y cyfnod y mae ar y plentyn ei angen. Yn ystod eich asesiad, os ydych yn ystyried dod yn ofalwr SCC, byddwch yn gallu trafod eich plant eich hun a'r goblygiadau ar eu cyfer nhw, yn enwedig os ydych yn ystyried cymryd brawd neu chwaer ieuengach plentyn sydd wedi'i fabwysiadu.

Pa gefnogaeth fydd ar gael i mi?

Eich prif ffynhonnell cymorth a chefnogaeth fydd y gweithiwr cymdeithasol canfod teulu a'r tîm yn y cydweithrediad mabwysiadu ranbarthol sydd wedi'ch asesu a'ch cymeradwyo. Byddant yn rhoi cyngor a chymorth i chi yn yr un ffordd â lleoliad mabwysiadu prif ffrwd, ond ar yr un pryd yn gweithio gyda chi i gydnabod ansicrwydd y lleoliad. Byddwch hefyd yn cael cymorth gan y tîm maethu ar gyfer eich tasgau maethu penodol, gan gynnwys hwyluso trefniadau cyswllt gyda'r teulu biolegol. Bydd hyn i gyd yn cael ei archwilio'n fanylach yn ystod eich hyfforddiant.

SIART LLIF 4: CYSYLLTU, PARU A LLEOLI

- Asiantaeth fabwysiadu
- Asiantaeth faethu
- ALL y Plentyn



Gallwch lawrlwytho'r siart llif hwn oddi ar adoptcymru.com/sefydlogrwydd-cynnar-cymru

Cynlluniwyd y canllawiau hyn i helpu gweithwyr cymdeithasol asesu darpar fabwysiadwyr sydd hefyd yn mynegi dymuniad i gael eu hystyried fel gofawyr SCC.

Mae'r canllawiau (sy'n ychwanegol at nodiadau canllaw CoramBAAF PAR, ac yn eistedd ochr yn ochr â nhw) yn cyflwyno'r elfennau y mae angen eu hystyried a'u cynnwys ar gamau amrywiol yn y PAR wrth asesu ymgeiswyr sy'n dymuno cael eu cymeradwyo fel gofawyr SCC. Dim ond adrannau perthnasol sydd wedi eu cynnwys.

Gosod y cyd-destun o'r dechrau'n deg

Crynodeb o bortread yr ymgeisydd/wyr a'u cynllun i fabwysiadu

- Yn gyffredinol, gwelir bod y crynodeb hwn yn ddefnyddiol fel un o rannau cyntaf y PAR y mae gweithwyr cymdeithasol y plant sy'n gysylltiedig â'r broses gysylltu a pharu, yn eu hystyried, ac mae'n ddefnyddiol iawn cynnwys manylion cryno am fwriad yr ymgeiswyr i gael eu hystyried fel gofawyr SCC a'r hyn sy'n eu cymell i wneud hynny.
- Byddai manylion cryno yn amlinellu dealltwriaeth yr ymgeisydd o oblygiadau cyfreithiol, ymarferol ac emosiynol hyn yn ogystal ag unrhyw gryfderau penodol a pherthnasol a ffactorau sy'n cyfyngu, yn ddefnyddiol. Bydd y rhain yn cael eu harchwilio'n fanylach a'u cynnwys trwy gydol yr adroddiad.

Cefndir y teulu a phrofiadau cynnar (Adran 1 a 2)

- Mae'r **Coeden Deulu** yn offeryn adnabyddus sy'n cael ei ddefnyddio'n aml ymhob asesiad mabwysiadu, a gall fod yn ddefnyddiol i gael gwybodaeth benodol sy'n berthnasol i SCC. Gall roi darlun hygyrch o berthnasoedd y teulu, profiadau rhyng-genhedlaeth, patrymau a deinameg a gellir ei defnyddio i amlygu ac archwilio sut y mae'r ymgeiswyr ac aelodau arwyddocaol o'r teulu yn delio â cholled, symud a thrawma.
- Mae gweithwyr cymdeithasol sy'n cynnal asesiadau hefyd yn gallu defnyddio'r offeryn hwn i gael mewnwelediad i wydnwch yr ymgeiswyr, eu haeddfedrwydd emosiynol a'u gallu i fyfyr, yn ogystal ag unrhyw faterion heb eu datrys sydd wedi codi yn rhan o **Gefndir y teulu a phrofiadau cynnar**. Mae'r rhain yn elfennau hanfodol, wrth fagu plant sydd wedi profi trawma datblygiadol ac wrth allu derbyn ac ymdopi â'r ansicrwydd ychwanegol sy'n elfen gynhenid o fod yn ofalwr SCC.
- Mae cefndir teuluol a phrofiadau'r ymgeiswyr yn gallu bod yn dystiolaeth o'u gallu i ymdopi ag ansicrwydd, straen a diffyg rheolaeth dros yr hyn sy'n digwydd yn y llys yn ogystal â'u potensial i ddangos empathi at rieni'r plentyn ac i ddatblygu perthnasoedd gyda nhw.

Cwestiynau a dadansoddiad a awgrymir:

- Pa dystiolaeth sydd yna o'r ffordd y mae aelodau'r teulu yn ymateb i straen a newid? Sut mae teimladau'n cael eu mynegi am y salwch/marwolaeth hwn ayb.? Pa ffynonellau cymorth a chysur y mae'r ymgeiswyr a'r teulu ehangach yn tynnu arnynt ar adegau o straen a cholled?
- A oes yna dystiolaeth o dderbyn agweddau at wahaniaeth o genhedlaeth i genhedlaeth a sut mae'r rhain yn cael eu mynegi?
- Beth yw'ch barn broffesiynol am unrhyw gryfderau a ffactorau sy'n cyfyngu sydd wedi amlygu? A oes unrhyw ffactorau sy'n lliniaru?

Bywyd oedolyn – gwaith, iechyd a materion eraill (Adran 3 – 5)

Gwaith

Bydd angen i ymgeiswyr fod yn ymwybodol o'r ffaith y gallai fod ganddynt gyfnod cyfyngedig o amser rhwng cael gwybod am y plentyn a chael y plentyn yn symud i mewn gyda nhw, a bydd angen iddynt fod yn barod ar gyfer hyn. Bydd gofyn ystyried hyn yn ofalus ynghyd ag unrhyw effaith arny'n nhw fel teulu.

Cwestiynau a dadansoddiad a awgrymir:

- Beth yw'r patrymau gwaith ar hyn o bryd a sut fydd y rhain yn newid?
- A ydy'r ymgeisydd y gallu gadael gwaith ar fyr rybudd? Beth yw dealltwriaeth y cyflogwr o'r sefyllfa a pha gymorth mae'n ei gynnig? A wiriwyd y safbwynt hwn?
- Os ydynt yn gweithio i gwmni cenedlaethol, a ydynt wedi gwirio os oes polisi Sefydlogrwydd Cynnar Adnoddau Dynol yn bodoli?
- Sut fydd absenoldeb a thâl mabwysiadu statudol yn cael eu defnyddio yng nghamau cychwynnol y lleoliad SCC?
- Beth yw'ch barn broffesiynol am unrhyw gryfderau a ffactorau sy'n cyfyngu sydd wedi amlygu? A oes unrhyw ffactorau sy'n lliniaru?

Gweler hefyd **Amgylchiadau Ariannol** (Adran 11)

- Beth yw dealltwriaeth yr ymgeiswyr o agweddau ariannol SCC ac a oes eglurder ynghylch taliadau maethu ac absenoldeb mabwysiadu am gyfnod cyfan y lleoliad?
- A oes gan yr ymgeiswyr ddealltwriaeth dda o rôl yr Awdurdod Lleol wrth ddarparu cyfarpar a chymorth ariannol e.e. ar gyfer mynd i sesiynau cyswllt

Gweler [Gofawyr SCC a Chyllid](#) am ragor o wybodaeth.

Perthnasoedd a Rhwydweithiau cymorth (Adrannau 6 – 9)

Perthnasoedd

Mae'r cwestiynau hyn yn berthnasol i fabwysiadu traddodiadol ond maent yn arbennig o berthnasol wrth ystyried SCC oherwydd yr ansicrwydd cynhenid a'r risgiau cysylltiedig. Felly, dylai'r gweithwyr cymdeithasol sy'n asesu ystyried yr elfennau ychwanegol hyn wrth asesu a darparu dadansoddiad proffesiynol.

Cwestiynau a dadansoddiad a awgrymir:

- Pa dystiolaeth sydd yna o allu unigol a gallu ar y cyd i adnabod, deall ac ymdopi â'r straen a chefnogi'i gilydd?
- Pa dystiolaeth sydd yna o allu unigol a gallu ar y cyd i ymdopi ag ansicrwydd ac ymdopi â pheidio â chael rheolaeth dros yr hyn sy'n digwydd?
- Beth yw eich barn broffesiynol am unrhyw gryfderau a ffactorau sy'n cyfyngu a amlygwyd?
- Beth yw eich dadansoddiad proffesiynol o'u gallu i geisio cymorth ac i dderbyn cymorth?

Rhwydwaith cymorth

Mae rhwydweithiau cymorth da yn arbennig o bwysig i ofalwyr SCC, yn enwedig ar adegau o ansicrwydd a phryder.

Mae'r offeryn Coeden Deulu yn gallu bod yn arbennig o ddefnyddiol wrth asesu mynediad ymgeiswyr at gymorth goddefgar a chadarn yn eu rôl fel gofalwyr SCC, gallu aelodau o'r teulu i ddeall a derbyn realiti bod yn ofalwyr SCC, a'u rôl mewn perthynas â phlentyn neu blant. Gellir cynnwys hyn yng ngwybodaeth a dadansoddiad Adran 6 – 9 (**Perthnasoedd a Rhwydweithiau cymorth**)

Cwestiynau a dadansoddiad a awgrymir:

- Pa dystiolaeth sydd gennym o ddealltwriaeth rhwydweithiau teuluol a chymorth ehangach o SCC?
- A fydd aelodau o'r teulu a ffrindiau yn barod i gael hyfforddiant penodol i Deulu a Ffrindiau ar gyfer gofalwyr SCC?
- A fydd aelodau o'r teulu ehangach a ffrindiau yn gallu rheoli eu hemosiynau eu hunain ac adnabod a derbyn statws y plentyn fel lleoliad SCC?
- A oes modd triogli'r wybodaeth hon h.y. o gyfweiliadau canolwyr?
- Beth yw eich barn broffesiynol am unrhyw gryfderau neu ffactorau sy'n cyfyngu sydd wedi amlygu ac ansawdd y cymorth a fydd yn cael ei gynnig i'r ymgeiswyr?

Yr Aelwyd

Wrth ystyried aelodau'r aelwyd ac ansawdd eu perthnasoedd gyda'i gilydd, dylai'r gweithiwr cymdeithasol sy'n asesu gysylltu manylion at eu dealltwriaeth o SCC ac effaith SCC arnynt. Mae hyn yn arbennig o berthnasol gydag unrhyw blant (plant biolegol neu blant wedi eu mabwysiadu) ar yr aelwyd.

Os yw'r plentyn sydd ar yr aelwyd yn barod yn blentyn wedi'i fabwysiadu, dylech gynnwys manylion ei batrwm ymlyniad a sut y defnyddiodd yr ymgeiswyr arddulliau magu plant adferol (dylai hyn gael sylw yn Adran 15 hefyd: **Dealltwriaeth o anghenion plant mabwysiedig a gallu magu mabwysiadol**)

Cwestiynau a dadansoddiad a awgrymir:

- A oes dystiolaeth fod SCC wedi cael ei drafod gydag aelodau'r aelwyd, yn enwedig plant, a pha elfennau yn y modd y gwnaethpwyd hyn sy'n tawelu eich meddwl chi fel aseswr?
- Beth yw dealltwriaeth y plant o SCC, gan gynnwys y posibilrwydd o leoli brawd neu chwaer ar y sail honno?
- A oes dystiolaeth y bydd y plentyn/plant ar yr aelwyd yn cymryd arweiniad yr ymgeiswyr a pha elfennau o hyn sy'n tawelu eich meddwl chi fel aseswr?
- Beth yw eich barn broffesiynol am unrhyw gryfderau a ffactorau sy'n cyfyngu a amlygwyd, gan gynnwys eich dadansoddiad o'r effaith debygol ar blant sydd eisoes yn byw ar yr aelwyd? Pa anghenion cymorth ychwanegol a nodwyd?



Dod yn fabwysiadwyr – asesiad o allu magu mabwysiadol

Cymhelliad i fabwysiadu a disgwyliadau'r lleoliad (Adran 13 a 14)

Wrth asesu ymgeiswyr i fod yn ofalwyr SCC, mae yna elfennau ychwanegol i'w hystyried o ran eu cymhelliad a'u disgwyliadau o'r lleoliad; dylid ystyried hyn yng nghyd-destun eu dealltwriaeth o'u rôl a'u gwydnwch i ymdopi â lefel uwch o ansicrwydd a risg, o ran datblygiad y plentyn a'i statws cyfreithiol.

Cwestiynau a dadansoddiad a awgrymir:

- Beth yw eu cymhelliad yn gyffredinol h.y. ai mabwysiadu yw eu dewis cyntaf? Pan fod anffwrthlondeb yn ffactor sy'n cymell, pa dystiolaeth sydd yna eu bod yn derbyn y sefyllfa a bod ganddynt ddisgwyliadau realistig ac, yn benodol, mewn perthynas â lleoliad SCC gyda babi?
- Pa dystiolaeth sydd yna o ddealltwriaeth yr ymgeiswyr o SCC a'u cymhelliad penodol mewn perthynas â hyn? A yw hyn yn cynnwys dealltwriaeth realistig a chymesur o risg?
- A gydnabyddir y gwahaniaeth rhwng anghenion oedolion ac anghenion plant, a pha dystiolaeth sydd yna fod yr ymgeiswyr yn gallu dal y plentyn wrth ganol eu meddyliau a'u penderfyniadau?
- Beth yw eich barn broffesiynol am unrhyw gryfderau a ffactorau sy'n cyfyngu gan gynnwys gallu'r ymgeiswyr i ymdopi â lefel uwch o ansicrwydd a diffyg pŵer yn eu rôl fel gofalwyr SCC? Mae hyn yn cynnwys eich dadansoddiad o unrhyw alar sydd heb ei ddatrys ac a ydy'r ymgeiswyr yn gwerthfawrogi effaith bosibl "colli" plentyn arall os ydyw'n dychwelyd at y rhieni, ac yn gallu ymdopi â hynny, gan gofio y gallai sbarduno teimladau o alar a cholled o'r gorffennol.

Bydd y dasg faethu a'r hyn y mae'n ei olygu mewn perthynas â SCC, yn cael sylw yn yr adroddiad atodol sy'n mynd at y panel maethu law yn llaw â PAR yr ymgeiswyr.

Disgwyliadau o ran y lleoliad

Yn ogystal â thrafod barn yr ymgeiswyr a'u disgwyliadau o ran nodweddion cefndir a phrofiadau, oedrannau neu niferoedd y plant y maent yn gobeithio'u mabwysiadu, mae yna elfennau ychwanegol sydd angen ystyriaeth mewn perthynas â gofalwyr SCC.

Cwestiynau a dadansoddiad a awgrymir:

- Pa dystiolaeth sydd yna o brofiad yr ymgeiswyr o ofalu am blant, ac, yn benodol, gofalu am fabi ifanc os mai dyma y maent ei eisïau? A yw hyn yn cynnwys profiad penodol o rôl gyda phlant "dieithr" neu ofalu am blant "dieithr"?
- Beth yw dealltwriaeth a disgwyliadau'r ymgeiswyr o ran y wybodaeth y byddant yn ei chael mewn perthynas â phlentyn cyn lleoli, ac a yw hyn yn realistig? A ydynt yn gwerthfawrogi y gallai fod gwybodaeth gyfyngedig ar gael, yn sicr i ddechrau, a chyfle cyfyngedig (yn wahanol i fabwysiadu traddodiadol) i gyfarwyddo â'r plentyn a datblygu ymddiriedaeth cyn i'r plentyn gael ei leoli gyda nhw?

- A ydy'r ymgeiswyr yn deall ei bod yn debygol y bydd lefel uchel o ansicrwydd o ran sut mae'r plentyn yn ymddwyn ac yn datblygu, yn enwedig os yw'n cael ei osod yn syth o'r ysbyty wedi iddo gael ei eni? A oes ganddynt ddealltwriaeth realistig fod hyn yn debygol o gynnwys effaith cael ei gario gan fam sydd wedi bod yn yfed alcohol a/neu'n camddefnyddio cyffuriau, a beth yw eu dealltwriaeth o'r effaith hon?
- Beth yw eich barn broffesiynol am unrhyw gryfderau a ffactorau sy'n cyfyngu mewn perthynas â'r uchod? Pa anghenion cymorth neu hyfforddiant a amlygodd a sut fydd y rhain yn cael eu diwallu?

Dealltwriaeth o anghenion plant mabwysiedig a gallu magu mabwysiadol (Adran 15 – 18)

Gweler y canllawiau uchod a allai hefyd fod yn berthnasol i'r adrannau hyn. Ceisiwch osgoi ailadrodd, gan sicrhau ar yr un pryd fod pob elfen yn cael sylw a sicrhau bod y farn a'r dadansoddiad proffesiynol yn gadarn.

Mae'r canlynol yn arbennig o berthnasol:

- A oes gan yr ymgeiswyr ddealltwriaeth dda o bwysigrwydd y perthnasoedd y gellir eu datblygu gyda rhieni'r plentyn yn ystod lleoliad SCC a pha mor berthnasol y mae hyn wrth gefnogi hunaniaeth plentyn a chysylltiadau niferus, os yw'r cynllun gofal yn gynllun mabwysiadu?
- Sut fydd yr ymgeiswyr yn cynnwys taith y plentyn at gael ei fabwysiadu trwy SCC yn ei ddeunyddiau Taith Bywyd?
- Pa dystiolaeth sydd yna y bydd yr ymgeiswyr yn cyfathrebu'n agored gyda'r plentyn ac yn gwneud beth sydd orau i'r plentyn bob tro o ran parhad perthnasoedd a chefnogi dealltwriaeth o'i hunaniaeth?
- Beth yw eich barn broffesiynol am unrhyw gryfderau a ffactorau sy'n cyfyngu, mewn perthynas â'r uchod? Pa anghenion cymorth neu hyfforddiant a nodwyd a sut fydd y rhain yn cael eu diwallu?

Dadansoddiad Cryno o'r holl ffactorau allweddol

Mae'r adran hon yn tynnu ynghyd brif bwyntiau'r asesiad gwaith cymdeithasol sy'n arwain at yr argymhelliad ynglŷn ag addasrwydd i fabwysiadu. Dylid cyfeirio'n benodol at addasrwydd yr ymgeiswyr fel gofalwyr SCC, y prif nodweddion a'r cryfderau a amlygodd sy'n berthnasol i'r llwybr hwn. Dylai dadansoddiad cadarn ddarparu gwerthusiad realistig o'r cryfderau hyn yn ogystal ag unrhyw anghenion hyfforddiant a chymorth y gallai fod eu hangen.

Dylid cyfeirio at yr adroddiad atodol a fydd yn cael ei lenwi a'i gyflwyno i'r panel maethu fel rhan o'r broses o gymeradwyo ymgeiswyr fel gofalwyr maeth.

Gofynnwyd i chi fod yn ganolwr ar gyfer aelod o'r teulu neu ffrind sy'n ceisio dod yn rhiant mabwysiadol. Mae'r sawl y gofynnwyd i chi ddarparu geirada ar eu cyfer hefyd yn ceisio dod yn ofalwr SCC.

Beth yw Sefydlogrwydd Cynnar Cymru?

Fel arfer, caiff plentyn ei leoli gyda darpar rieni mabwysiadol ar ôl i'r llys benderfynu ar fabwysiadu fel y cynllun gofal. Gyda SCC, gellir lleoli plentyn gyda gofalwyr SCC pan fydd yn cael ei symud oddi wrth ei deulu biolegol am y tro cyntaf, yn ystod achos gofal. Mae'r gofalwyr SCC yn gweithredu fel gofalwyr maeth ar gyfer y plentyn, gan hwyluso cyswllt gyda'r teulu biolegol a mynd i adolygiadau'r plentyn, hyd nes y bydd y llys yn penderfynu ar y cynllun gofal parhaol ar gyfer y plentyn. Efallai y bydd y plentyn yn mynd yn ôl at ei rieni biolegol neu'n cael ei leoli gydag aelod o'r teulu, ac yn yr achos hwn mae'r gofalwyr SCC yn hwyluso'r dychweliad. Fodd bynnag, os yw'r llys yn penderfynu y dylid mabwysiadu'r plentyn, mae'r plentyn yn aros gyda'r gofalwyr SCC sy'n dod yn rhieni mabwysiadol i'r plentyn.

Y fantais fawr i'r plentyn yw nad yw'n gorfod gadael y bobl y mae wedi dechrau ffurfio cwlwm gyda nhw, os yw'r cynllun yn dod yn gynllun mabwysiadu, ac felly nid yw'n gorfod dioddef y trawma o symud o'r lleoliad maeth i'r lleoliad mabwysiadu gan ei fod eisoes yn gyda nhw.

Beth mae hyn yn ei olygu i'r aelod o'ch teulu neu'ch ffrind

Gyda rhai plant, mae yna risg fechan y byddant yn dychwelyd at y teulu biolegol; gydag eraill mae yna fwy o siawns o ailuno neu leoli'r plentyn gydag aelod o'r teulu ehangach. Er bod nifer y plant sy'n mynd yn ôl at rieni biolegol neu'n cael eu lleoli gydag aelodau o'r teulu, yn fach, ni ellir gwarantu na fydd y plentyn yn dychwelyd a rhaid bod gofalwyr SCC yn glir eu bod nhw'n barod i gymryd y risg honno.

Felly pam fyddai unrhyw ddarpar fabwysiadwyr eisiau cymryd y risg hon? Maent yn gweld y budd i'r plentyn ac yn barod i gymryd y risg ar ran y plentyn. Gyda babanod sy'n cael eu symud oddi wrth eu rhieni biolegol yn fuan wedi iddynt gael eu geni, mae gofalwyr SCC yn cael y boddhad o ofalu am faban newydd-anedig (er bod yna risg ynghlwm â chymryd babanod bach iawn lle nad oes modd gwybod beth fydd eu llwybr datblygiadol); gyda phlant hŷn, mae ganddynt y boddhad o ddarparu gofal o safon uchel iawn ar gyfer y plentyn ar gam cynharach yn eu profiad gofal, beth bynnag fydd y cynllun gofal terfynol.

Eich rôl fel canolwr

Bydd gofyn i chi gynnig sylwadau am ffactorau ychwanegol a fydd yn ein helpu i benderfynu ai SCC yw'r ffordd iawn ymlaen i'r aelod o'ch teulu neu'ch ffrind.

Bydd angen i ni gael gwybod a fyddai'r ymgeiswyr yn gallu derbyn y gallai fod y wybodaeth am ddatblygiad y plentyn yn gyfyngedig pan fyddan nhw'n cael eu lleoli gyda nhw, a bydd yn rhaid iddynt fod yn gallu ymdopi â rhywfaint o ansicrwydd am hyn.

Bydd angen i ni wybod sut fyddai'r ymgeiswyr yn cofleidio'r syniad o gwrdd â'r rhieni biolegol yn ystod sesiynau cyswllt ac mewn cyfarfodydd, yn eich barn chi.


Bydd angen i ni wybod hefyd pa mor wydn fyddai'r ymgeiswyr petai'n rhaid iddynt wynebu'r syniad o ddychwelyd y plentyn at y rhieni biolegol neu i gael ei leoli gydag aelod o'r teulu ehangach, yn eich barn chi.

Bydd y cwestiynau hyn yn cael eu holi yn ogystal â'r cwestiynau arferol yr ydym yn eu holi am eich barn chi am yr ymgeisydd mewn perthynas â dod yn rhiant mabwysiadol yn y ffordd arferol.

Diolch am ein helpu ni i wneud y penderfyniad, wrth i ni benderfynu a yw lleoliad SCC yn iawn i'r aelod o'ch teulu neu eich ffrind, ac felly'n iawn i'r plentyn a leolir.

Gwybodaeth i Ganolwyr

Gallwch lawrlwytho'r daflen hon oddi ar:
adoptcymru.org/sefydlogrwydd-cynnar-cymru



GOFALWYR SCC A CHYLLID

Lwfansau maethu

Mae gofawlyr yn gymwys i gael lwfans maethu o'r amser y lleolir plentyn hyd nes bod y plentyn yn cael ei ailuno gyda'r teulu biolegol neu hyd nes bod y lleoliad maethu'n dod yn lleoliad mabwysiadu. Cyfradd y lwfans maethu fydd y gyfradd y mae'r darparwr gwasanaethau maethu enwebedig ar gyfer y rhanbarth yn ei thalu i'w ofalwyr maeth.

Os digwydd i'r plentyn gael ei ailuno gyda'i deulu biolegol neu leoli gydag aelod o'r teulu ehangach, argymhellir bod gofawlyr yn cael mis ychwanegol o lwfans yn dilyn diwedd y lleoliad. Bydd hyn yn dibynnu ar drefniadau'r Awdurdod Lleol.

Os daw'r lleoliad yn lleoliad mabwysiadu, bydd y lwfans maethu yn dod i ben wrth gael penderfyniad y sawl sy'n gwneud penderfyniadau yn yr asiantaeth am baru plentyn.

Absenoldeb a thâl statudol

Mae gofawlyr sydd wedi cael cymeradwyaeth ddeuol fel darpar rieni mabwysiadol a gofawlyr maeth yn gymwys i gael absenoldeb a thâl mabwysiadu statudol o'r dyddiad y lleolwyd y plentyn gyda nhw fel gofawlyr maeth. Sylwer: nid yw gofawlyr hunangyflogedig yn gymwys i gael tâl statudol.

Mae Rheoliadau Deddf Gwasanaethau Cymdeithasol a Llesiant (Cymru) 2014 (Diwygiadau Canlyniadol) 2016, rheoliadau 53-54 ac 143-148, yn alinio Cymru gyda'r darpariaethau sydd ar gael yn Lloegr. Am ragor o fanylion y rheoliadau gweler isod.

Rhaid lleoli'r plentyn gyda gofawlyr sydd wedi cael cymeradwyaeth ddeuol dan a81 Deddf Gwasanaethau Cymdeithasol a Llesiant (Cymru) 2014. Rhaid i'r awdurdod lleol sy'n gyfrifol am y plentyn roi llythyr i'r gofawlyr/gofawlyr yn dweud am leoliad arfaethedig y plentyn ac yn nodi bod y plentyn yn cael ei leoli gyda gofawlyr maeth yr awdurdod lleol, dan a81 (6) (b) Deddf Gwasanaethau Cymdeithasol a Llesiant (Cymru), sydd wedi cael ei gymeradwyo fel darpar fabwysiaddd. Mae hyn yn rhoi tystysgrif sydd gywerth â thystysgrif paru ac yn cadarnhau cymhwysra'r cyflogai i gyfnod mabwysiadu statudol a thâl mabwysiadu statudol.

From the same date (the date of the letter from the local authority) WEP carers who are expecting a child to be placed will be entitled to time off on 5 occasions (main adopter) or 2 occasions (secondary adopter) for adoption appointments (that is meetings with the local authority / medical adviser etc).

O'r un dyddiad (dyddiad y llythyr gan yr awdurdod lleol) bydd gofawlyr SCC sy'n disgwyl cael plentyn wedi'i leoli gyda nhw â hawl i gael amser i ffwrdd ar 5 achlysur (prif fabwysiadwr) neu 2 achlysur (mabwysiadwr eilaidd) ar gyfer apwyntiadau mabwysiadu (hynny yw cyfarfodydd gyda'r awdurdod lleol / cynghorydd meddygol ayb).

Am ragor o fanylion tâl ac absenoldeb mabwysiadu statudol yn gyffredinol, mae gwybodaeth ar gael ar:

<https://www.gov.uk/adoption-pay-leave>

Os yw'r lleoliad yn arwain at ailuno gyda'r teulu biolegol, nid yw hynny'n cael unrhyw effaith ar y tâl neu'r absenoldeb a gafwyd yn barod a gall gofawlyr barhau i gymryd yr absenoldeb a drefnwyd yn barod, neu gallant ddod â'r cyfnod i ben wyth wythnos cyn y byddai wedi gorffen petai'r plentyn wedi aros. Os yw'r gofawlyr SCC yn mynd ymlaen i gymryd lleoliad SCC arall, byddant yn gymwys i absenoldeb a thâl mabwysiadu ar gyfer y plentyn hwnnw hefyd. Mae gofawlyr SCC sydd ar absenoldeb mabwysiadu yn parhau i gasglu hawl i absenoldeb a thâl mabwysiadu.

Os yw'r lleoliad yn dod yn lleoliad mabwysiadu, ni fydd gofawlyr yn gymwys i gael absenoldeb neu dâl ychwanegol.

Rheoli cyllid

Mae llawer o ofalwyr yn cynilo'r tâl mabwysiadu yn ystod y cyfnod y maent yn maethu'r plentyn gan eu bod hefyd yn cael lwfans maethu. Mae'r swm yn gallu bod yn ddefnyddiol unwaith y bydd y lleoliad yn dod yn lleoliad mabwysiadu a'r lwfans maethu'n dod i ben.



Paratoi, Asesu a Chymeradwyo Gofalwyr SCC

7

MAE ANGEN I'R CANLYNOL DDIGWYDD

Recriwtio a Pharatoi

Bydd ymgeiswyr sydd wedi mynegi diddordeb yn SCC wedi darllen y deunyddiau a ddarparwyd, wedi bod yn y weminar hanner-diwrnod "Ydy SCC yn iawn i chi?" ac, os yn berthnasol, yn cael eu hasesu gan eu gweithiwr cymdeithasol mabwysiadu yn unol â'r elfennau ychwanegol y mae angen eu hystyried yn eu Hadroddiad Darpar Fabwysiadwr (PAR). Gweler yr adran flaenorol.

Byddant yn ymwybodol bod arnynt angen cymeradwyaeth ddeuol fel mabwysiadwr a gofalwr maeth ac y bydd **adroddiad atodol** yn cael ei gwblhau yn ogystal â'u PAR er mwyn sicrhau bod pob cymhwysedd maethu'n cael ei fodloni.

- Dylid blaenoriaethu cyfathrebu cynnar gyda'r darparwr gwasanaethau maethu a'r gweithiwr cymdeithasol maethu a neilltuwyd, er mwyn sicrhau cydweithio effeithiol.

Datblygwyd [Offeryn Monitro SCC ar gyfer Cymeradwyo a Chefnogi Gofalwyr](#) i'w lenwi gan y gweithiwr cymdeithasol maethu a'r gweithiwr cymdeithasol mabwysiadu a neilltuwyd. Gall y GCMabwysiadu ddefnyddio hwn a'i ddiweddarw wrth i'r gwaith fynd yn ei flaen ymhob achos, mewn cydweithrediad â'r GCMaethu. Rhagwelir y bydd y ddogfen hon yn nodyn atgoffa defnyddiol wrth i ymarferwyr gyfarwyddo â SCC.

- Yn ychwanegol at yr hyfforddiant Paratoi at Fabwysiadu 3-diwrnod a ddarperir, bydd angen i ymgeiswyr fynd i weminar hyfforddiant undydd fyw hefyd (gyda modiwlau wedi'u recordio ychwanegol) sy'n cwmpasu'r elfennau maethu. Bydd y weminar yn cael ei chyflwyno gan AFA Cymru, i ddechrau, ar draws Cymru, 5 gwaith dros gyfnod o ddeuddeg mis. Gall bob asiantaeth / Asiantaeth Fabwysiadu Wirfoddol gyfeirio unrhyw un sydd â diddordeb at hyn.

Ein cyngor ni fyddai sicrhau bod mynediad at y weminar hon ar gael yng nghamau olaf Cam 1 (ar ôl yr hyfforddiant Paratoi) neu yng nghamau cynharaf Cam 2 yn asesiad mabwysiadu'r ymgeisydd/ymgeiswyr. Bydd hyn yn sicrhau bod digon o amser i archwilio'r elfennau ychwanegol sy'n angenrheidiol yn yr adroddiad atodol sy'n dod gyda'r PAR.

Asesu

- Mae angen i'r gweithiwr cymdeithasol Mabwysiadu lenwi adroddiad atodol SCC mewn ymgynghoriad â'r gweithiwr cymdeithasol Maethu. Cyflwynir yr adroddiad atodol i'r panel Maethu enwebedig ochr yn ochr â PAR yr ymgeisydd/ymgeiswyr fel rhan o'r broses o'u cymeradwyo fel gofalwyr maeth.
- Datblygwyd pro forma Cymru Gyfan ar gyfer yr [adroddiad atodol i'r Panel Maethu](#)
- Diben yr adroddiad hwn yw hwyluso argymhelliad a chymeradwyaeth yr ymgeisydd/ymgeiswyr, os yn briodol, fel gofalwr maeth byrdymor. Gwneir hyn er mwyn hwyluso lleoliad SCC a'r diben yw cael lleoliad a allai newid i leoliad mabwysiadu petai yna awdurdod i leoli mewn lleoliad mabwysiadol (naill ai trwy gydsyniad dan a19 Deddf Mabwysiadu a Phlant 2002 neu Orchymyn Lleoli dan a21 Deddf Mabwysiadu a Phlant 2002).

Dylai fod o leiaf un ymweliad ar y cyd rhwng y gweithwyr cymdeithasol mabwysiadu a maethu a'r ymgeiswyr yn ystod eu hasesiad (Cam 2 yn yr Asesiad Mabwysiadu)
- Datblygwyd canllaw i weithwyr cymdeithasol am yr hyn y mae angen ei gynnwys yn **adroddiad atodol SCC** er mwyn sicrhau bod pob cymhwysedd ar gyfer maethu yn cael ei fodloni.
- Mae'r canllaw hwn yn eistedd ochr yn ochr â [Rhestr Wirio SCC – cymharu rheoliadau Mabwysiadu a Maethu, a Chymwyseddau Maethu](#) a ddylai gael ei gwblhau ar y cyd gan y gweithwyr cymdeithasol Mabwysiadu a Maethu a neilltuwyd a'u cyflwyno i'r panel ochr yn ochr â'r PAR a'r Adroddiad atodol.
- Dylid trafod dogfennau penodol [Cytundeb Awdurdod Dirprwyedig SCC](#) a [Cytundeb Gofal Maeth SCC](#) gyda'r ymgeisydd/ymgeiswyr yn ystod asesiadau er mwyn sicrhau eu bod yn eu deall ac yn mynd i gydymffurfio â nhw.
- Dylai'r GCMabwysiadu ddiweddu [Offeryn Monitro SCC ar gyfer Cymeradwyo a Chefnogi Gofalwyr](#) yn ôl yr angen.

Cymeradwyaeth

- Dylid cyflwyno gerbron y Panel Maethu o fewn 4 wythnos i'r gymeradwyaeth yn y panel mabwysiadu. Felly, dylid hysbysu'n gynnar er mwyn sicrhau bod modd amserlennu.
- Mae angen i aelodau'r panel a'r sawl sy'n gwneud y penderfyniad fod yn hollol gyfarwydd â SCC, y fframwaith cyfreithiol, rhannu gwybodaeth ar gamau cynnar gyda darpar ymgeisydd yn ogystal â'r elfennau ychwanegol sydd wedi eu cynnwys a'u hystyried wrth baratoi ac asesu darpar ofalwyr SCC.

Felly, dylid rhoi'r canlynol iddynt:

1. Cyflwyniad i SCC a [siart llif SCC 1](#) sy'n rhoi trosolwg o'r broses
 2. Fframwaith cyfreithiol SCC (gweler tudalen 6)
 3. [Pecyn gwybodaeth SCC ar gyfer darpar ymgeiswyr](#)
 4. Canllawiau i Weithwyr Cymdeithasol Mabwysiadu: Adroddiad Darpar Fabwysiadwr (gweler tudalen 28).
 5. [Gwybodaeth i ganolwyr SCC](#)
 6. Canllawiau i weithwyr cymdeithasol: Beth sydd angen ei gynnwys yn yr [Adroddiad Atodol](#) i'r Panel Maethu
 7. [Rhestr Wirio SCC](#) – cymharu rheoliadau Mabwysiadu a Maethu, a Chymwyseddau Maethu
- Datblygwyd e-fodiwl wedi'i recordio yn arbennig ar gyfer aelodau'r Panel a'r sawl sy'n gwneud penderfyniadau/y sawl sy'n gwneud penderfyniadau yn yr asiantaeth, a dylai fod ganddynt fynediad ato.
 - Y GCMabwysiadu mewn ymgynghoriad â'r GCMaethu i ddiweddar **Offeryn Monitro SCC ar gyfer Cymeradwyo a Chefnogi Gofalwyr SCC**
 - Os yn briodol, a phan yn briodol, gweler y pro forma ar gyfer [ymddiswyddiad gofalwyr SCC](#).

Sefydlogrwydd Cynnar Cymru

Hyfforddiant Maethu



Gwasanaeth Mabwysiadu Cenedlaethol | National Adoption Service



Mae'r weminar hon, sy'n para diwrnod cyfan, ar gael i'w lawrlwytho oddi ar wefan y Gwasanaeth Mabwysiadu Cenedlaethol o fis Medi 2022.

adoptcymru.com/sefydlogrwydd-cynnar-cymru



CANLLAWIAU I WEITHWYR CYMDEITHASOL: LLENWI ADRODDIAD ATODOL CYMRU GYFAN SCC AR GYFER Y PANEL MAETHU

Mae SCC yn gofyn am gymeradwyaeth ddeuol fel ‘addas i fabwysiadu plentyn’ – rheoliad 30A(1) (argymhelliad y panel) a 30B (y sawl sy’n gwneud penderfyniadau yn yr asiantaeth) **Rheoliadau Asiantaethau Mabwysiadu (Cymru) 2005** ac ‘addas i faethu plentyn’ – rheoliad 5 (argymhelliad y panel) a rheoliad 8 (Penderfyniad y sawl sy’n gwneud penderfyniadau) **Rheoliadau Paneli Maethu (Sefydlu a Swyddogaethau) (Cymru) 2018**.

Mae yna bwyslais cryf yn fframwaith SCC ar gyfathrebu cynnar ac effeithiol rhwng timau mabwysiadu a maethu, ac mae hyn yn hanfodol wrth lenwi'r adroddiad atodol. Bydd yn ddefnyddiol i weithwyr cymdeithasol maethu gael mynediad at Ganllawiau SCC ar gyfer Gweithwyr cymdeithasol mabwysiadu wrth lenwi'r PAR (gweler tudalen 28).

Dylai fod o leiaf un ymweliad ar y cyd yn ystod yr asesiad (Cam 2 yn yr asesiad mabwysiadu). Bydd y gweithiwr cymdeithasol mabwysiadu yn cymryd y prif gyfrifoldeb dros lenwi'r adroddiad atodol mewn ymgynghoriad â'r gweithiwr cymdeithasol maethu. Bydd y ddau weithiwr cymdeithasol yn mynd i'r panel maethu gyda'r ymgeiswyr.

Y cyngor yw cyflwyno'r adroddiad atodol gerbron y panel maethu o fewn 4 wythnos i'r gymeradwyaeth i fabwysiadu ac felly mae'n hanfodol rhoi gwybod yn gynnar. Bwriedir iddo blethu i mewn i'r PAR a bydd yn cwmpasu gwybodaeth ychwanegol/wahanol sy'n benodol i'r rôl faethu er mwyn sicrhau bod cymwyseddau maethu'n cael sylw a rheoliadau maethu'n cael eu bodloni; y bwriad yw lleihau unrhyw ddyblygu ar draws yr adroddiadau.

Dylai diben yr adroddiad atodol a'r argymhelliad i'r panel fod yn glir, a nodir hyn ar dudalen 1 ar bro forma Cymru Gyfan. Dylai'r argymhelliad ynghylch addasrwydd i faethu fod yn benodol o ran addasrwydd yr ymgeiswyr fel gofalwyr SCC (h.y. bod argymhelliad i gymeradwyo'r ymgeisydd fel gofalwr maeth ar gyfer lleoliadau byrdymor a lleoliadau SCC yn benodol i adlewyrchu'r posibilrwydd y gallai unrhyw leoliad ddod yn leoliad mabwysiadu).

Mae'r Cymwyseddau Maethu wedi eu cynnwys yn yr adroddiad atodol er gwybodaeth y panel. Dylai'r gweithiwr cymdeithasol mabwysiadu lenwi rhestr wirio Cydymffurfiaeth Atodiad 1 (mewn ymgynghoriad â'r gweithiwr cymdeithasol maethu).

Cwestiynau a dadansoddiad a awgrymir

- Pa dystiolaeth sydd yna fod yr ymgeiswyr yn deall eu rolau a'u cyfrifoldebau mewn perthynas â'r dasg faethu, yn llwyr? Os oes unrhyw blant yn eu teulu, a ydynt wedi ystyried yr effaith arnyh nhw?
- Pa dystiolaeth sydd yna y byddant yn gallu gweithio'n effeithiol gyda Gwasanaethau Plant a chadw'r plentyn wrth ganol eu meddyliau? A ydynt yn barod i gymryd plentyn ar fyr rybudd ac yn gallu gwneud hynny? A drafodwyd hyn gyda'u cyflogwyr? A yw eu cynlluniau'n realistig?
- Sut fyddan nhw'n hyrwyddo ymdeimlad o hunaniaeth y plentyn ac yn cynorthwyo gyda'u gwaith taith bywyd (gallai fod yn arbennig o heriol os yw'r rhieni biolegol yn anodd iddynt weithio gyda nhw, ond mae angen iddynt gyflwyno barn realistig/ gynorthwyo'r cyswllt)?
- A yw'r ymgeiswyr yn gallu ymdopi â holl agweddau ymarferol y rôl faethu heb iddi fynd yn ormod iddynt? A oes ganddynt ddealltwriaeth realistig y gallai hyn gynnwys cyfarfodydd, ymweliadau neu apwyntiadau rheolaidd, yn ogystal â hyfforddiant, goruchwyliaeth a grwpiau cymorth rheolaidd? A ydynt yn deall y bydd gofyn iddynt gadw cofnodion ysgrifenedig dyddiol fel rhan o'u rôl faethu?
- Pa dystiolaeth sydd yna fod yr ymgeiswyr yn deall eu rôl o ran awdurdod dirprwyedig ac a ydynt yn gallu derbyn y diffyg rheolaeth a dylanwad, a'r ansicrwydd sy'n rhan annatod o'r rôl?
- A ydy ymgeiswyr yn deall egwyddorion Gofalu Mwy Diogel a pham y mae'r arfer hwn yn hanfodol yn eu rôl fel gofalwr SCC? A ydynt yn gallu dangos tystiolaeth o'r modd y byddant yn rhoi hyn ar waith?
- Beth yw eich barn broffesiynol am unrhyw gryfderau a ffactorau sy'n cyfyngu, mewn perthynas â'r uchod?
- Pa dystiolaeth sydd yna y byddant yn gallu cefnogi trefniadau Cyswllt (yn ddibynnol ar ddadansoddiad risg) gan gynnwys cyfarfod â rhieni / neu'r teulu ehangach a datblygu perthynas gyda nhw, a bod yn rhan o'r broses drosglwyddo ar ddechrau a diwedd y Cyswllt?
- Os yw'r plentyn yn blentyn oed ysgol, a ydy'r ymgeiswyr wedi ystyried goblygiadau cadw'r plentyn yn eu hysgol bresennol?

Adroddiad Atodol ar gyfer y Panel Maethu Rhestr Wirio SCC Offeryn Monitro

Gallwch lawrlwytho fersiwn Word o'r ffurflenni hyn, oddi ar: adoptcymru.com/sefydlogrwydd-cynnar-cymru





- Pa dystiolaeth sydd yna fod yr ymgeiswyr yn mynd i allu ymdopi â'r posibilrwydd o golli plentyn petai'r cynllun gofal yn golygu ailuno? Pa dystiolaeth sydd yna y bydd yr ymgeiswyr yn gallu cefnogi'r broses ailuno gan gynnwys cynllun pontio o amgylch y plentyn? A ydynt wedi dangos gwydnwch emosiynol mewn agweddau eraill ar eu bywydau? A oes unrhyw sbardunau o'r gorffennol yn ymwneud â cholled, a allai fod yn rhybudd rhag mynd i lawr y llwybr hwn a lle gallai fod angen cymorth ychwanegol?
- Sut fyddant yn cefnogi unrhyw blant sydd ganddynt yn barod i ddeall beth sy'n digwydd, mewn ffordd sy'n addas i'w hoedran, a pha dystiolaeth sydd yna y byddant yn gallu arwain yn gryf ac yn gadarnhaol mewn ffordd y bydd y plant/plentyn yn gallu ei dilyn?
- Pa dystiolaeth sydd yna y bydd yr ymgeisydd yn gallu cael mynediad at gymorth anffurfiol a phroffesiynol? A yw eu rhwydwaith cymorth yn deall egwyddorion SCC, a statws y plentyn a leolir gyda nhw?
- Beth yw eich barn broffesiynol am unrhyw gryfderau a ffactorau sy'n cyfyngu, mewn perthynas â'r uchod?

Dadansoddiad cryno o'r holl ffactorau allweddol

Yn yr un modd â chanllawiau PAR SCC, dylai'r adran hon dynnu ynghyd y prif bwyntiau sydd wedi eu cynnwys yn yr adroddiad atodol sy'n arwain at yr argymhelliad ynghylch addasrwydd i faethu. Er bod yr ymgeiswyr yn rhieni mabwysiadol yn anad dim, mae angen tystiolaeth glir a dadansoddiad cadarn sy'n rhoi gwerthusiad realistig o'u cryfderau fel gofalwyr maeth, yn enwedig gofalwyr SCC, yn ogystal ag unrhyw anghenion hyfforddiant a chymorth a allai fod yn angenrheidiol.

Mae'n bwysig i weithwyr cymdeithasol gynnwys unrhyw gyfyngiadau yn ymwneud â'r cais yn ogystal â chryfderau, oherwydd bydd hyn yn goleuo'r cymorth a gynigir, i'r ymgeiswyr a'r gofalwyr SCC, ac wrth ddatblygu'r Cynllun Cymorth Mabwysiadu os mai mabwysiadu yw'r cynllun gofal.

Gwybodaeth i rieni, a gwaith gyda rhieni

8

RHANNU GWYBODAETH A GWEITHIO GDYDA RHENI

Mae SCC yn un o'r opsiynau y dylai gweithiwr cymdeithasol y plentyn a chyfreithwyr yr awdurdod lleol, eu hystyried, o gam cynnar, ochr y ochr â mesurau sefydlogrwydd eraill i asesu rhieni ac ymchwilio i aelodau ehangach y teulu.

Gellir ystyried SCC hefyd ar gamau diweddarach, er enghraifft, ar ddiwedd asesiad rhiant a phlentyn preswyl, neu pan fydd tarfu ar leoliad person cysylltiedig.

Gellir hefyd ystyried SCC mewn rhai achosion pan fydd plentyn yn cael ei ildio neu wedi cael ei ildio. Bydd yr amgylchiadau penodol hyn yn cael sylw ar wahân ac mae gwybodaeth benodol ar gael ar gyfer ymarferwyr a rhieni (gweler **Ystyriaethau penodol SCC ar gyfer plant a gaiff eu hildio** ar dudalen 11 a thaflen 3 isod).

Dylid eu darllen ar y cyd â'r [Canllawiau Arfer Da ar gyfer Asiantaethau Mabwysiadu a Cafcass Cymru: Children Relinquished for Adoption](#), a chadw atynt.

Gweler [siart llif 2 SCC](#) am yr opsiynau posibl o ran cynllunio gofal ac atgyfeirio o dan SCC.


Mae angen i'r canlynol ddigwydd ar bob cam

Mae'n hanfodol fod rhieni'n cael digon o wybodaeth am SCC os yw hyn yn ystyriaeth, yn ogystal â'r cymorth iawn ar yr amser iawn i sicrhau eu bod yn deall beth sy'n digwydd.

Byddai'n ddefnyddiol cadw cofnod o unrhyw gamau a gymerir ar bob cam, o ran rhannu gwybodaeth a gweithio gyda rhieni'r plentyn. Felly, datblygwyd dogfen at y diben hwn, er mwyn i weithiwr cymdeithasol y plentyn ei llenwi. [SCC Rhestr wirio gwybodaeth a chymorth i ymarferydd gofal plant rhieni](#).

Mewn ymgynghoriad â rhieni a chyfreithwyr sy'n cynrychioli'r rhieni, amlygwyd bod yn well ganddynt rannu gwybodaeth ar gam cynnar, lle'n briodol, ac y dylai hyn fod ar wahanol fformatau yn ddefnyddiol, er mwyn ystyried dulliau dysgu gwahanol. Felly, datblygwyd gwybodaeth ysgrifenedig ar ffurf taflen yn ogystal ag **e-fodiwl byr wedi'i recordio i rieni**, y gellir ei rannu'n ddigidol.

Cynhyrchwyd cyfres o daflenni hefyd, i'w rhoi i rieni, gan ddibynnu ar yr amgylchiadau a'r amseru.



Dylid rhoi [Taflen 1](#) ar gamau cynnar iawn. Mae'n cynnwys gwybodaeth gyffredinol iawn am SCC.

Dylid rhoi [Taflen 2](#) i rieni yn y camau cyn achos Amlinellad Cyfraith Gyhoeddus er mwyn rhoi gwybodaeth fanylach am SCC a Chwestiynau Cyffredin.

Mae [Taflen 3](#) i rieni sy'n ystyried ildio'u plentyn dan adrannau 19 / 20 Deddf Mabwysiadu a Phlant 2002.



Gallwch lawrlwytho'r taflenni hyn oddi ar adoptcymru.com/sefydlogrwydd-cynnar-cymru

Y CAM CYNLLUNIO LLWYBR DEUOL

Mae angen i'r canlynol ddigwydd

- Gellir rhoi gwybodaeth gychwynnol mewn trafodaethau cynnar rhwng GCP a rhieni yn y cam cynllunio llwybr deuol, o bosibl fel rhan o gynhadledd neu gyfarfod Grŵp Teulu, lle mae yna bosiblrwydd go iawn y bydd yr asesiad yn arwain at achos gofal a lle gallai mabwysiadu fod yn opsiwn fel rhan o'r broses o gynllunio gofal. Ar adegau, felly, gellid rhannu'r wybodaeth hon cyn i'r cyfarfod cynllunio / llwybr cyfreithiol gymryd lle, lle bo hynny'n briodol.

Rhaid pwysleisio mai dyma'r unig enghraifft o rannu gwybodaeth gyda rhieni am SCC ar y cam hwn. Wrth rannu gwybodaeth ar y cam cynnar hwn, dylid ystyried yn ofalus, ac ystyried fesul achos bob tro, er mwyn sicrhau'r cydbwysedd cywir rhwng yr hyn y mae angen i bobl ei wybod a phryd, beth maent yn gallu ei brosesu a'i ddeall, a pha gymorth y gallai fod ei angen i alluogi hyn ac i reoli eu disgwyliadau.

Wrth rannu gwybodaeth am SCC ar y cam cynnar hwn, dylai fod yn rhan o ystod o wybodaeth sy'n cael ei rhoi i rieni. Dylent gael cefnogaeth i ddeall y gallai SCC fod yn un o'r opsiynau sy'n cael eu hystyried ar gyfer eu plentyn, ac os mai dyma fydd yr opsiwn mwyaf tebygol, yna darperir rhagor o wybodaeth.

- Mae **Taflen 1 "Gwybodaeth i rieni"** yn rhoi trosolwg cyffredinol o SCC a sut y gall rhieni gael rhagor o wybodaeth. Mae'n bwysig fod GCP yn sicrhau bod rhieni'n deall y wybodaeth yn y daflen, ac yn ystyried cymorth ychwanegol y gallai fod arnynt ei angen.
- Datblygwyd taflen ar wahân ar gyfer rhieni sy'n ystyried ildio'u plentyn i'w fabwysiadu (gweler tudalen 8).
- Mae ymchwil yn dangos buddion mynediad at gymorth annibynnol sydd wedi'i oleuo o ran trawma, a gan ymarferwyr sydd ddim yn gysylltiedig â'r broses o wneud y penderfyniad ar gyfer y plentyn. Felly, dylid ystyried atgyfeiriad cynnar at brosiectau fel Reflect bob tro, a thrafod yr opsiwn hwn gyda'r teulu.
- Gan ddibynnu ar amgylchiadau unigol rhieni, dylai GCP ystyried a fyddai'n fuddiol rhannu'r **e-fodiwl i rieni** gyda nhw'n ddigidol.
- GCP i lenwi [Rhestr wirio Gwybodaeth a chymorth SCC i ymarferydd gofal plant y rhieni](#) fel sy'n briodol.

CYFARFOD CYNLLUNIO LLWYBR / PROSES CYN-ACHOS YR AMLINELLIAD CYFRAITH GYHOEDDUS

Mae angen i'r canlynol ddigwydd

- Mae **Taflen 2 "Gwybodaeth i rieni"** yn rhoi gwybodaeth fanylach am SCC i rieni, a rhai Cwestiynau Cyffredin. Dylid rhoi'r daflen hon i rieni yn ystod y cyfarfod cynllunio llwybr / proses cyn-achos yr Amlinelliad Cyfraith Gyhoeddus lle mae SCC yn cael ei ystyried a lle penderfynir a ydyw'n gam priodol ai peidio.
- Dylid rhannu gwybodaeth am SCC gyda chynrychiolwyr cyfreithiol rhieni hefyd ar y cam hwn. Dylent gael copi o [SCC Gwybodaeth i gynrychiolydd cyfreithiol rhieni](#) yn ogystal â chopi o **Daflenni 1 a 2 Gwybodaeth i rieni**.

- GCP i ddiweddarau Rhestr wirio SCC Gwybodaeth a chymorth i ymarferydd gofal plant y rhieni.
- GCP i sicrhau bod gwarcheidwad y plentyn yn gwybod am SCC ac yn gwybod ei fod yn cael ei ystyried ar gyfer y plentyn penodol hwn.
- GCP i roi gwybodaeth am Reflect, ac atgyfeirio at Reflect, fel sy'n briodol.
- Ar bob cam, bydd rhieni'n cael eu cynghori i drafod gwybodaeth gyda'u cyfreithiwr.

ACHOS GOFAL

Mae angen i'r canlynol ddigwydd

- Cynllunio cyswllt ac asesu risg fel rhan o **Fframwaith Paru SCC**
- GCP i ddiweddarau **Rhestr wirio SCC Gwybodaeth a chymorth i ymarferydd gofal ieuchyd y rhieni**.

AILUNO NEU LEOLI GYDA'R TEULU EHangach

Mae angen i'r canlynol ddigwydd

Wedi unrhyw benderfyniad i ailuno gyda rhieni neu gydag aelodau o'r teulu ehangach, bydd gofalwyr SCC yn gweithio gyda GCP, GCMabwysiadu a'r GCMaethu a'r rhieni er mwyn sicrhau bod symudiad y plentyn yn llyfn ac yn llwyddiannus.

- GCP i ddiweddaru [Rhestr wirio SCC Gwybodaeth a chymorth i ymarferwyr gofal plant y rhieni](#).

ACHOS GORCHYMYN LLEOLI

Mae angen i'r canlynol ddigwydd

- Diweddaru cynlluniau cyswllt
- Gweler y [Canllawiau Arferion Da](#) ar wefan y Gwasanaeth Mabwysiadu Cenedlaethol am ragor o wybodaeth
- GCP i ddiweddaru Rhestr wirio SCC Gwybodaeth a chymorth i ymarferwyr gofal plant y rhieni.


PARU I FABWYSIADU

Mae angen i'r canlynol ddigwydd

- Diweddaru cynlluniau cyswllt
- Bydd angen hysbysu rhieni'n ffurfiol fod cadarnhad paru yn unol â Rheoliadau Asiantaethau Mabwysiadu (Cymru) 2005. Gallent geisio am ganiatâd i geisio dirymu'r Gorchymyn Lleoli o hyd.
- Gweler y [Canllawiau Arferion Da](#) am ragor o wybodaeth, yn enwedig Gweithio gyda Rhieni Biolegol a Pontio a Chymorth Cynnar.
- Cynllunio a darparu'r Cyswllt Ffarwelio
- Dylech ystyried cyfarfod rhwng y â rhieni a'r darpar fabwysiadwyr, hyd yn oed os ydynt wedi cwrrd yn ystod yr achos, oherwydd byddwch nawr yn cwrrd ar sail wahanol.
- GCP i ddiweddaru Rhestr wirio SCC Gwybodaeth a chymorth i ymarferwyr gofal plant y rhieni.



Mae'r e-fodiwl wedi'i recordio ar gael i'w lawrlwytho oddi ar wefan y Gwasanaeth Mabwysiadu Cenedlaethol o fis Ionawr 2023 adoptcymru.com/sefydlogrwydd-cynnar-cymru



Rhestr Wirio Gwybodaeth a chymorth i Ymarferydd Gofal Plant y rhieni

Gallwch lawrlwytho fersiwn Word o'r ffurflen hon, oddi ar: adoptcymru.com/sefydlogrwydd-cynnar-cymru



GWYBODAETH I GYNRYCHIOLWYR CYFREITHIOL RHENI

Mae'r wybodaeth a amlinellir ar y tudalennau canlynol (tud 40-41) ar gael fel taflen wybodaeth ar wahân y gellir ei lawrlwytho o www.adoptcymru.com/sefydlogrwydd-cynnar-cymru

Gosod y sylfeini ar gyfer ystyriaeth gynnar

Yn aml, mae'n rhaid i fabanod a phlant yn y system ofal symud sawl gwaith tra bod y llysoedd yn penderfynu pwy fydd yn gofalu amdanynt yn y tymor hir, ac yn aml mae hyn yn digwydd ar adeg pan fo diwrnodau ac wythnosau wir yn bwysig. Yn ôl yr ymchwil, mae'r tarfu hwn yn cael effeithiau pellgyrhaeddol ar iechyd meddwl a datblygiad y plentyn.

Mae SCC yn fframwaith lle mae plentyn yn cael ei leoli gyda theulu sydd wedi cael cymeradwyaeth lawn fel gofaluwr maeth a rhieni mabwysiadol. Rydych yn cael y wybodaeth hon oherwydd mae un o'ch cleientiaid wedi cael gwybod bod SCC yn cael ei ystyried fel opsiwn ar gyfer eu plentyn.

Cyn yr achos

- Os oes posibilrwydd y gallai fod angen ystyried lleoli plentyn, mae SCC yn un o'r opsiynau y dylai gweithiwr cymdeithasol y plentyn a chyfreithwyr yr awdurdod lleol ei ystyried yn y cyfnod cyn yr achos, ochr yn ochr â mesurau sefydlogrwydd eraill i asesu rhieni ac ymchwilio i aelodau o'r teulu ehangach.
- Gellir ystyried SCC ar gamau diweddarach hefyd, er enghraifft ar ddiwedd asesiad preswyl neu pan fydd tarfu ar leoliad y person cysylltiedig (Rheoliad 26 Lleoliad) yn ystod achos gofal.

Opsiynau posibl eraill lle gellid ystyried Sefydlogrwydd Cynnar Cymru:

- Gellid ystyried SCC hefyd mewn rhai achosion pan fydd plentyn yn cael ei ildio, neu wedi cael ei ildio. Bydd yr amgylchiadau penodol hyn yn cael sylw ar wahân ac mae gwybodaeth benodol ar gael. Dylid darllen y ddogfen hon ar y cyd â'r [Canllawiau Arfer Da ar gyfer Asiantaethau Mabwysiadu a Cafacass Cymru: Plant a gaiff eu hildio i'w mabwysiadu](#), a chadw ati.
- Wedi gwneud y Gorchymyn Gofal, pan fydd tarfu ar leoliad maeth gyda pherson cysylltiedig neu darfu ar Leoliad gyda Rhieni, ac mae'r cynllun wrth gefn yn gynllun mabwysiadu

Gweler [Siart Llif 2 SCC: Cynllunio gofal ac atgyfeirio gydag opsiynau posibl o'r enedigaeth, yn ystod achos ac ar ôl achos](#) (gweler tudalen 10).


I'r plentyn, mae SCC yn cael gwared ar y tarfu a'r trawma sy'n deillio o symudiadau niferus, trwy leoli'r plentyn gyda gofaluwr SCC sydd wedi cael cymeradwyaeth ddeuol fel gofaluwr maeth a mabwysiadwr. Mae hyn yn golygu y bydd symudiad llyfn o leoliad maethu i leoliad mabwysiadu os bydd y llys yn cytuno ar gynllun mabwysiadu ar gyfer y plentyn, a na fydd yn rhaid symud y plentyn oddi wrth y gofaluwr y mae wedi ffurfio cwlwm gyda nhw.

Gyda SCC, y gofaluwr sy'n wynebu'r holl risgiau a byddant yn llwyr ymwybodol o'r rhain; ymhob achos, y llys sy'n penderfynu a ddylai plentyn ddychwelyd at ei deulu neu gael ei fabwysiadu, ar sail y dystiolaeth a gyflwynir gan weithwyr proffesiynol a'r teulu.

Yn ogystal â chyfle i ffurfio cwlwm ynghynt gyda gofaluwr a allai fynd ymlaen i fod yn rhieni i'r plentyn, mae gan ofaluwr SCC y budd o ddod i adnabod rhieni'r plentyn ac i ddarganfod mwy am eu cefndir a'r rhesymau y daeth y plentyn i gael gofal. Rydym yn gwybod o ymchwil ac arfer sy'n seiliedig ar dystiolaeth fod hyn yn gymorth mawr i ddatblygu empathi a derbyniad, ac mae'n gosod sylfeini cadarnhaol ar gyfer cyfathrebu'n agored ac ar gyfer perthnasoedd parhaus.

Nid yw'r ffaith y gallai'r gofaluwr ddod yn rhieni mabwysiadol i'r plentyn, yn effeithio ar statws y lleoliad maethu na'r blaenoriaethau ar gyfer y lleoliad maethu; nid yw chwaith yn effeithio ar gwrs yr achos gofal a phenderfyniad y llys am gynllun gofal y plentyn ar ddiwedd yr achos gofal. Dylid tawelu meddwl rhieni fod eu plentyn yn cael gofal da, bod cyswllt yn cael ei drefnu'n dda ac y bydd yr ailuno neu'r lleoli gyda'r teulu ehangach yn cael eu hwyluso mewn ffordd broffesiynol, sy'n canolbwyntio ar y plentyn, os mai dyna fydd penderfyniad y llys.

Er nad oes gan rieni hawl i wrthwynebu lleoliad SCC, gan ei fod yn lleoliad maeth sydd wedi'i reoli'n iawn, gwneir pob ymdrech i oleuo rhieni, eu cynghorwyr cyfreithiol, Cafacass Cymru a'r llys, os oes angen, ynghylch buddion y lleoliad i'r plentyn, a hefyd i'r rhieni.



RHANNU GWYBODAETH A CHEFNOGAETH I RIENI

Cyn yr achos

- Wedi ymgynghori â rhieni a chynrychiolwyr cyfreithiol rhieni, cytunwyd, petai SCC yn cael ei ystyried, y dylai gweithiwr cymdeithasol y plentyn roi gwybodaeth i rieni, a hynny cyn gynted â phosibl, ac, yn ddelfrydol, mewn fformatau gwahanol er mwyn darparu ar gyfer dulliau dysgu gwahanol. Felly, datblygwyd gwybodaeth ysgrifenedig ar ffurf taflenni, yn ogystal ag e-fodiwl byr, wedi'i recordio, ar gyfer rhieni.

Yn yr holl wybodaeth i rieni, mae yna gyngor i drafod y wybodaeth gyda'u cyfreithiwr. Roedd rhieni yr ymgynghorwyd â nhw yn gofyn bod copi o'r wybodaeth a roddir iddynt yn cael ei rhoi i'w cyfreithiwr hefyd, er mwyn sicrhau tryloywder a chyfle i drafod.

Darperir 3 thaflen i rieni ar gamau cynnar a chyn achos, ac yn y ddwy gyntaf mae yna friff a gwybodaeth gyffredinol am SCC. Mae copi o'r daflen hon wedi ei chynnwys gyda'r wybodaeth hon.

Bydd yr ail daflen (ac e-fodiwl wedi'i recordio) yn cael eu rhannu gyda rhieni cyn yr achos a dylid eu cefnogi i ddeall bod hwn yn un o'r opsiynau sy'n cael ei ystyried, a beth mae'n ei olygu iddyn nhw a'u plentyn. Mae copi o'r daflen hon wedi ei chynnwys gyda'r wybodaeth hon.

Cynlluniwyd y drydedd daflen yn arbennig ar gyfer rhieni sy'n ystyried ildio'u plentyn i'w fabwysiadu. Os yw'n briodol, gellir cynnig hwn ar gais.

- Bydd angen i weithiwr cymdeithasol y plentyn sicrhau bod Gwarcheidwad y plentyn yn gwybod am SCC ac yn gwybod bod hwn yn cael ei ystyried fel opsiwn ar gyfer y plentyn penodol hwn.
- Mae ymchwil yn tanlinellu buddion mynediad at gymorth annibynnol sydd wedi'i oleuo o ran trawma, gan ymarferwyr sydd ddim yn rhan o'r broses o wneud penderfyniadau ar gyfer y plentyn. Felly, dylai gweithwyr cymdeithasol y plentyn ystyried atgyfeiriad cynnar at brosiectau fel Reflect bob tro, a'i drafod gyda'r teulu.
- Bydd gweithiwr cymdeithasol y plentyn yn llenwi dogfen baru gynhwysfawr ar gyfer SCC cyn lleoli'r plentyn gyda gofalwr SCC ar sail maethu. Bydd hon yn cynnwys asesiadau risg ar gyfer y lleoliad ac ar gyfer cyswllt.

Achos gofal

Bydd gweithiwr cymdeithasol y plentyn yn llunio cynllun cyswllt yn ystod unrhyw achos a bydd yn ei rannu gyda rhieni'r plentyn.

Bydd hyn yn cynnwys ystyried cyswllt gydag aelodau ychwanegol o'r teulu.

Adeg ailuno

Pan fydd unrhyw benderfyniad yn cael ei wneud i ailuno gyda rhieni neu gydag aelodau o'r teulu ehangach, bydd gofalwyr SCC yn gweithio gyda gweithiwr cymdeithasol y plentyn, y gweithiwr cymdeithasol mabwysiadu a'r rhieni er mwyn sicrhau bod symudiad y plentyn yn llyfn ac yn llwyddiannus.

Gorchymyn Lleoli

Os yw'r llys yn penderfynu mai mabwysiadu yw'r cynllun gorau ar gyfer y plentyn, yna byddai'r gofalwyr sydd wedi bod yn gofalu am y plentyn yn mynd ymlaen i fod yn fabwysiadwyr. Byddai hyn yn golygu bod y plentyn yn symud yn llyfn; byddai ganddynt y sicrwydd o gael eu mabwysiadu heb gael eu hypsetio trwy orfod symud at deulu a chartref newydd.

Mewn achos lle lleolir plentyn gyda gofalwr maeth sy'n aelod o'r teulu ar Orchymyn Gofal neu gyda rhieni (neu'r rheiny sydd â Chyfrifoldeb Rhiant) ar Orchymyn Gofal: os mai cynllun mabwysiadu yw'r cynllun wrth gefn, bydd SCC yn cael ei ystyried.



Pan fydd plentyn yn dychwelyd at ei rieni neu'r teulu ehangach

Os yw'r llys yn penderfynu mai ailuno gyda'r rhieni neu aelodau o'r teulu ehangach yw'r cynllun gofal ar gyfer y plentyn, mae angen sicrhau bod cyfathrebu da a chydweithio effeithiol rhwng yr ymarferwyr sy'n gysylltiedig, fel bod y cynllun pontio yn addas ar gyfer y plentyn, wedi'i gynllunio'n ofalus ac yn gallu cael ei gefnogi'n effeithiol a gydag empathi.

Bydd gofalwyr SCC wedi bod yn ymwybodol o'u rôl fel gofalwr maeth a'r posibilrwydd o ailuno, o'r cychwyn cyntaf, ond mae eu rôl yn un cymhleth, yn enwedig ar y cam hwn, a dylid cydnabod hynny.

Cynllunio Pontio a Chymorth

- Dylai Gweithiwr Cymdeithasol y Plentyn (GCP) mewn ymgynghoriad â'r Gweithiwr Cymdeithasol Mabwysiadu (GCMabwysiadu) a'r Gweithiwr Cymdeithasol Maethu (GCMaethu) sicrhau bod y cynllun pontio a'r broses bontio yn parhau i ganolbwyntio ar y plentyn. Mae hyn yn golygu bod y plentyn yn annhebygol o adael y gofalwyr SCC ar unwaith, unwaith y bydd y rhiant neu'r aelod o'r teulu wedi cael ei asesu, a gallai gymryd sawl wythnos i'w symud yn gyfan gwbl, yn amodol ar unrhyw gyfarwyddiadau gan y llys (yn achos plentyn a gaiff ei ildio, mae'r symudiad hwn yn debygol o ddigwydd yn gyflymach a gallai fod o fewn 7 niwrnod).
- Byddai'r plentyn yn aros yng ngofal gofalwyr SCC yn ystod y cyfnod pontio, a'r gofalwyr SCC yn parhau gyda'u cyfrifoldebau fel gofalwyr maeth.

Cefnogaeth i ofalwyr SCC

- Yn bennaf, bydd y GCMabwysiadu yn rhoi cymorth i'r gofalwyr SCC yn ystod y cyfnod hwn, mewn ymgynghoriad â'r GCMaethu a GCP, ac yn sicrhau eu bod yn gallu cefnogi'r cynllun pontio.
- Mae angen i lawer o ofalwyr SCC gael seibiant wedi i blentyn ddychwelyd at y teulu er mwyn prosesu'r hyn sydd wedi digwydd a galaru dros eu colled. Bydd y GCMabwysiadu yn eu cefnogi fel sy'n briodol ac yn cynllunio'u ffordd ymlaen gyda nhw. Os yw'n briodol, ac os yw'r amser yn iawn iddyn nhw, yna gwneir

adolygiad ffurfiol. [Adolygiad Gofalwyr templed 1](#)

- Os mai dyna yw eu dymuniad, bydd y gofalwyr SCC yn ymddiswyddo fel gofalwyr maeth i'r darparwr gwasanaethau maethu enwebedig trwy'r GCMaethu, onid ydynt eisiau cael eu hystyried ar gyfer lleoliad SCC arall. [Llythyr o Ymddiswyddiad](#)
- Nid oes angen i'r ymgeiswyr ddychwelyd at y Panel Mabwysiadu neu'r Panel Maethu onid yw un o'r canlynol yn wir:
 - Dydyn nhw ddim eisiau bod yn fabwysiadwyr mwyach, neu
 - Amlygwyd pryderon neu newidiadau arwyddocaol sy'n cwestiynu eu haddasrwydd i fod yn rhiant mabwysiadol neu'n ofalwr maeth. Os mai dyma yw'r achos, yna byddai angen i'r ddau banel derfynu eu cymeradwyaeth; byddai hwn yn derfyniad sy'n cymhwyso
- Y GCMabwysiadu i ddiweddaru Offeryn Monitro SCC ar gyfer Cymeradwyo a Chefnogi Gofalwyr SCC mewn ymgynghoriad / cytundeb â GCP a'r GCMaethu wrth i'r gwaith fynd yn ei flaen ymhob achos.

Cymorth i rieni / y teulu ehangach

- Bydd GCP yn rhoi cymorth i'r rhieni a/neu'r teulu ehangach i ddatblygu cynllun cymorth effeithiol ar eu cyfer nhw ac ar gyfer y plentyn pan fydd y plentyn yn dychwelyd adref. Bydd hyn yn unol â Chynllunio Gofal a Chymorth dan Ddeddf Gwasanaethau Cymdeithasol a Llesiant (Cymru).

Adolygiad Gofalwyr (templed 1)

Llythyr ymddiswyddo o faethu

Gallwch lawrlwytho fersiwn Word o'r ffurflenni hyn, oddi ar: adoptcymru.com/sefydlogrwydd-cynnar-cymru

Ar ôl penderfyniad Gorchymyn Lleoli

MAE ANGEN I'R CANLYNOL DDIGWYDD

- Wedi gwneud Gorchymyn Lleoli, dylid cwblhau [Adolygiad Gofalwyr templed 2](#). Bydd hyn yn cynnwys cydnabod y bydd y plentyn neu'r plant wedi cael eu lleoli gyda nhw o dan reoliadau maethu h.y. fel lleoliad SCC a bydd yn cynnwys cadarnhad eu bod yn dymuno symud ymlaen i baru ar gyfer mabwysiadu. Mae hyn yn cydnabod y newid ffurfiol yn statws y lleoliad o leoliad maethu i leoliad mabwysiadol.

Os yw'r darpar fabwysiadwyr yn dymuno parhau ar y cam hwn, bydd y ddogfen Adolygu yn dod gyda dogfennau eraill paru ar gyfer mabwysiadu, gan gynnwys y Cynllun Cymorth Mabwysiadu, Cynllun Lleoli ar gyfer Mabwysiadu ayb

- Dylai'r GCMabwysiadu ddiweddar Llinell Amser Anogaeth Trawma'r plentyn a chynnig cyfle i drafod hyn ymhellach gyda darpar fabwysiadwydd/fabwysiadwyr. Dylai hyn gynnwys y posibilrwydd o gynnull cyfarfod / Diwrnod Deall y Plentyn os na chafwyd un o'r blaen. Gweler adnoddau [Llinell Amser Anogaeth Trawma / Deall y plentyn](#) ar wefan y Gwasanaeth Mabwysiadu Cenedlaethol.
- Dylid adolygu fframwaith Paru SCC a'i ddiweddarau a'i ystyried yn y cyfarfod Paru ar gyfer Mabwysiadu ochr yn ochr â dogfennau Paru ar gyfer Mabwysiadu eraill. Dylid cynnwys y dogfennau hyn yng ngwaith papur y Panel Paru.
- Darpar fabwysiadwyr yn mynd i'r Panel Paru / y sawl sy'n gwneud penderfyniad yn yr asiantaeth yn dod i benderfyniad.
- Unwaith y bydd penderfyniad paru wedi ei wneud, mae'r lleoliad maethu yn newid i fod yn lleoliad mabwysiadu, mae'r gofalwr SCC yn peidio â bod yn ofalwr maeth i'r plentyn ac yn dod yn ddarpar riant mabwysiadol. Yna mae'r darpar fabwysiadwr yn ymddiswyddo trwy lythyr (gweler tudalen 42) i'r darparwr wasanaethau maethu perthnasol.
- Nid yw'r newid statws hwn yn atal unrhyw gamau gweithredu angenrheidiol rhag digwydd, fel sy'n briodol, gan gynnwys cyswllt Ffarwelio, unrhyw newidiadau i drefniadau cymorth a chyswllt, a gwaith uniongyrchol gyda'r plentyn.

- Mae buddion lleoli cynnar, ar gyfer y plentyn a'r mabwysiadwyr, yn glir, ond mae ymchwil wedi dangos bod trawma datblygiadol cynnar yn cael effaith bellgyrhaeddol ar blant sy'n cael eu lleoli'n gynnar fel gydag unrhyw blentyn arall a leolir mewn lleoliad mabwysiadol. Roedd ar draean o'r plant yn astudiaeth hydredol Coram, angen cymorth sylweddol o hyd wrth iddynt dyfu i fyny; mae angen i'r Cynllun Cymorth Mabwysiadu adlewyrchu hyn ac mae angen darparu digon o adnoddau er mwyn i wasanaethau ddarparu'r cymorth hirdymor hwn fel gydag unrhyw leoliad mabwysiadu arall. (Ponomarenko et al. 2018)

Cais i fabwysiadu

- Er mwyn ymgeisio am orchymyn mabwysiadu, rhaid bod y plentyn wedi byw gyda'r ymgeisydd/ymgeiswyr am o leiaf 10 wythnos cyn y cais (a.42(2) Deddf Mabwysiadu a Phlant 2002).

Ar gyfer gofalwyr SCC, pennir yr amserlen hon o ddyddiad cychwyn y lleoliad SCC ac felly mae ymgeisydd/ymgeiswyr yn gallu ymgeisio am orchymyn mabwysiadu unwaith y daw'r lleoliad yn lleoliad mabwysiadol ffurfiol, ar yr amod fod yr amserlen o 10 wythnos wedi cael ei bodloni.

Mewn rhai achosion, efallai y bydd yr ymgeisydd/ymgeiswyr yn dewis cyflwyno'u cais cyn yr adolygiad mabwysiadu cyntaf (heb fod yn fwy na phedair wythnos ar ôl dyddiad y lleoliad mabwysiadu, heb fod yn fwy na thri mis, ac wedi hynny dim mwy na chwe mis (rheoliad 37(4) Rheoliadau Asiantaethau Mabwysiadu (Cymru)2005), ond byddai trafodaeth am hyn, a chytundeb, ar y pwynt hwn fel arfer.

Unwaith eto, ni fyddai hyn yn atal unrhyw gamau angenrheidiol rhag cael eu cymryd fel sy'n briodol.

- Nid oes angen i'r ymgeiswyr ddychwelyd at y Panel Mabwysiadu neu'r Panel Maethu onid yw un o'r canlynol yn wir:
 - Dydyn nhw ddim eisiau bod yn fabwysiadwyr mwyach, neu
 - Amlygwyd pryderon neu newidiadau arwyddocaol sy'n cwestiynu eu haddasrwydd i fod yn riant mabwysiadol neu'n ofalwr maeth. Os mai dyma yw'r achos, yna byddai angen i'r ddau banel derfynu eu cymeradwyaeth; byddai hwn yn derfyniad sy'n cymhwysio
- Y GCMabwysiadu i ddiweddarau **Offeryn Monitro SCC ar gyfer Cymeradwyo a Chefnogi Gofalwyr SCC** mewn ymgynghoriad / cytundeb â GCP a'r GCMaethu.

Ymweliadau ac adolygiadau gan weithiwr cymdeithasol y plentyn

Mae yna ofnion cyfreithiol penodol ar gyfer y drefn ymweld ac adolygu wrth i leoliad dan SCC ddog yn lleoliad mabwysiadu, gan ddiwyddu ar gam y lleoliad a'i statws. Manylir yn llawn ar y rhain yn adran **Lleoli o dan SCC: Mae angen i'r canlynol ddigwydd** (gweler tudalen 19).

Mae'r canlynol yn berthnasol i'r cam hwn ac i statws y lleoliad:

1. **O'r adeg y gwneir y gorchymyn lleoli** neu'r awdurdod i leoli gyda phlentyn a gaiff ei ildio, (mae hwn yn lleoliad maethu SCC o hyd gan nad yw'r plentyn eto wedi cael ei 'leoli' i'w fabwysiadu) mae Rheoliadau Asiantaethau Mabwysiadu (Cymru) 2005 nawr yn berthnasol i adolygiadau ond mae Rheoliadau Cynllunio Gofal, Lleoli ac Adolygu Achosion (Cymru) 2015 yn dal i fod yn berthnasol ar gyfer ymweliadau:
 - **Adolygiadau:** dim mwy na thri mis ar ôl dyddiad yr awdurdod i leoli, dim mwy na thri mis ac wedi hynny ar gyfnodau o ddim mwy na chwe mis ar wahân (rheoliad 37(3) RhAM(C))
 - **Ymweliadau:** Mae'r rhain yn parhau o dan Reoliadau Cynllunio Gofal, Lleoli ac Adolygu Achosion (Cymru) fel uchod – heb fod yn fwy na phob chwe wythnos (rheoliad 31)

Dylai anghenion y plentyn a gofalwyr SCC arwain amllder yr ymweliadau ar gyfer y GCMabwysiadu a GCP.

2. **O wneud y lleoliad mabwysiadu** (h.y. o ddyddiad penderfyniad paru'r sawl sy'n gwneud penderfyniadau yn yr asiantaeth), ni fydd Rheoliadau Cynllunio Gofal, Lleoli ac Adolygu Achosion (Cymru) yn berthnasol mwyach ac mae Rheoliadau Asiantaethau Mabwysiadu (Cymru) yn berthnasol i adolygiadau ac ymweliadau:
 - **Adolygiadau:** heb fod yn fwy na phedair wythnos ar ôl dyddiad y lleoliad mabwysiadu, dim mwy na thri mis, ac wedi hynny dim mwy na chwe mis (rheoliad 37(4))
 - **Ymweliadau:** o fewn wythnos i'r lleoliad mabwysiadu, bob wythnos o leiaf hyd nes yr adolygiad cyntaf ac wedi hynny fel y mae'r asiantaeth yn penderfynu ymhob adolygiad (rheoliad 37(6))

Os nad yw'r gofalwyr SCC yn dymuno parhau gyda'r paru ar gyfer mabwysiadu

Os nad yw'r gofalwyr SCC yn dymuno parhau gyda'r broses baru ar gyfer mabwysiadu, ni fydd yn cael ei weld fel tarfu ar fabwysiadu. Serch hynny, bydd angen myfyrto a dadansoddi'n gadarn er mwyn sicrhau bod gwersi'n cael eu dysgu a'u cynnwys mewn unrhyw arfer yn y dyfodol.

Cyfarfodydd Dysgu o Arfer SCC

O ran arfer da yn yr amgylchiadau hyn, dylai pob ymarferydd sy'n gysylltiedig fynd i gyfarfod i ystyried yr hyn a ddysgwyd ymhob achos. Bydd y cyfarfod hwn yn cael ei gynnull gan y Gweithiwr Cymdeithasol Mabwysiadu ac yn cael ei gadeirio gan uwch-aelod o staff; dylid ei gynnal o fewn cyfnod rhesymol i'r penderfyniad i beidio â symud ymlaen at baru ar gyfer mabwysiadu.

Os yn berthnasol, dylid gwahodd y gofalwyr SCC i ddod i ran o'r cyfarfod hwn i rannu eu persbectif a'u profiad.

Dylai'r cyfarfod ystyried pob adran yn y fframwaith SCC a chymryd camau o fewn y rhain er mwyn adnabod unrhyw fylchau posibl yn y wybodaeth neu lle gallai materion fod wedi cael sylw mewn ffordd wahanol.

Llunnir Cynllun Gweithredu Cryno sy'n nodi unrhyw faterion i gael sylw, a chytunir ar gynllun ar gyfer gwneud hynny.

Gallai'r rhain gynnwys:

- Hyfforddiant i ymarferwyr / y panel a / neu gymorth cymheiriaid
- Addasiadau y mae angen eu gwneud i'r fframwaith SCC neu sut y mae'n cael ei ddefnyddio
- Rolau a chyfrifoldebau ymarferwyr o fewn y fframwaith
- Rhannu gwybodaeth a chymorth

Dylid cynnal cyfarfod Dysgu o Arfer SCC yng nghyd-destun cydweithio a chymorth bob tro, gyda chyd-ymrwymiad i barhau i ddatblygu arfer.

Adolygiad Gofalwyr (templated 2)

Gallwch lawrlwytho fersiwn Word o'r ffurflen hon, oddi ar: adoptcymru.com/sefydlogrwydd-cynnar-cymru



Sefydlogrwydd Cynnar Cymru
Adolygiad Gofalwyr SCC (Templed 2)

Os nad ydych chi'n dymuno parhau gyda'r paru ar gyfer mabwysiadu, ni fydd yn cael ei weld fel tarfu ar fabwysiadu. Serch hynny, bydd angen myfyrto a dadansoddi'n gadarn er mwyn sicrhau bod gwersi'n cael eu dysgu a'u cynnwys mewn unrhyw arfer yn y dyfodol.

Sefydlogrwydd Cynnar Cymru	
Adolygiad Gofalwyr SCC (Templed 2)	
Os nad ydych chi'n dymuno parhau gyda'r paru ar gyfer mabwysiadu, ni fydd yn cael ei weld fel tarfu ar fabwysiadu. Serch hynny, bydd angen myfyrto a dadansoddi'n gadarn er mwyn sicrhau bod gwersi'n cael eu dysgu a'u cynnwys mewn unrhyw arfer yn y dyfodol.	
Yn ymgybwyntu'r gofalwyr SCC i ddod i ran o'r cyfarfod hwn i rannu eu persbectif a'u profiad.	
Dylai'r cyfarfod ystyried pob adran yn y fframwaith SCC a chymryd camau o fewn y rhain er mwyn adnabod unrhyw fylchau posibl yn y wybodaeth neu lle gallai materion fod wedi cael sylw mewn ffordd wahanol.	
Llunnir Cynllun Gweithredu Cryno sy'n nodi unrhyw faterion i gael sylw, a chytunir ar gynllun ar gyfer gwneud hynny.	
Gallai'r rhain gynnwys:	
• Hyfforddiant i ymarferwyr / y panel a / neu gymorth cymheiriaid	
• Addasiadau y mae angen eu gwneud i'r fframwaith SCC neu sut y mae'n cael ei ddefnyddio	
• Rolau a chyfrifoldebau ymarferwyr o fewn y fframwaith	
• Rhannu gwybodaeth a chymorth	
Dylid cynnal cyfarfod Dysgu o Arfer SCC yng nghyd-destun cydweithio a chymorth bob tro, gyda chyd-ymrwymiad i barhau i ddatblygu arfer.	

Cydnabyddiaethau

Mae ein diolch yn fawr i'r bobl a'r sefydliadau canlynol, a fu'n hael gyda'u hamser ac wrth rannu eu gwybodaeth a'u harbenigedd. Maent wedi bod yn allweddol wrth ddatblygu fframwaith cynhwysfawr SCC, gan helpu sicrhau ei fod yn gadarn ac yn addas at y diben.

- Hannah Moss o Coram Centre for Early Permanence
- Ein grwpiau cyfeirio, a oedd yn cynnwys cynrychiolwyr o bob rhan o'r sector, gan gynnwys Rheolwyr Mabwysiadu Rhanbarthol ac ymarferwyr mabwysiadu; rheolwyr ac ymarferwyr maethu a gofal plant; Cafcass Cymru; Cynrychiolwyr cyfreithiol.
- Ymarferwyr Reflect sydd wedi rhoi adborth gwerthfawr o bersbectif y rhieni
- Huw Pritchard, Canolfan Llywodraethiant Cymru, Prifysgol Caerdydd

Diolch hefyd i'r Cadeirydd a'r holl siaradwyr a gytunodd i fod yn rhan o Gynhadledd y Gwasanaeth Mabwysiadu Cenedlaethol er mwyn lansio fframwaith SCC, ac yn enwedig i Greg Lewis a Laura Betts o VVC a oedd yn barod i rannu eu meddyliau a'u profiadau.

Ac, yn olaf, diolch i'r holl ymarferwyr hynny sydd wedi bod yn barod i fyfrio ar arfer a rhannu enghreifftiau i'n hysbrydoli. Mae eich brwdfrydedd a'ch ymrwymiad i blant sy'n ceisio sefydlogrwydd, yn ysbrydoli. Mae'r un peth yn wir am eich ymrwymiad i ddarparu'r cymorth iawn i deuluoedd pan fydd arnynt ei angen, a'r rhinweddau hyn sy'n parhau i yrru datblygiad parhaus gwasanaethau yng Nghymru.

CYFEIRIADAU

Borthwick, S & Donnelly, S (2013). Concurrent Planning. Achieving early permanence for babies and young children. BAAF.

Dibben, E a Howorth, V (2017). The role of fostering for adoption. CoramBAAF.

Dibben, E a Roach, R gyda Moss, H. (2019) Preparation groups for early permanence carers. CoramBAAF.

Mason, C et al (2022). Born into Care: Draft best practice guidelines for when the state intervenes at birth. Arsyllfa Cyfiawnder Teuluol Nuffield .

Neil e, Beek M, Ward E (2014) Contact after adoption. BAAF

Ponomarenko, A, Kaniuk, J, Mesie, J (2018) Findings from a longitudinal study of early placements. Coram Centre for Early Permanence.

Simmonds, J. (2019) Matching a child in an early permanence placement: the importance of identity. CoramBAAF.





Gwasanaeth
Mabwysiadu | National
Cenedlaethol Adoption
Service

Tîm Canolog y Gwasanaeth Mabwysiadu Cenedlaethol
c/o Cyngor Dinas Caerdydd
Ystafell 409 Neuadd y Sir, Glanfa'r Iwerydd
Caerdydd CF10 4UW

F: 029 2087 3927

www.adoptcymru.com



AFA CYMRU
association for fostering and adoption
cymdeithas ar gyfer maethu a mabwysiadu

AFA Cymru
Uned G14, Ty Antur
Navigation Parc,
Abercynon CF45 4SN

F: 02920 761155

www.afacymru.org